

6

41-b

35



~~41-b-35~~


M. J. J. J.


Q<sup>mo</sup> Mons<sup>re</sup> Braccis  
Arvinese. d. Pasi.


~~6-41-6-30~~


H












IVLII PERVSCI  
PATRICII ROMANI  
EPISTOLARVM  
LIBRI SEX.



ALEXANDRO SFORTIAE  
SANCTAE RO. ECCLESIAE  
CARDINALL



VENETIIS,  
Apud Ioannem Baptistam Somaschum.  
M. D. LXVIII.




IVILLI PERVSCI

PATRISTICI ROMANI

ENISTOTI ARAM

LIBRI VII



ALEXANDRO DIORITAE

STRICTAE RELECTIVAE

CARDINALE



VENETIIS

Apud Joannem H. Zuckermayer


M. D. C. LXXIII.

ALEXANDRO SEORTIAE  
SANCTAE RO. ECCLESIAE  
CARDINALI

MARIUS PERVSCVS

IULII FILIYS

S. P. D.



OLENT ii, qui aliquod feri  
ptum edere in lucem consti-  
tuunt, petere praesidium ab  
eis viris, qui animi altitudine  
& virtutum insignibus prae-  
stant; vt non ignari illi, quan-  
ti facienda, quamq; etiam omni virtus digna  
sit premio, possint suis opibus fouere, suaque  
auctoritate contra inuidorum animos munire  
eiusmodi hominum genus, qui ad immortali-  
tatis laudem properantes nomen eorum, qui  
de se optimè sunt meriti, æternum facere con-  
tendunt. Ego verò, qui tota mente, & studio  
omni elaboro; vt aliquid à me in vulgus exeat,  
licet me eximia tua ornamenta ad fidem, & au-  
xilium tuum implorandum non horantur so-  
lùm, sed accendere quasi videntur: vetere ta-  
men meorum maiorum obseruantia, & neces-  
situdine, quæ sibi cum tua familia vniuersa in-  
tercescit, & magna in primis de te Iulii paren-  
tis mei opinione, hoc facere coactus sum: ex



quo audiueram iam inde à puero; cum non so-  
lum domi nostrę priuatim; sed publicè etiam  
in singulis colloctionibus de te sæpè comme-  
morabat; nihil esse in virtute tantum, ac tam  
præstans, quod non ad te per summum decus,  
perque summam honestatem peruenerit. Ani-  
maduertit enim ipse, ac didicit ex tuæ vitę cur-  
su; te prudentiam iam adeptum florentissi-  
mæ tuæ ætatis tempore coniunctam cum ius-  
titia, & integritate; te celeri motu esse, & ani-  
mi, & ingenii ad excogitandum ea, quibus ho-  
mines, qui spem omnem in te habent, possis  
iuuare; te religionis pietate nunquam defun-  
ctum, nunquam à te pietatem nè vultu qui-  
dem lædi; te doctrinæ cognitionem à libris  
petitam in grauisimis causis pulchrè expli-  
care; te virorum fortium constantiam tam  
in despiciendis humanis, quàm in sententiis  
in Senatu dicendis imitari; te vsum rerum  
magnarum percellere: ad optima, ad alta, ad  
longinqua tam præstò, tam paratum esse,  
vt niti iam possit res Christiana publica sin-  
gularibus his, ac propè diuinis animi tui do-  
tibus. Quibus quidem rebus adductus pa-  
rens ipse non potuit non summopere opta-  
re, te supremi domini, ac Principis loco  
habere; tibi que tali viro, tali que Cardi-  
nali fortunas, & liberos omnes suos tra-  
dere in fidem, ac tutelam. Hæc vox, hæc  
non



non exigua suæ erga te voluntatis signifi-  
catio impulit me ; vt curam , & cogitatio-  
nem susciperem , quo nam obsequio pa-  
trem tueri possem ; cui omnia singularia  
studia , omnem pietatem me magis debe-  
re sentio , quàm cæteri liberi suis parenti-  
bus . Quare cum sic existimauerim , nihil  
illi sanctius , nihil antiquius futurum esse ,  
quàm vt me tibi totum , quantuluscumque  
sim , dedam vni , meque vt in fidem , & clien-  
telam tuam conferam ; collegi me ipse , &  
cum animo meo etiam , atque etiam cogita-  
ui , hoc meæ uoluntatis specimen , hoc mei  
cultus in te indicium fore ; si non nihil patris  
mei uigiliarum in tuo nomine appareat , non-  
nullasque literas mea diligentia collectas ,  
quibus idem pater cum suis familiaribus , &  
cum multis claris uiris latinè agebat sub tuæ  
celebritate famæ emitterem , præsertim cum  
ad summas eas laudes , in quibus te positum  
uidemus , magnus accedat ex hoc ipso cu-  
mulus , quòd grauisissimis curis , & occupa-  
tionibus assidue districtus aliquid interdum  
temporis in optimarum artium studiis li-  
bentissimè consumis . Ex quo facilè mi-  
hi persuadere debeo : te hoc quoque scri-  
ptorum genere , & harum lectione episto-  
larum delectari posse : quas equidem non eò  
ex meis manibus exire uolui ; ut ex harum

vel grauitate in scribendo, vel humanitate in  
rogando, vel diligentia in commendando, vel  
facilitate in explicando quicquam afferam ad  
communem fructum, neque præterea, ut ali-  
quid in ipsis, quod concinnum, aut doctum sit  
aliquidq; ingenii lumen eluceat. Longè enim  
alia conditione se is esse intelligit, quàm do-  
cti, & in doctrinis versati: Sed quando ea vi-  
sa est impendere antehac inuidiæ tempestas  
nauis, & industriis hominibus; vt benè suæ fi-  
dei cōsultum existimauerint superiorum prin-  
cipum administri; si vni ii, qui aut parum ido-  
nei, aut rudes exemplorum, aut rerum imperi-  
ti publicis pecuniis, publicis muneribus erige-  
rentur; non poterit mihi non esse iucundum  
meum de his imprimendis epistolis iudicium.  
Nam eos puto, qui has in manus sumpserint,  
sic de illius temporis iniquitate, sic de illorum  
in administrando ratione interpretaturos; vt  
neque patri sustentanda sit suæ incommodæ  
fortunæ culpa, in quo nulla vnquam fuit iner-  
tiæ, nulla improbitatis suspicio; neque vt ego  
videar ex patre planè indiferto natus. Quo-  
circa te oro (permagne Vir) atque obtestor;  
vt paratus nunc scutis, ac telis existimationis  
tuæ aduersus curiosorum impetus, qui rabido  
quasi morfu feriunt, & carpunt, velis huic meę  
voluntati fauere, adiutorq; esse; nec non tam  
promptum, atq; alacrem ad te obseruandum,

&

& colendum animū meum satis iam perspe-  
ctum, & cognitum habere: Quem quidem si  
intellexero ex aliquo insigni tuæ erga nos be-  
nignitatis indicio non reuici à te, neque con-  
temni, hoc vnum pugnabo, & enitar; vt quan-  
tęcunque future sunt meæ vel laboris, vel in-  
genii fruges, ita conferam ad colligendam  
tuorum meritorum memoriam; vt omnes  
cum in præsens, tum in posterum sentiant ni-  
hil me de grati hominis dignitate discessisse.  
Valc.

IOAN. BAPTISTA GABIVS  
ALEXANDRO SFORTIAE  
SANCTAE R. ECCLESIAE  
Cardinali.



**I**n rura Dei Optimi Maximi benignitate concessa mortalibus ad ferendas vitæ necessarias fruges, ea hominum cura, atque industria fraudarentur, quam necessariò requiri videmus, nemini profecto dubium est (Antistes amplissime) quin tritici, farris, hordei, aliarumque rerum utilium loco, ea nobis procrearent, quæ vel paruo, vel nulli potius *vsui* forent: qualia sunt lolium, tribuli, cardui, & id genus, quæ minus culta terra gignere consuevit: neque enim aurea illa fabulosa nostra est ætas, ut quæ à natura proficiiscuntur, ea sine artis auxilio perfici queant: ita proborum adolescentum ingenia, qui optima indole præditi à teneris annis maximam spem ad maturam frugem perueniendi præ se ferunt; nisi eruditorum hominum doctrina diligenter excul-ta, summorum quoque virorum patrocinio quasi adminiculis fulciantur, haud facile possunt concitata de se hominum expectationi respondere. Quo circa hinc fieri arbitror, ut nostra hac tempestate, cum optima, ac præstantissi-  
ma

ma minimè defint ingenia , ij tamen fructus de-  
siderentur , quos illa uidentur sine ulla contro-  
uerfa meritò polliceri : Cum agris facundissi-  
mis optimi defint coloni : Verùm in hoc rerum  
statu , & hac temporum conditione maximam  
ijs deberi laudem censuerim , qui se tales præsti-  
terint ; vt ingenia , quantum in se est , fouentes ,  
hac ipsa culpa penitus vacent : In quorum nu-  
merum te Principem ( Antistes optime ) ascri-  
bendum inficiari nemo poterit , qui non modò  
tuis domesticis inuitatus exemplis , sed etiam tua  
sponte incitatus veræ virtutis patrocinium susce-  
pisti : & hac potissimùm de causa Iulij Perusci  
viri optimi , tuæque amplitudini deditissimi fi-  
lius cupiens parenti , quàm simillimus euadere ,  
te vnum sibi animaduertens patronum contigif-  
se , vt testatum omnibus relinquat quàm libenter  
consilium , atque institutum patrium approbet ,  
qui se tibi in perpetuam seruitutem dedicarit , stu-  
diosè operam dedit ; vt aliquot ex multis , quas  
idem Pater scripsit epistolas non inelegantes , &  
cum eruditionis plenas , tum illius loquendi li-  
bertatis , quam profectò hæc tempora postulant ,  
colligeret ; easque tuo nomine munitas in lucem  
ederet . Sciebat enim , quauis puer , amplissima  
te familia ortum , vel proximis diebus fratrem ha-  
buisse , cuius in comparanda illa tam celebri bi-  
bliotheca eximia liberalitas apparuerit , quam  
quidem multorum diuitijs , & opibus iure optimo  
existimat

se specimen dare cœperit, non verebor ego tua fre-  
tus eximia, ac singulari humanitate, quam ille sem-  
per habet in ore, à te petere: ut quando ipse in  
tuam se fidem, clientelamque contulit, nè desistas  
fouere, tueri, & ut liberior loquar, amplexari: ut  
tua vnus ope, parente tandem superior. effectus,  
eos edat fructus, quos olim tuo muneri se debere  
fateantur homines literati, tibi que persuadeas  
non alia ratione facilius ad veram gloriam, qua  
tuis omnibus semper proposita fuit, perueniri posse.  
Vale, meque tuarum virtutum amātissimum ama.

ALEXANDRO SFORTIAE  
SANCTAE RO. ECCLESIAE  
CARDINALI,  
IULIVS PERVSCVS.



ARIVS filius meus ita inflammatus, & incensus est cum ex meis verbis, tum ex communi ceterorum hominum sermone ad omnia in te singularia officia, ad omnemque tui cultum; ut neque vlllo in munere tam sibi esse contendendos ingenij, atque industriae nervos, quam ut appareat interdum insigne aliquod suae perpetuae erga te voluntatis indicium; neque vlllo denique praesidio existimet se munitiorem fore ad percipiendas, & conservandas eorum studiorum fruges, in quibus assidue versatur, quam tui altitudinis animi comitatu, & tuae eximiae virtutis exemplo. Itaque cum nondum liceat ei per aetatem aliquid ex suo edere, quo possit tuas divinas complecti laudes; has meas rudes, atque indoctas literas, quas ego ipsi sua manu transcribendas credere solebam, voluit, se vno duce, seque ipso met auctore, exire, atque in vulgus emanare: In quo quidem, tam etsi non meum, sed suum potius secutus sit consilium,  
cum



cum nonnulla labecula posset ex hac sua cupiditate aspergi nostro pudori, reformidanti plane severam inuidorum censuram; tamen quando & sub tui nominis splendore hæ sunt futura tutiores ab eius hominum generis turpitudine, ac liuore, & tuum præterea grauissimum, celebratumque nomen in nostris etiam scriptis condetur iam, & collocabitur; non potui, quæ mea præsertim in te firma, & fidelis est obseruantia, ab obsequio, indulgentiaque filij discedere; atque eo maxime quod pietatis me in primis, ætatis illum, ac necessitatis excusatio, utrumque deinde nostrum summa illa tua prudentia, & humanitas, in qua omnis priuatarum rerum nostrarum spes posita est, defendet.



# INDEX COMMONSTRANS

cui scribat.

<b>A</b> Doardo à secretis Alphonſi Carraſæ S.	
Rom. Eccl. Cardinalis epiſtola.	2
Alphonſo Carraſæ S. Rom. Eccl. Card.	3
Adoardo à secretis Alphonſi Carraſæ	
S. Rom. Eccl. Card.	4
Aloiſio Cornelio S. Rom. Eccl. Card.	14
Angelo Laſcaro.	29
Alexandro Farnefio S. Rom. Eccl. Car.	43
Aloiſio Cornelio S. Rom. Eccl. Car.	44
Antonio Mariæ Saluiato Epiſcopo.	47
Alexandro Sforziæ Epiſcopo Parmen.	51
Alexandro Sforziæ Epiſcopo Parmen.	52
Alexandro Sforziæ Epiſcopo Parmen.	53
Aloiſio Cornelio S. Rom. Eccl. Car.	54
Alexandrino S. Rom. Eccl. Car.	67
Alphonſo Ieſualdo S. Ro. Eccl. Car.	68
Bernardino Scoto Sabino S. Ro. Eccl. Car.	9
Borromeo N. Sanctæ Ro. Eccl. Card.	16
Borromeo N. Sanctæ Ro. Eccl. Card.	17
Borromeo N. Sanctæ Rom. Eccl. Car.	18
Borromeo N. Sanctæ Rom. Ecc. Card.	26
Borromeo N. Sanctæ Rom. Ecc. Car.	27
Camillo Peruſco Epiſcopo ſuo Fratri.	46
Deimio Hagienni.	34
Fatribus	48
Fatribus	50
Franciſco Gonzagæ S. Ro. Eccl. Card.	10
Federico	

Federico Cornelio Episcopo	58
Fuluio Corneæ S.R.O. Eccle. Card.	63
Guido Ascanio Sfortiæ S.R.Ecc. Card.	5
Guido Ascanio Sfortiæ S.R.E. Card.	8
Guido Ascanio Sfortiæ S.R.E. Card.	10
Guillelmo Sirleto S.R.Ecc. Card.	56
Guillelmo Sirleto S.R. Ecc. Card.	60
Guido Ascanio Sfortiæ S.R.E. Card.	31
Guillelmo Sirleto S.R.Ecc. Card.	64
Hostilio Heætoræo.	39
Hostilio Heætoræo.	40
Iulio Tertio Pontifici Max. epistola	1
Iulio Herculano.	36
Ioanni Antonio Clario	37
Laini ordinis Iesuiti Generali.	20
Leonardo Columbino.	49
Marco Antonio Columnæ Archiepiscopo	
Tarantino.	22
Matteo Priulo Episcopo.	23
Marco Antonio Colūnæ S.R.E. Card.	24
Marco Cornelio.	30
Marcello Pallono.	35
Marco Antonio Amulio S.R.E. Card.	59
Mutio Passamontio.	61
Nicolao, Ioanni Paulo, & Octauio fra-	
tribus.	41
Pompeo Zambeccario Episcopo Valuen.	11
Pompeo Zabeccario Episcopo Valuen.	13
Pio Quarto Pontifici Maximo	15
Poli-	

Policastri Episcopo N.	21
Paulo Odescalco pro Auditore camerę apostolicę locum tenenti.	25
Paulo Spinello suo.	28
Pio Quarto Pontifici Maximo.	55
Petro Guicciardino pro auditore Ca.	62
Pio Quinto Pontifici Maximo	66
Quibusdam suis affinibus	42
Rainutio Farnesio S.R.Eccle. Card.	32
Rainutio Farnesio S.R.Eccle. Card.	38
Sebastiano Vantio pro auditore camerę	33
Triuultio N. Sanctę R.Eccle. Card.	6
Triuultio N. Sanctę R.Eccle. Card.	7
Torcellę Episcopo N.	12
Vitellotio Vitellio S.Rom.Eccle.Card.	57
Vitellotio Vitellio S.Ro.Eccl.Card.	65
Zarę Archiepiscopo N.	45

10	10	10	10
11	11	11	11
12	12	12	12
13	13	13	13
14	14	14	14
15	15	15	15
16	16	16	16
17	17	17	17
18	18	18	18
19	19	19	19
20	20	20	20
21	21	21	21
22	22	22	22
23	23	23	23
24	24	24	24
25	25	25	25
26	26	26	26
27	27	27	27
28	28	28	28
29	29	29	29
30	30	30	30
31	31	31	31
32	32	32	32
33	33	33	33
34	34	34	34
35	35	35	35
36	36	36	36
37	37	37	37
38	38	38	38
39	39	39	39
40	40	40	40
41	41	41	41
42	42	42	42
43	43	43	43
44	44	44	44
45	45	45	45
46	46	46	46
47	47	47	47
48	48	48	48
49	49	49	49
50	50	50	50
51	51	51	51
52	52	52	52
53	53	53	53
54	54	54	54
55	55	55	55
56	56	56	56
57	57	57	57
58	58	58	58
59	59	59	59
60	60	60	60
61	61	61	61
62	62	62	62
63	63	63	63
64	64	64	64
65	65	65	65
66	66	66	66
67	67	67	67
68	68	68	68
69	69	69	69
70	70	70	70
71	71	71	71
72	72	72	72
73	73	73	73
74	74	74	74
75	75	75	75
76	76	76	76
77	77	77	77
78	78	78	78
79	79	79	79
80	80	80	80
81	81	81	81
82	82	82	82
83	83	83	83
84	84	84	84
85	85	85	85
86	86	86	86
87	87	87	87
88	88	88	88
89	89	89	89
90	90	90	90
91	91	91	91
92	92	92	92
93	93	93	93
94	94	94	94
95	95	95	95
96	96	96	96
97	97	97	97
98	98	98	98
99	99	99	99
100	100	100	100

IVLII PERVSCI  
PATRITII ROMANI

EPISTOLARVM

*Liber Primus.*



IVLIUS PERVSCVS IVLIO III.  
PONTIFICI MAXIMO.



ON audeo, Pater Sancte, nunc  
tibi ullo uerborum genere gra-  
tias agere pro tam singulari stu-  
dio, & beneficio, quo me paulò  
ante prosequutus es. Eiusmodi  
enim est tuæ Sanctitatis huma-  
nitas, ac liberalitas; ut cum potestate, & amplitu-  
dine maximis omnibus antecellas Principibus, ma-  
ior tamen in sola ipsa humanitate, ac liberalitate,  
quam in uniuersa potestate, & amplitudine inni-  
ritur tuarum laudum gloria. Quapropter cum ni-  
hil planè mecum ipse esse reputem, quod possit tuæ  
benignitatis præstantiæ, magnitudiniquè responde-  
re, cumq; optima, & perpetua mea erga te futura  
sit uoluntas; hunc uelis gratum, promptum, atque  
alacrem ad te uenerādum, & colendum animum,  
quo imprimis uno Christus saluator mouetur, &  
gaudet, perspicere, atque amplecti.

A IVLIVS

IVLIVS PERVSCVS ADOARDO  
à secretis ALFONSI CARRAFÆ Sanctę  
Ro. Ecclesię Cardinalis.

2

**A**DMIRABILI, qua fuit in me sapenume-  
ro liberalitate, atque humanitate opti-  
mus Pontifex, ea me idem hesterno die  
cū libenter, tum benigne amplexus est. Quod  
cum mihi ex amplissimi Alfonso studio, atque au-  
toritate contigisse mecum reputarim; tantam eo-  
rum utriusque benignitatem non silentio prater-  
eundam duxi; præsertim quando ego, quæ aut me-  
moris, aut grati sunt hominis munera ullo tempore  
non subterfugi. Itaque pro ea, quam debco talibus  
Principibus gratiarum actione non nihil nunc  
mearum literarum indoctę, inculte quę exaravi,  
quas ad te huic spectatissimo iuveni reddendas mit-  
to. Has etenim confido, ex tuę insequentis commen-  
dationis efficacitate non parum apud eum ponde-  
ris habituras. Sed oro tamen te, atque obsecro,  
humanissime Adoarde, ut idonei temporis op-  
portunitatem ad illas reddendas pro tuo singulari  
iudicio nancisci studeas; ne propter maximas ip-  
sius occupationes maior fortasse cumulus ad mea-  
rum literarum inscitiam accedat.

## IVLIVS PERVSCVS ALFONSO

Carrafæ Sanctę Rom. Ecclesię Cardinali.

**S**ibi liberalitas optimi atque humanissimi Principis quesita foret; nihil hercle potuisset fieri beneficentius erga me, quàm factum est cum à Beatissimo tuo magno patruo, qui me toties iam, & nunc denuò ex tuo studio, tuaque auctoritate sanctissimis pedibus aduolutum ità libenter amplecti sua pietate uoluit; ut nullas meas preces apud aures suas irritas esse passus sit; tum uerò à te ipso paulò antea, qui domestica tuorum maiorum exempla tam egregiè, tam diligenter expresseris, & benignitatis, & prudentiæ: ut te uel talibus supra ætatem uirtutibus præditum suspiciam, uel eis futurum iidem honoribus dignissimum, quibus in præsentia auctus es, iudicio meo comprobauerim. Quorum quidem amborum, & humanitatis, & beneficentiæ magnitudini, quoniam mea tenuitas, neque pari ingenij ui, neque uerborum copia respondere ulla potest; non nihil tamen officij mei prosequar in eo, quod erit in me situm; ne grati uidear hominis prorsus intermittere munia. Itaque orare te, atque obtestari summis precibus, Alfonso spectatissime, non desistam; ut id suscipias, ac perficias, quod mihi deest; & quas ego gratias uerè, digneque nec audeo, nec possum, tu Pontifici Maximo admirabili, quæ es



## IVLII PERVSCI EPIST.

in omnes humanitate, non meis solum uerbis, sed tuo etiam nomine interdum agere uelis. Nam quæ ad me profecta sunt ab illo beneficia, quæque etiam proficiscuntur, ea à te profecta esse in me nunquam non mecum ipse reputabo. Quare cum maximam utrisq; uestrum gratiam debeam, cumque satis animo erga uos facere, cupiditatiq; meæ non queam; in hoc uno meos omnes nervos contendam, ut ne ullum quidem uestrorum erga me meritorum uestigium unquam appareat, quod uel non studeam quocunque rerum statu in intimis meis sensibus perpetuo, sancteque seruare, uel non sim grata inter mortales prædicatione assidue sequuturus. Vale Alphonse optime, meque gratia tuere, ac præsidio tuo.

## IVLIVS PERVSCVS ADOARDO

à Secretis Alphonfi Carrasæ Sanctæ Romanæ Ecclesiæ Cardinalis.

4



COGNOVI equidem ex illa tua singulari commendatione tuoque acri studio, quo antea pro me usus es apud optimum, atque amplissimum Alphonsum Carrasam; quanti me feceris, mi Adoarde, cognoui inquam; quo tamen iure? nullo quidem, ut uidere mihi uideor. quis enim ego sum, ut curæ tibi fuerim tantæ, qui

me



me prope non noueris? Tanta uerò tua est facilitas, humanitasque, ut me semper hilarè acceperis, & quam liberalissimè complexus fueris, tantumque ingenij tui lumen, mentisque acies, ut ueluti Sol suis transuerberans radijs nubes, easque ex opacis, atrisque raras, albasque reddens cuncta sua luce lustrat, & complet: ita & tu ab animo meo tanquam ab oculis caliginem dispellens, aut quæ in me non sunt bona, aut quæ sunt meliora uideas, quam sunt. Hoc nomine quantum tibi debeam agnosco, utinamque, ut mihi in hoc agnoscendo summum non deest ingenium, ita par daretur facultas in persoluendo: profectò gratiorem hominem, & qui magis tibi tua causa deberet, haberes neminem. Hoc tamen uti uerbis polliceor; ita re præstaturum me magnopere confido, nullum tuum apud me unquam officium esse intermoriturum. Quis etenim toto terrarum orbe inueniri me posset nequior, hoc si non præstarem? Qua de re illud interim te rogare, atque obsecrare, humanissime Adoarde, non prætermittam: ut cum tu in me commendando huic ornatissimo spectatissimoque iuueni aliquanto liberalior, ac profusior fueris, quam mea merita uideantur postulare, meque talibus nunc officiorum initijs, tamque insigni tuæ uoluntatis indicio in amicitiam tuam recipere uolueris; ita & eius in me summam benignitatem cum tui studij diligentia, tum tuarum assiduitate

comendationum confirmes: & tuum præterea in  
me diligendo iudiciū nunquam infirmum esse pa-  
tiaris. Vale.

IVLIUS PERVSCVS GVIDO  
Afcancio Sfortiæ S.Ro.Ecclesiæ Cardinali.

**V**M harum ab initio calamitatum, qui-  
bus nos omnes acerbissimè affictamur,  
cruciatu angerer maximo, ac penè incre-  
dibili; cumque dies, noctesque ob proxima nostris  
imminentia fortunis, sedibusque incendia; quæ nō  
aqua, sed ruina restingui posse uiderentur, meus  
me mæror quotidianus laceraret, & conficeret,  
adeò mihi de mei firmitate iudiciū uerendum erat,  
ut quo me solatio leuare, quo consilio confirmare,  
quoque me terrarum tutò transferre possem faciliè  
non reperirem; neque planè mihi grauiter mæ-  
renti commodius quid, uel antiquius præsidij ad-  
uersus molestissimas uexationes præfererebat, quā  
ut nonnullis reiectis, quibus potissimum urgebar  
animi affectibus, ad quandam quasi bonarum ar-  
tium recordationem, studiūque à me diutissimè præ-  
termissi, & ad libros uolutandos confugerem: qui-  
buscum tantum adducor hercle inire consuetudi-  
nis, quantum eo legendi, scribendi que interuallo  
tum intestinis læguoribus paululum crigi animus,  
tum assidua huiusmodi teterrimorum temporum co-  
gitatione

gitatione minus distineri queat: In quibus, orbis terrarum turbato statu, tua in primis uirtus, integritas, & sapientia splendidissimus tanquam in tenebris fulgor enituit. Hoc igitur nomine mirari ne utique debes, si quidem ego & prudentia, & eruditione destitutus, ac plane indequaue orbatustibi prudentissimo, eruditissimoque uiro latinis ausim literis obstrepere: atque eò maxime, quòd mihi persuasissimum habui, non esse aut alienum tua grauitate, aut absonum ea benignitate, cuius maximam usquequaue uoluisti præ ceteris tuis ornamenti gloriæ uigere; ut meas quocunq; uerborum genere sententias ad te familiariter deferam, qui plurimum non in uerba, sed in rem, animumque tuorum fidelium soles oculos, mentemque coniungere. Ego te unum iam diu ab adolescentia comperto iudicio, non casu ex uniuerso amplissimorum patrum, uirorumque ordine mihi eximie colendum, atque obseruandum selegi; te unum constitui auctorem, et adscriptorem dignitatis meæ, tibi que itidem uni meam omnem operam, rationes, facultatesque omnes, quantulacunque fuerint, perpetuo dicaui. Et quoniam neque optima tua in me uoluntatis declaranda, neque constantis in te meæ fidei usus præstandæ aliquando euenit; ardeo tamen cupiditate incredibili, ut illud tibi exploratissimum sit, me, qui nulla unquam rerum uicissitudine à ueteri meo instituto deterrebor, fore tibi nunc ali-

quantum fortunæ iniuria iactato addictum, ac deditum; inque eiusmodi opinione magis, magisque in dies sic permansurum; ut mihi firmissimè in animo statutum insit, meos quoscunque posteros non modò in hac ipsa observantia, & cultu rectè perseveraturos; verùm etiam sub tuo patrocínio, ac numine, sub tua, tuæque familiæ sempiterna ditione nasci, & educari. Quo fit; ut te orem hoc tempore, atque obtester, ut duos ex me filiolos tuo amore, tuo gremio, atque humanitate confouendos, ac amplexandos non recuses: alterum, scilicet, olim in sacro baptismi fonte egregiè susceptum à præstantissimo Balduino Montio, cui tum uir ille inclytus Iulianus Cæsarinus, Lælius de Cere Vrsinus, Archiepiscopus Massens, ac Franciscus de Aspra fisci tunc præfectus unà in diuinis ritibus omnes affuerunt; alterum præterea, quo me Deus nocte beata felici uxoris partu auctum fecit: Hunc aueo à te tuo studio, tua fide, cum is primis sanctis Christo sit initiandus mysterijs, ex aquaque, et spiritu sancto, ut nostrorum more theologorum loquar, propediem renaturus; pie, paternæque susceptum iri; atque ita pol aueo, ut bonis ipse adductus consilijs in me animi tui signa, atque indicia commodiore loco abs te expectere non possim: tum quòd talem benevolentiae significationem diuturna iam mea spes de te, & tua humanitas, atque constantia postulat: tum quòd huiusmodi munus non cupio à præstanti-

præstantissimis Bellayo, & Cornelio Cardinalibus una cum Gaditanen. Episcopo, nisi tua præeunte auctoritate obiri: tum demum, quod tua uideatur amplitudine dignum, laudabile, atque gloriosum, quem humanis non potueris adhuc suffragiis afficere, diuinis me tibi iam uiginti addictum annos beneficijs ornare. Quod si me hoc per opportuno, & expectato prosequi uolueris munere, tuisque hisce honoribus indignum non existimare; patieris pro tui altitudine animi ipsum tibi puerum infantem ornandum, ac suscipiendum, quem tibi iam ex hoc tempore addico, tradoque tuæ potestati, ad statutam eius nominandi diem ab Christi Antistite tuo proprio, & illustri nomine nuncupari: ut splendidissimo, ac uenerabili admodum nobis Ascanij Sfortia nomine domus mea personet uniuersa.

IVLIVS PERVSCVS. N. TRI-  
uultio Sanctæ Romanæ Ecclesiæ Card.

6

**V**IDE, quanta insit uis meo in presenti, expectatoque iam diu gaudio, quantam uoluptatem acceperim, & quo fructu iucunditatis fuerim cumulatus ex amplificatione dignitatis tuæ. Nam ego cum prudentia, tum eruditionis expertus audeo nunc tibi prudentissimo, ac eruditissimo uiro latinis gratulari sermonibus. Ita quidem sum letatus: ut nullo prorsus ex mearum genere

genere literarum facere coniecturam posses : at-  
 que eò magis , quòd ex paucissimis ; quæ maxime  
 concupiui plurimis ab hinc annis, hoc mihi impri-  
 mis gratum, optatumque accidit. Factum est au-  
 tem immortalis Dei benignitate ; ut meum gaudiũ  
 omni ex parte fuerit expletum ; præsertim quando  
 sine ambitione ulla, sine mora , contradicente ne-  
 mine, omnibus suffragijs Cardinalis statim renun-  
 tiatus es. Venio igitur nunc uerè atque ex animo  
 tibi gratulatum his literis de amplissimis tuis or-  
 namētis, spectatissime Triuulti, ob quæ incredibili  
 lætitia me iustissimis de causis elatum sentio : tum  
 quòd uniuersis tibi, tuæque familiæ additis homi-  
 nibus persuasissimum sit te isto honore nuper affe-  
 ctum, quo sine antea nequiueras ingenuè magna-  
 nimitatem exercere tuæ uoluntatis, fore unicuique  
 eorum & præsidio, & emolumento : tum quòd cer-  
 nò iam animo totius Christiani orbis nationes , in  
 spem optimam erigi, te sedaturum ingenio, pruden-  
 tia, & sanctissimis consilijs tantos rerum motus,  
 quibus apostolicum genus iactatur. Quapropter  
 maximas, meritasque ipse Deo gratias agere Chri-  
 stiana debet Res omnis publica qui populo suo pro-  
 pè labenti tam necessario tempore talem, et præsi-  
 dem, & Cardinalem præficere uoluit ; tibi uerò,  
 Pontifici Maximo denuò, ac sepius gratulor. Fore  
 enim confido Saluatoris Optimi primum ope, &  
 beneficio, tua deinde integritate, & uirtute ; ut  
 amplitudo



amplitudo ista tua, splendor, & gloria cum salute maxima, & utilitate Catholicae religionis coniuncta sit futura. Quare cum exultandi modum nullo unquam tempore sim facturus: gratulationis tamen faciam; si duo prius haec fuero precatus; unum, ut ista in sapientissimorum Patrum ordinem cooptatio tibi non minus fausta, felix, fortunataque perpetuo sit, quam tua uel probitate, uel prudentia illa digna est: alterum, ut, me sic in tuos intimos familiares recipias, meaue sic opera studio, & labore libenter utaris, ut te nec tantam meam spem, mirumque desiderium frustratum esse, nec debitum iam uetustissimae meae in te obseruantiae locum a nouis hominibus praecupari mihi interdum mœrendum sit. Vale.

IULIUS PERVSCVS. N. TRI-  
uultio Sancte Romanae Ecclesiae Cardinali.

**A**deam uoluptatē, qua tuus me amplissimus honos nuper affecerat, uberrimus, incredibilisque accessit ex eis literis cumulus, quibus ad meas ipse cum benignē, tum peramanter respondere uoluisti: quarum quidem lectione cum fuerim ego mirificē delectatus; praesertim quando meum, quod antē feceram de tuis plurimis, maximisque uirtutibus iudicium, abunde auxerunt; tamen scias, tuas incundissimas, ac optatissi-

optatissimas literas illud mihi aspersisse offensionis,  
ac molestiæ: quòd nihil planè significarint, esse te  
hoc tempore ad hanc mihi diu expectatissimam oc-  
casionem meo studio, aut industria usurum. Quo  
nomine profectò non modica mihi fuisset animi  
ægritudine laborandum, ni una illa paululum eri-  
geret consolatione; quòd audio te in præsentia lon-  
gè maioribus distineri occupationibus propter no-  
uam istam honoris accessionem, gratulantibus sic  
tibi undique, & coram, & per literas bonis omni-  
bus; ut satis ad id, quod ego uel maximè cupiebã,  
non potueris animum intendere: atque inde fortas-  
se ad declarandam liquidius constantissimam tuam  
erga me uoluntatem, id temporis minus commodũ  
uisum est. quod si hac ratione munus debitum tuæ  
humanitati, uetustissimæque meæ in te obseruan-  
tiæ fuerit à te prætermisum; conuertam nunc me  
toto pectore ad integram, atque incredibilem lati-  
tiam, qua non alia unquam ardentior animum  
meum commouit; eaque inflammatus à te summis  
precibus contendam, ut tu, me uel beneuolentia,  
uel obseruantia tantopere erga te affectum existi-  
mes, quantum ego, nec epistola, nec ullo literarum  
genere possem ex animi mei sententia declarare.

Quapropter tantum habeas, Vir spectatissime,  
nihil mihi in ista tuæ dignitatis amplificatione  
optatius, nihil iucundius accidere posse, quam si te  
intelligam studio, industria, opera, labore, fortu-  
nisque



nîsq̃ue meis omnibus ad tuum arbitrium libenter usurum. Vale.

IVLIVS PERVSCVS GVIDO

Aſcanio Sfortiæ Sanctæ Rom. Eccl. Card.

8



*V*ANTVM fuerit detractum, Pater amplissime, de meis priuatis commodis obitu Iulij III. Pontificis Maximi facile meminisse te arbitror, qui tunc, propter uestram affinitatis, & amoris coniunctionem, non ignoraras, qua me familiaritate, quibusue officijs commemorandus tanti Pontificis frater implicatum tenebat. Ambo sanè triste adeò mihi suæ beneuolentiæ, & benignitatis desiderium reliquerunt; ut nihil mihi accidere posse in uita nisi acerbum putem. Cum igitur tali perfugio mancus, ac debilis, auctus iam ætate, & filijs patriam languentem in tam teterri-  
mas calamitates coniectam, quam alio nusquam sæculo uiderem, & totius rei Christianæ publicæ incolumitati prope diffiderem, nihil propterea studio-  
sius, nihil ardentius commentatus sum, quam aliquò peruenire, ubi paululum quirem, aut animum tristissimis temporibus cedendo, relaxare, aut exiguum reliquæ uitæ tempus in Dei primum cultu, deinde in summa tui obseruantia collocare: cuius mihi singulare patrocini-  
um explorato iudicio, nõ casu ex uniuersa præclarissimorum uirorum classe delegi.

delegi. Huius tu consilij particeps à me crebro effectus, inque illo eodem harena tua multa auctoritate, tuo multo studio hac me ornandum, quae nunc quidem fungor iurisdictione, pie, egregieque curasti: in quam, ut me recepi cogitans procul à patriae tempestatibus iuris hic dicendi duntaxat provinciam sustinere, nihil propius factum est, quam, ut acerbè ab impijs Turcarum, & praedonum manibus captivus raperer: quorum nos longa obsidione cinctos sua plane miseratione praepotens Deus, non debita suis iactatis nationibus navitate humani principes explicarunt; sicque dies, noctesque assidue propter illiusmodi suspiciones, ac metus cum me sollicitum habuerunt, tum non mediocri diligentia, arduosque laboribus adeo defatigatus sum: ut in hunc usque diem per incommoda laborarim aegritudine. Non enim mihi aliud planè quicquam agere licuit, quam omnes gentes, quibus praesum obire, populosque hostes meae fidei concreditos parum institutos ad arma instruere. Quo nomine ita magnus, ita incredibilis accessit ad meas angustias cumulus: ut si te mihi ante oculos praepceptorem fortitudinis non constituissem; si te miseras meas condiciones beneficentia tua in uberiores statum non vindicaturum sperarem, si mearum praeterea fundamenta cogitationum in te uno firmissima non iecissem, qui princeps salutis, & auctor futurus es meae; sequeretur omnino

cam

eam rerum desperationem, ad quam me fortuna  
acerbitas incitare, quam & humanitas postulare,  
& ipsa porro sapientia uidetur non posse recusare;  
tantā esse in me, licet iā usu, natura, & ratione edo-  
cto, non sentio corporis, aut ingenij firmitatē, ut no-  
uis possim in dies, atq; inopinatis peruersa fortu-  
na telis obistere, quæ me nūquam nō eludere cona-  
ta est. Itaque sustento enixē casus meos, atque im-  
becillitatem animi mei tuarum uirtutum mira fide  
præstantique exemplo: sed eō enixus, atque auda-  
cius sustentabo, quò magis intelligam quotidie, ni-  
hil fuisse remissum de pristina tua illa benignitate,  
quam ego iam in meis rebus dudum expertus sum.  
In ea etenim ipsa impēsē acquiesco: illa demum po-  
test una his meis optimam facere medicinam lan-  
guoribus: à quibus profecto si respirare tua iam in-  
stituta opera, & pietate in res meas unquam cæpe-  
ro, enitar omni ui, atque industria, ut aliqua ex me  
non obscura tuorum meritorum appareat prædica-  
tio. Hæc sunt spectatissime Sfortia, quæ me in præ-  
sentia coegerūt nō retinere epistolæ modum, quæ-  
que ipse non dubitauī tecum legitimo tanquam pa-  
trono tanta uerborum iciunitate familiariter per-  
currere: hæc, inquam, animum meum, hætenus, &  
corpus miserè molestia, doloreque perfractum, ac  
debilitatum reliquerunt: sed tamen hoc illud an-  
git me imprimis, & sollicitat uehementius, tū quod  
nullis quīuerim adhuc post meum ab Vrbe digres-  
sum

IVLII PERVSCI EPIST.

sum literis te salutare, quem supra mortales omnes colo, & admiror: tum quòd splendore tui per mihi gràti, atque optati aspectus iam diu caream: in quo rum altero multum poterit me tali defatiga- tionum genere à scribendo retardatum excellens tua prudentia adiuuare; in altero diuina tua ima- go non mediocriter consolari; quæ oculis animi mei semper obseruatur. ea namque quotidiano ueluti pabulo suauissimo abundè recreor, & tum abun- dantius, cum ex nonnullis audio prospera te per frui ualetudine; qua nec còmodius quippiam me- is rationibus, nec iucundius mihi, & longe gen- tium absenti, & grauiter affecto euenire potest.

IVLIVS PERVSCVS BERNAR-  
dino Scoto Sabino S. Ro. Eccl. Cardinali.

9.  
**N**ON sum ausus tibi antehac ullo literarū ge- nere obstrepere, ueritus primū occupatio- nem, & grauitatē tuam; deinde quòd fa- ris multos dies perincommoda laboraui agritudi- ne; postremò quòd nihil me ab inani literarum ser- mone alienum, uel priuatæ, uel publicæ rei ad scri- bendum stimularat. Nunc uerò cum animi aliquā- tis per, & corporis uires collegerim, aliquid que ha- buerim, quod scriberetur opportunum; statui, quan- do te magna cum fide, ardenti studio, fideliq̃ue ob- seruantia colo, & admiror; non tantam ducere  
tuarum

*tuarum occupationum, & grauitatis rationem; ut diuturni me aliquando suppuderet silentij; atque omnem præterea culpam, si qua tamen mihi prætermiſſi officiij ſuſtinenda eſſet, longiuſculis his literis delere; quæ ſi non medicinam proſuſ facient tantis, quæ impendent publicis, & priuatis curandis malis, at certè aliquam à dolore, & moleſtijs aberrationem, meæque optima uoluntatis ad te indicium afferent. Dabit autem mihi ſcribendi fiduciam non prudentia ulla mea, ſed Chriſtiana charitas, incredibilis illa, quam nunc oculis cerno, rerum omnium deſperatio, & tua denique mihi perſpecta in Catholicum genus benignitas; quam, ut meis iuſtiſſimis, ac teſtatis uerbis accommodes nunc queſo, & obteſtor. Ego, Pater Ampliſſime, in hac, quam adhuc ſuſtineo iuriſdicendi prouincia, tametiſi adeo negotioſo fungar munere, adeoque meis impari uiribus, propter uel aſperitatem hominum, & locorum, uel incredibiles, quibus premor aſidue occupationes; ut nulla mihi ſit poteſtas ad commodum aliquid, & arbitrium meum temporis conuertendi; tamen ſcito, nihil in iuriſdictione accidere tam moleſtum, nihil tam meis humeris graue, nihil meis ſtudijs, & auribus indignius, nihil planè animo meo tam ſtomacoſum, quàm huius incultam permultorum regni ſacerdotum uitam; ſolutum quidem à quocun-*

que non solum sacerdotum munere; sed Christiano etiam dogmate, atque præscripto. In his expressa insunt peruersitatis signa, non fucata saltem specie aliqua mansuetudinis, aut probitatis, sed inexprimibilibus iniusta maculis imprudentiæ, ac prauitatis. Hi miserrimorum hominum laboribus usquequaque insidiantur: Hi à Catholica desciscunt pietate: horum unaquæque cogitatio, & industria in adulterinis mutuis, & in insolitis quæstibus uersatur. In his nullum apparet sacræ disciplinæ uestigium, nullus diuinarum rerum cultus, nullum animarum studium, sed præcipientes potius tum ad pecunias quacunque ratione cogendas, tum ad libidinem nullo (probo Iesu bone) sanguinis, aut coniunctionis ordine retento, liberis non secus, ac profani, & mercibus, & mercaturis operam dant. Potest ne hoc aliquis hominum, qui non iam perditâ opinione, aut obliquo sensu contaminatus sit, æquum arbitrari; ut cum pauci admodum, & nulli propè sint Antistites, Præsides, & custodes ecclesiarum, qui nequaquam sibi persuadentes, quanta in Urbibus quotidie contingant, quæ egeant pastore, ad sua se libenter conferant episcopia, quicquid conferant, usque adeo in illis non commorentur, dum eorum intelligant præsentia, posse inde grandem pecuniam, magna uectigalia, & uberes proventus exhauriri? non debeant tamen ipsi aut uitam sibi commissi gregis explorare, aut talibus ecclesiis



clesias rectoribus concredere, qui sacris ipsorum nomine tractandis, atque agendis ita præsint; ut eorum doctrina, exemplis, uitæ innocentia turpiter, & prauè instituti sacerdotes ad ueram dignoscendam fidem, ad sanctos præstandos mores, & ad populos in recta continendos religione instruantur. Cognoui equidem nuper iter faciens eo in statu, eoque interitus discrimine sedere fidem Christi sanctissimam propter prauam consuetudinem, & regendi populos, & creandi potissimum sacerdotes; ut nisi ei tot abiectis cunctationibus aliquo melioris genere subsidij à uobis hodie clauum tenentibus occurratur; nisi aliquid noui remedij, efficacisque medicinæ fuerit corrigendis sacerdotibus adhibitum; nullo poterit hominum consilio inclinata iam, & propemodum corruens resp. à peste summi exitij prohiberi: Cognoui rursus omnia iam esse in nostrorum moderatorum, ac sacerdotum moribus, & uoluntatibus usque eo inquinata, peruersa, & conturbata; ut apud nos quodcunque æquitatis, uirtutis, & charitatis genus extinctum; apud uerò barbaras dumtaxat Nationes. cunctarum artium, & bonarum rerum domicilium constitutum uideatur. Quod si ab ijs præsertim, ad quos delectus, & summa negotiorum sedis apostolice refertur, tanta exercitatione prudentiæ debitum Christianæ fidei munus præstaretur, quanta ipsi populari pompa, & iactatione publicis

administrationibus præfici contendunt; si ab ijs, qui facilius aspirare ad Pontificum aures possunt, tanta pietate pauperrimorum hominum defensio, & procuratio susciperetur, quanta cupiditate quæstus, & lucri pro priuatis commodis blandiri ipsorum Pontificum auribus student; si ab ijs demum, qui nominandi facultatem habent, tanto studio ecclesiastici isti honores mandarentur, & corrupti sacerdotes moribus ad Dei sacra exercenda non adiungerentur; quanto ambitu, quantis delicijs se sacerdotiorum dignitatibus ornari auent; non iam urbs Roma in tam graui luctu, & squalore iaceret, non falsis interdum tenebris gloria, & splendor Apostolici principatus offuscaretur; nec ego longinquus, e proprijsque egressus sedibus, derelictis patria, liberis, coniuge, patronis, amicis, & fortunis omnibus, operam, & industriam ad hesternos Principes applicuissem; neque planè, quod quidem ipsum maxime omnium ad unumquenque nostrum spectat tam malè quisque de nostrorum sacerdotum moribus sentiret, inquam tam insigni inuidia nostrum nomen apud omnes ferè nationes minimè existeret. Sed quid ego hæc (miraberis fortasse) tecum satius, quàm cum cæteris tuis collegis percurram; quorum eadem hæc non minus intersunt, quamque etiam cum eis, qui mei amdin in suam familiaritatem liberalissime receperunt.



ceperunt. Non temerè scribo, non ignoro quædam nunc intuens, non nullaq; extimescens cui scribam. Video qui cum & præside, & Cardinale mihi agendum sit; quàm sapiente, quàm iusto, quàmque etiam uirtutum omnium sitienti. Sunt alij nimirum in uestro Collegio uiri optimis artibus præstantes, quibus antiquior est communis salutis, quàm propriæ laudis uia. At tu, qui diurnas, nocturnasq; uigilias, & cogitationes omnes tuas ad spem diuini honoris, cælestiumq; commodorum semper direxisti; uideris mihi tam tetra tempestate uocatus à Deo ad suum reparandum nomen, & summo Pontificis imperio propè impulsus istius onera subire Senatorij muneris, probata illi fide, industria, æquitate animi, & moderatione tui; non ut temporarias dignitates uoluptatibus, exquisito corporis, & cubiculorum cultu, beneq; plenis, ac repletis nummarijs thecis, ut plerique ex tuo ordine pendas; non ut hominum oculos fulgore purpuræ, sed animos religione, ac uitæ continentia permoueas, sed ut Christianam consuetudinem in miserorum, atq; imbecillum gentium patrocinijs tuendis serues; & tantum illud insuper ut spectes, quo & Principi Deo, & Dei Vicario satisfacias, & nec fidem porro tuam, nec diligentiam, nec pietatem illam, ad quam quidem præstandam nos non bonæ uoluntatis dumtaxat, sed operum, & facultatum præsidij muniendos puto, ab ullo ex

IULII PERVSCI EPIST.

Christiano orbe desiderari patiaris. Tu unus idoneus es, si non re tota, neque uniuersa potestate; singulari tamen tua uirtute, acie ingenij, electissima sapientia, præclaroque rectè monendi, & orandi consilio plurimum ad ferendum opis laboranti Reip. Age itaque, uir spectatissime, confer ista, quæ tibi à Deo data sunt ingenij, doctrinæ, sapientiæ, & gratiæ munera, quæ in præsentia polles, cum ad conseruandam Christi religionem, & ad corrigendam publicam disciplinam, tum ad defendendum, atq; augendum his studijs sanctum Apostolicum Senatum: sed mehercule non tam necessaria cogitatione, & opere supersedendum est; maturæ consultationis; & parati animi negotium uidetur. Insta iam, labora, & perfice; ut per te sancte culta sit religio, per te sic conseruentur pusilli, & oppressi homines: ne ipsi cæcis, & temerarijs potentibus circumueniantur. Incumbe per Deum præpotentem ad religandam suis anchoris Petri nauiculam aduersus uim, & metum impendentis tempestatis. Suscipe tales causas, & huiusmodi patrociniæ, agasque aliquando apud iustissimos, & humanissimos nostros Principes fortiter, ac benignè causam, & partes mei non inhonestas longè gentium absentis. Ostende id curæ tibi esse, quod facis quidem, æquitatem, iustitiam, & pacem populorum. In his enim curis, & contentionibus firmissima æterni aui, quo beati fruuntur,

spes

*spes nobis reposita est. In hac uera, summi Saluatoris imitatione, uniuersa nostra nititur salus. Hæc cura, & cogitatio te superiorem omni honore, & amplitudine faciet. Quæ nam maior dignitas, uerior amplitudo, splendidior uirtus, quàm feruens alienæ salutis, & suæ religionis procuratio? Ea potest, & uiuos insigni gloria, & mortuos sempiterna augere beatitudine. Non uideo, quid tanta tua uirtus, quid tanta tuorum ornamentorum præstantia non queat efficere. Quapropter si tibi honos tuus, si Reip. salus, si spes tuæ reliquæ in Deo claræ sunt, si denique hoc quoque putas magni ad Pontificis decus, & gloriam interesse, quam tuo proprio sanguine debes sustentare, cum te excelso suo iudicio, liberalique animo dignum duxerit; non patieris Catholicum Dei genus undique oppugnatum interrompi hominum insidijs, & machinationibus: non patieris, & fratrem meum, & Episcopum nihil nisi atrox, & scæum in me usque cogitantem, atque etiam loquentem in tam ini qua causa, in tam turpi lite, & in foro assidue quacunque eius uitæ spatia conterere: non patieris præterea de tot sanctissimis Pontificis mandatis de hac re ipsa percrebrò datis, & seuerè ab eo expressis longius, ac nefariè declinari. Fac me dignum tandem, qui tua iam toties præsidia imploraui, ut habeam te, cuius in industria, & pietate possim acquiescere. Increpa, corrige tua prudentia,*

tia, tuaque auctoritate non lentè quidem, aut re-  
 missè huiusmodi arrogantiam, & inauditam, at-  
 que impiam cupiditatem hominis in fratrem obse-  
 quentem, Christi, & Pontificij nominis studiosis-  
 simum. Debent omninò tui similes moueri non me-  
 diocriter stomacho in impios: erga tenues, & ue-  
 recundos ita misericordia: ut eorum salutem, ac  
 iniurias, uestra ipsi beneuolentia, custodia que  
 tegatis. Hæc igitur omnia si Pontifici Maximo,  
 denunciante me, indicare uolueris; illud tamen  
 etiam, atque etiam te oro; ut quoniam multæ, ac  
 necessariae causæ hic me aliquot menses, dum an-  
 num munus conficiam, morabuntur, quoniamque  
 à meis mihi scriptum est, fratrem de sua perui-  
 cia, & feritate non desistere, eiusque opinionem  
 in deterius ferri; non solum quasdam meas de his  
 eisdem rebus literas per tuum aliquem familiarem  
 Carrafæ optimo reddi tuis uerbis intimè com-  
 mendatas iubeas; sed in tuis quoque cum Pon-  
 tifice, & cum eodem Carrafæ sermonibus paulu-  
 lum tum publicæ causæ, tum interdum mei memo-  
 riam non tenui pietate, ac studio usurpes. In hoc  
 tuam operam, & gratiam præcipuè aduoco. mul-  
 tam enim laudem à Deo, multam à Pontifice ipso,  
 qui me iam putat his nefarijs, ac diuturnis expli-  
 catum controuersiis, initurus es: sed tamen tuo cun-  
 cta arbitrio, humanitate, & sapientia moderabe-  
 re: qui unus hoc tempore in eo officiorum genere  
 præter

*præter cæteros tuos collegas excellis. Marathia.*

IVLIVS PERVSCVS, GUIDO

Afcanio Sfortiæ S. R. E. Card.

10

**P**RÆCLARVM specimen tuæ humanitatis cepi ex officijs, quibus me superioribus diebus tuum nomen, ac studium implorantem amplexus es. Hoc facit, ut nec de tuo in me liberali animo dubitare, nec à te per litteras multo uerborum ambitu contendere debeam: ut his me optimatibus, atque rectoribus egregiè commendes; præsertim cum sic animo existas ad homines augendos, & cohonestandos incitatus; ut facultas magis, qua possis inuare, quàm aut humanitas, aut uoluntas desideranda sit tua. Verùm enim uerò, si qua me necessitas, ut ad te plura de meis rebus uerba essent facienda, stimularet, impedit nunc, quò minus id agam, tristis, & acerbis nuncius, qui ad me nuper de importuna morte Camilli Columnæ allatus est: Quem quidem, quamuis omnes arbitrari debemus, cum propter excelsi, atque inuicti animi sui fortitudinem, & patientiam, tum propter miserandam corporis imbecillitatem, asperosq; omnium artium dolores è luctuosissima uita ad lætissimam translatus; nequeo tamen illi non dolenter lugere: non tam mehercule, ut præstantissimi bellica uirtute, ac celebratū omni illustri laude

uirum

uirum, cuius amplitudo, & splendor rerum gesta-  
rum statuit iam sibi, ac posteris aterna monumen-  
ta; sed ut acerrimum, atque assiduum propugna-  
torem mearum fortunarum, & ut optimum deni-  
que, ac grauem testem tum mea in te perpetuae  
obseruantia, tum nonnullius potissimum capitis di-  
scriminis, in quod me non sum ueritus pro uestrum  
utriusque ditone, ac salute perditis temporibus  
inferre: sed spero tantam fidem, tamque propen-  
sam in te animi mei uoluntatem fuisse iam ita tibi  
perspectam, ut alieno minime constringenda sit te-  
stimonio. Te illi uita functo, cuius in me pieta-  
tem, & beneficentiam assiduus lacrymis, & gratia  
commemoratione prosequar, Deus per diu faxit su-  
perstitem uiuere; atque ad eius uitae fines, regio-  
nesque perducatur, quas praeclarissima domus tua  
expetit, & mearum rerum conditio poscit. Me  
certè, meamque uitam, & quantum in me cumq;  
erit iudicii, ac industriae semper in tua potestate,  
semper tibi ea omnia addicta, dicataque habebis.  
Nunc uerò quoniam propè adest, ut annuam hanc  
iurisdictionem absoluaui, quoniamque hinc literae  
nec satis faciem, nec satis secundum cursum te-  
nent, ut ad te de meis rebus tua gratia, & aucto-  
ritate pertractandis crebrò scribere ualeam; cu-  
pio uehementissime in tuo animo multis Reip. pro-  
curationibus distento non nihil etiam loci uacare,  
quò sit mea uxoris fratri iuueni non minus do-  
ctrina,



*Et*rina, quàm acie ingenij, ac optimis moribus prædito, tui adeundi, alloquendique potestas interdum: & mihi item longè gentium absenti receptus, ubi ad tuam fidem confugiendum erit: qua quidem fide, cum me olim in eam benignissimè receperis, uideris tu, qui summus es Vir, & magnitudine animi præcellens seuera tanquam lege astringi posse. Non ducas igitur alienum uel ea ipsa fide, uel ea eximia humanitate, quæ tuam auget dignitatem, uel admirabili ea sapientia, qua sciuiisti unus hoc tempore fortunæ uim apprimè uincere, considerare primum in quàm difficilem prouinciam, operosam, in quam etiam longinqua, & rigida loca fuerim proiectus; monere deinde, atque hortari tuarum literarum efficacitate hunc amplissimum Cardinalem, ad quem omnia sunt delata, ut si populis, & officio intelligat à me nouiter, atque integrè prospectum, & consultum fuisse; uelit ipse tot mea incommoda, tot ærumnas, quibus adhuc præmor, noui mihi decernendi honoris delectu corrigere. Quod quidem si ab his tuo rogatu impetrabo: plus mihi à tua liberalitate, accurataque commendatione tributum, quàm ab ipsis, uel mea nauitati, & labori, uel eorum muneri satis fuisse factum putabo: sin autem iustissimis tuis commendationibus apud tales administratos non erit locus, faciliè poteris ex hoc ipso coniecturam facere; quantum in hoc regno de summo Cæsaris imperio, de quæ pristina, & præ-



IULII PERVSCI EPIST.

& præstanti eius magnificentissimi Principis consuetudine declinetur: cuius permagni interesse uideo ad sui firmitatem Principatus, ut fidelissima hominum officia, & ærumnosi labores honorum, ac beneficiorum compensationibus mitigetur. Vale.

IULIVS PERVSCVS, POMPEO

Zambeccario Episcopo Valuenfi

S. P. D.

II

**N**ONDVM satis constitui ioci ne plus, an admirationis tibi huiusmodi sint allaturæ literæ. Iocari enim te posse in eo facile sum arbitratus, quod prudentia ipse, atq; eruditione uacans tibi prudentissimo, & eruditissimo uiro latinis audeam nunc literis obstreperere: admirari uero in altero, quod nullas ad te tandiù, quem habui usque in meis intimis mihi propositum sensibus, literas miserim. Verùm enimuero si tantam, tamque inauditam superiorum temporum malignitatem nunc memoria repetes, & ruinas item, quibus nos nuper, & Christiana res omnis publica oppressa est: neque meum non scribendi tunc ad unumquemque institutum in aliquam te admirationis causam trahere poterit, neque id planè quod libenter iniui de latinis interdum scribendis literis consilium tu improbes necesse erit. Nam cum harum ab initio calamitatum, quibus nos

acer-

acerbissime omnes afflictabamur, cruciatu angerer maximo, & penè incredibili; adeo mihi de mei firmitate iudicij uerendum erat, ut nihil porro mihi grauius mœrenti commodius, quid, uel antiquius præsidij aduersus molestissimas uexationes præsefererat: quàm ut nonnullis reiectis, quibus potissimum urgebar animi affectibus ad quandam quasi recordationem bonarum artium, studijque à me diutissime prætermissi, & ad libros uoluitandos confugerem: quibus cum tantum adducor hercle inire consuetudinis, quantum eo animus legendi, scribendi que intervallo, tum intestinis languoribus paululum erigi, tum assidua teterrimorum temporum cogitatione minus distineri queat: in quibus tu cum nostram interea urbem deseris colere, patrio magis animo in tuum lustrandum gregem adductus, quàm temporum discrimine, aut metu impulsus iustissimam uideris apud bonos omnes gloriam consequutus. Hoc igitur nomine (Spectatissime Zambeccari) non debes uel meum in hoc literarum genere studium aspernari, uel mihi demum uitio uertere, quòd à quocunque literarum genere hætenus descuiuerim; præsertim cum tibi conscius iam esse possis, nihil à me obliuione, aut segnitie, sed certo iudicio pro temporum conditione commissum fuisse. Quis etenim magis, ardentiusque illiusmodi mea consilia, & instituta laudibus deberet prosequi, quàm tu ipse, in  
quem

IVLII PERVSCI EPIST.

quem mea fuit semper propensa, & futura est perpetua obseruantia. Quapropter illud tibi persuadeas uelim, nec has meas ad te literas, uirtutis ostentatione scriptas, cum ne uirtutis quidem uestigium in me ullum possit apparere, nec summam tuam illam humanitatem, quam saepe ego in me expertus sum, potuisse quacunque uel temporum perturbatione, uel literarum intermissione mihi ex animo effluere: meque meum ad te scribendi munus non inhonestis aliquantulum prætermissum consilijs cumulatè in posterum egregieque sic redditurum: ut nunquam non tui fuisse cupidissimum, ac studiosissimum possis iudicare. Præstantissimæ ac lectissimæ omnium scæminarum Ioannæ Aragonæ de Colunina, quam ego non minus propter eius uirtutum insignia, quàm propter singularia dudum in me studia summo in honore habeo, mirificeque colo, plurimam quæso dic meis uerbis salutem.

IVLIVS PERVSCVS

N. Episcopo Torcellæ.

**E**GO, uir spectatissime, multis antehac adductus rationibus Fuluium fratrem uxoris meæ semper dilexi, tum beneuolentia, & obseruantia in me incredibili, tum nauitate in meas res maxima, tum acie ingenij, tum optimis, ac modestissimis moribus. Nunc uerò,

ut

ut illum animem uehementius, & colam causa mihi  
 ab eo tam efficax tamque speciosa data est; ut ui-  
 dear prope habiturus, in cuius pietate, ac mode-  
 stia possit aetas mea acquiescere. Reliqui iuuenem  
 istum decedens ab Urbem imaginē cordis & sensum  
 planē mei; ut. s. uicem meam rebus tractandis atq;  
 agendis assidue præsint. Is non destitit noctu, diuq;  
 labore atq; industria cōtendere, ut me domesticis non  
 nullis difficultatibus expeditum redderet. Nihil  
 denique in meis familiaribus, urbanisque causis  
 ausus sum expetere, in quo illius mihi, & inge-  
 nium, & uoluntas cumulatē non responderit. Sed  
 tamen hoc illud fuit imprimis mihi ab isto rerum  
 omnium gratissimum, hoc porro mecum ipse præ-  
 ceteris officijs reputauī præcipuum, ac præstantius  
 animi, diligentie, & amoris erga me sui indicium;  
 quod nuper edita nobis in lucem ex me, meaque  
 uxore filiola, studuit idem peramanter augere, ac  
 fulcire meam familiam illustris, ac benignissimi  
 Antistitis patrocínio: cuius in familiaritatem iam-  
 diu propter singulares animi eius uirtutes, libera-  
 lissimamque in omnes uoluntatem, & excellens in  
 Christianam religionem studium, me insinuare opta-  
 ueram. Quaquidem uoluptate pluribus debeo no-  
 minibus mirandum in modum exultare: uel quod  
 præpotens Deus perpetuò, & inenodabili uinculo  
 uoluerit me tenuem hominem cum te tanto, tamq;  
 excelso uiro sanctissimē coniungi, uel quod recens  
 hic

IVLII PERVSCI EPIST.

hic partus uisus fuerit secum , te in præsentia fidelissimo tutore, ac fautore, ornamentum huiusmodi, & felicitatem attulisse . Quo circa agam gratias & Deo primum ipsi , cuius beneficio effectum est, ut magna mihi iuuenis spes multo antea concitata re in dies , atque usu comprobetur , & tibi deinde, qui infantulam in primis sanctis Christo initiantdam mysterijs, ex aqua&que & spiritu sancto renaturam pie, paterneque suscipere uoluisti . Vale.

IVLIVS PERVSCVS POMPEO

Zambeccario Episc. Valuen. S. P. D.

13



**A**D eam molestiam , qua ego nuper tanta ex tuarum literarum , uel breuitate , uel etiam tarditate sum affectus , uberrimus accessit ex eis uerbis cumulus , quibus pupugit me aliquantulum tua oratio ; præsertim quando nouum dicendi genus omnino mihi cum noua insequentis uitæ ratione adæquandum innueris ; quasi quòd ea , in qua olim uersabar uita , potuerit a te ipso improbari , qui mei quasunque intimas cordis commentationes melius , quàm homines uniuersi nosse deberes . Verùm cum meæ ante actæ iam uitæ conditio fuerit ita communis cum multis ; ut neque meam unquam ingenuitatem , neq; meum planè pudorem destiterim præstare ; tamen scias quaeso, me omnes neruos non secus in alio uiuendi, quàm

quam in hoc scribēdi ritu contendere; meq; iam ad splendidiorem lucem tunc tenebris offuscatam quibusdam, & ad rectum Christianum sensum esse relatum: atq; cō maximē quōd id me ætate adhuc & filioliis satis auctum dies ipsa admonuerit. Quapropter, Vir spectatissime, nē reijcias a te ipse, neq; aspernare latinas nostras literas, institutus apprimē ab incunabulis, & ad omnem uitæ integritatem confirmatus. Nullam enim ego posthac in tuis literis aut breuitatem, aut tarditatem, aut uitæ deniq; reprehensionem existimabo, si tamen exploratū habere cæpero te meo studio, labore atq; industria esse usurum. Vale.

## IULIVS PERVSCVS ALOISIO

Cornelio Sanctæ Rom. Eccl. Card.

14

**I**NIQVISSIMA in primis temporum conditio, qua nunc omnes pariter urgemur, & ad extremum prope agimur interitum, ac difficultas deinde rerum cum domesticarum, tum etiam communium, quarum alteras angusto loco adduci, alteras in graue rucere discrimen uideo, me ab instituto, & officio in te meo pauculos hos menses deterruit. Statueram enim ex quo me totum tibi addixi, ac tradidi, te quoq; esse unum ex amplissimorum patrum ordine, qui mihi ob eam uel prudentiam, quam in te semper perspexi non

C medio-



IVLII PERVSCI EPIST.

mediocrem, uel humanitatem, qua me uberrime a te affectum sentio assidua familiaritate, & obseruantia, perpetuisq; obsequijs colendus esses: Verum enim uero si ob tantam aut temporum, aut rerum cunctarum angustiam nequiuierim mea prosequi, ut optaueram, instituta; fueritq; minus satis tua iam inita familiaritas quotidianis a me officijs culta; illud tamen, præclarissime Corneli, persuasissimum tibi nunc esse cupio, tuam neq; prudentiam, neq; humanitatē illam, qua tuis maxime augetur, atque illustratur honos potuisse quacumq; uel temporum, uel rerum perturbatione mihi ex animo unquam effluere, meq; mea erga te munera bonis hæctenus intermissa consilijs, sic in posterum cumulate redditurum, ut tibi uni ac tuæ humanitati meam fidem, laborem, industriam, mea q; studia penitus addicta esse facile cognoscas. Vale.



I V L I I P E R V S C I  
P A T R I C I I R O M A N I  
E P I S T O L A R V M

*Liber Secundus.*

I V L I V S P E R V S C V S , P I O I I I I .  
P O N T I F I C I M A X I M O .

15.



ESSET nunc ( Beatissime. Pa-  
ter ) cū Roma præcipue ipsa , tum  
uniuersum Christianum genus  
clamare , uociferari , atq; etiam  
mærare , quod tam longa delibe-  
ratione in summo deligendo Pon-  
tifice non modo status apostolicæ religionis , & cau-  
sa Romani pontificatus , sed fides , salusq; Christia-  
ni populi maximum in discrimen uocetur , quod &  
tam multis , ac nouis Cardinalium dissensionibus , &  
eorundem plurimorum non obscuro ad Pontificiam  
maiestatem ambitu ingens accesserit cumulus ad  
tot insignes , totq; monstruosas , quibus adhuc premi-  
mur hæreses , quod tanta & diuturna dubitatione  
satis admodum fuerit detractū de amplissimi colle-  
gij existimatione , liberamq; sibi met Cardinales de  
creando Pōntifice facultatem abstulerint. Quo nomi-

ne cœperunt calumniatores, & turbulenti homines mirandum in modum exultare. Cesset iam, & unusquisq; ex huiusmodi ordine contendat summis precibus a Præpotente Deo non nihil misericordiæ pro tam insita opinione, tantoq; errato. Namq; nec eò erant deductæ Catholicæ res, ut celeri, & expedita potius, quàm matura, & elucubrata consultatione potuisset hoc tempore creari optimus, & necessarius Pontifex: nec hercle sic leui affecta est uulnere Christiana resp. ut leui cura leniq; medicina potuisset eam quis ad ualeitudinem reuocare. Præclarum quidẽ fuit dubitare, quem potissimum Cardinales è præstantissimo cœtu sumere deberent: non alienum quoq; Christianis ritibus ac rationibus dies comitiorum longius produci; ut & indagatio fieri exactissima de cuiuslibet uita, moribus, & doctrina posset, & accuratius dignosci, a quo tanta persona, tantaq; Pontificatus dignitas sustinenda esset. Rursus neq; modicum intererat nostræ huius iactatæ Reip. per legatos referri ad Principes maximos & defensores fidei de tãta, tamq; opportuna re constituenda maturanda, atq; agenda. Quibus omnibus etiam, atq; etiam perspectis, recognitis, atque auditis, declaratisq; insuper, atque remissis Christianorum Principum sententijs, collegerunt se ipsos cardinales omnes ad unum, statimq; almo in primis Dei spiritu excitante, sine mora, sine ambitione ulla, sine suspitione, uoce una, uno omniũ assensu

assensu, omnibus suffragijs, pereximius ille, sed potius cælestis Ioannes Angelus Medices Cardinalis, Maximus, & Romanus Pontifex renuntiatus est. Te inquam, Ioannes Angele Patres conscripti ex tota eorum classe indubitatum nobis Christi Vicarium in terris adorandum delegerunt; cum nunquam nõ in causa Dei, & religionis firmissimus extiteris, cum uitam probatam, & constantem egregijs factis continuè traduxeris, cumque moribus, doctrina, probitate, acie ingenij usquequaque infregeris impetum, & consilia perditorum hominum, cum gratiam, qua plurimum ualuisisti, ingenium, quo admirabiles præditus, opes, quibus egregie floruisisti ad subsidium impotentium, ad tutelam uiduarum, & pupillorum, atque ad gratificationem omnium, qui ad tuam opem, auxiliumque confugissent nullo non tempore conuerteris, & adhibueris. Tu fuisti, admirande Medices, hac perlucetua ætate diuino tandem aliquando beneficio uel uocatus ad dignam tua uirtute rerum magnarum administrationem, uel non dissimiliter iudicatus supra ceteros, qui sunt item in sacro Collegio peregregij uiri, apprime idoneus ad sanctissimam hanc prouinciam gerendam, uniuerso Cardinalium conuentu plaudente, omnibus fauentibus, nullo reclamante. O quam apte cohæret cum primis alteris tuis nominibus extremum alterum cognomen Pij. Te enim talem, ac tantum rectorem ceu Angelum

IV. LII PERVSCI EPIST.

ad nos è cælo transinifit Deus; ut admiranda, s. tua cura, & sapientia medearis his tot imminentibus calamitatibus, ut fulcias sanctam sedem hæreticorum, atque impiorum scriptis, & concionibus labefactatam: integres amplitudinem, & existimationem Collegij paucorum uitio, ac culpa insignitè offensam, ut leues denique hominum mentes tot immmanibus, & pene immedicabilibus morbis affectas. O insignem Pontificatus delectum, ò principatum maximæ Christianis difficultatibus accommodatum. Consonum utique est, & decorum, ut nos Christiani populi, simul ac meritas, immortalesque ipsi Deo gratias egerimus, qui clauum sui imperij a Principe liberalissimo teneri, & gubernacula Reip a moderatore iustissimo tractari uoluit, gratulemur deinde impense, atque ex animo, nec tuæ duntaxat sanctitati, Pater Beatissime, quæ secura horum mortalium, & terrenorum bonorum, Deum solum, & ueram integritatem constituis tibi tuorum consiliorum finem, sed nostræ undique uexatæ ecclesiæ & cuncto Christiano nomini iterum, & sæpius gratulemur. Ad eum nanque uirum collata est modo suprema nominandi, & imperandi potestas, quem nulla unquam rerum corrumpet cupiditas, cui rebus iam pluribus, & exemplis cognitum est summo studio esse ius idem pauperi tribui, ac diuiti qui tãti ab initio sui honoris totius uniuersam orbis terræ salutem animo complexus est: qui quæ antea in  
 priuata

privata fortuna præstare Reip. non potuit ingenij, doctrinæ, sapientiæ munera, ea omnia iam, iamque tum ad reponendam in sua sede iustitiam, tam ad confirmandam pactam iam pacem, & concordiam inter reges ad communem omnium securitatem, tū ad conseruandum æternæ monumentum suæ liberalitatis cumulatissime confert. Habes nunc, Pater Sanctissime, certam spem, qua niti recte poteris non minus ad immortalitatem, quam ad beatiora altera regna. Habes, & certam, & amplam te in maximis humani generis utilitatibus, & commodis facultatem exercendi: quæ una actio rectissima profectò ad æternam salutem uia est. Hanc te insistere, Beatissime Pater, de quæ hac esse tuâ sanctitatem minime deflexurâ uti nos certe, ac res omnis Christiana publica non dubitamus: sic illam Deus, cuius uicem in hoc sacratissimo sedes folio, perducatur ad eum felicitatis cumulum, quo & summa tuæ senectutis dies celeberrimos, latissimosque efficere, & afflictis, ac debilitatis Christianis nationibus uel tranquillam, uel tolerabiliorem conditionem statuere possis. Vale.

CHRISTIANAE REIP. SENATORI maxime Illustri Card. Borromeo,

Iulius Peruscius.

16



TS I id accidit, quod uniuerso Christiano gregi maxime fuit in optatis; ut

C 4

tantum

tantum ei Pontificem, tantum præsidij, tantumque  
 opis attulerit Deus perditis penè temporibus: ta-  
 men ita magno completa est gaudio languens olim  
 hæc nostra Roma ex tanta tui honoris amplifica-  
 tione: ut constanti omnium generum, atque ordi-  
 num uoce, & consensu non minus gratum, & glo-  
 riosum Pontificis maximi de tua cohonestanda uir-  
 tute iudicium, quam & præclara, & opportuna se-  
 natoria deliberatio in tam insigni deligendo Pon-  
 tifice extiterit, quo nomine tollam primum senato-  
 res Christianæ Reip. uniuersos frequenti prædica-  
 tione ad cælum, qui primarium nostri sæculi, & uir-  
 tutè, & sapientia contenderunt summo studio, cun-  
 ctisque eorum suffragijs præsidem nobis totius iam  
 reparandæ religionis ex præstantissimo cætu deli-  
 gere: quique non dubitarunt Christi populum cui-  
 gilato illius consilio, constantique illius fidei con-  
 credere; in quo nihil eximie doctrinæ, nihil exi-  
 miæ probitatis, & ingenij desiderauit unquam res  
 Christiana publica: deinde Pontifici optimo tum  
 meo, tum ciuili nomine gratias agam immortales;  
 cum ipsum magnam perspicientem in omni uel ho-  
 noris, uel ætatis gradu penuriam nulla senectutis  
 defatigatio, nulla acris, & ugens noui principa-  
 tus cura retardauerit; quin orbem, & affectam ci-  
 uitatem, quo summopere indigebat auxili, suble-  
 uaret; quin imminutam, & penè corruentem sedem  
 apostolicam auctoritate maximè illustris uiri, &  
 senatoris



Senatoris fortissimi studio, ac patrocinio fulciret.  
 Nam sibi tanti ab initio Pontificatus, nihil plane  
 longius fuit, quàm, ut te amantiſſimum Reip. in am-  
 pliſſimum collegium cooptaret: cuius in indole, ac  
 natura unius lucent iam diu egregia illa ſuæ præ-  
 ſtantiſſimæ uirtutis, & morum documenta, quæ  
 nunc in tot ſapientiſſimorum patrum conſilijs, &  
 prudentia pulchre eminebunt; cumq; præterea no-  
 bis dederit hac teterrima ætate, qui publicè omni-  
 bus, & priuatim futurus ſit emolumento, quem-  
 quæ poſſimus uerè Chriſtianum uirum dicere, atque  
 cardinalem: poſtremo, & tibi, Vir ſpectatiſſime,  
 de tuiſ ampliffimis ornamentis, & cuncto Chriſtia-  
 no nomini de tanto, tamquæ opportuno præſidio  
 gratulabor mirandum in modum: ſerius fortasſe, ut  
 non plurimi, & per literas; quoniam neque ſatis  
 exploratum habueram tam faciles mihi ad te ma-  
 gnum, atque excelſum uirum fore aditus; ut ego,  
 qui nomine propè ipſo tibi ſum ignotus poſſe id te-  
 cum commodè, ac prolixè agere, quod & tua in  
 omnes fert libenter humanitas, & mea in te peren-  
 nis poſſit, ac deſiderat obſervantia: neque natu-  
 ræ atque inſtituti unquam fuit mei, ſic ad laudem,  
 & gratulationem accurrere; ut in fortunam magis,  
 quàm in iudicium propenſa uiderentur officia mea,  
 atque eo impenſius, & ex animo gratulor; quod te  
 audio non conuiere in grauiſſimo exitu fortunæ ſu-  
 periorum principum, nec eſſe hodierni Pontificis  
 diſſimi-





disimile, aut animi magnitudine, aut studio, & pietate incredibili in singulos ad tuam gratiam, & auctoritatem confugientes. Cuius quidem magnificentiisini, ac salutaris beneficij perpetua memoria tam singulari principi obstricti non cessabimus una omnes Deum aeternis precibus orare; ut & illi principatum maximum, & tibi senatorium istud munus non minus fortunet, quam nos a uobis tantos honores, quibus diuina uestra illustrantur merita, pro uestro utriusque dignitate, & expectatione administrari auemus.

IVLIVS PERVSCVS, N. BOR-  
romeo Sanctæ Rom. Eccl. Card.

17

**N**ON est eiusmodi; Vir Spectatissime, aut presentis tue auctoritatis amplitudo; ut omnes tuarum uirtutum insignibus adiecti homines tibi noti, & familiares queant esse; aut naturæ, animique; tui præstia, ut quempiam, cui emolumento esse possis respuere debeas; aut Christianæ demum religionis ratio, cuius tu studiosissimus es; ut pro humilibus etiam hominibus officia, & partes non sint suscipiendæ. Qua propter minus contendam nunc abs te uel precibus, uel multo uerborum ambitu; ut me iam per aliquem tuum familiarem Urbis prætori accuratè, intimeque commendes: cui nuper causæ Peruscorum cognitio a summo, &

mo & singulari Pontifice commissa est. quæ quidẽ in perfacili cognitione uersatur; Si tamen paululum de sua feritate, & peruiçatia episcopus frater defleat: quem doleo mirandum in modum pro fraterna necessitudine, tantam omnibus irridendi sui facultatem diu dedisse. Hoc si ea mihi se dulitate, & cura præstari sentiam, quæ a te uiro in beneficijs, & gratijs tribuendis animi perquam propensi, & ab optimo, diligentissimoque Principe speranda est; præter fidem, ac pietatem, quam tu Christi populo præcipue debes, tam ingens quoque ex hoc liberalitatis, & patrocinijs genere cumulus ad meam incredibilem de tuis præclaris laudibus opinionem accedet; ut quantulum in me cumque fuerit & fortunarum, & ingenij, & industrie, & reliquæ uitæ, id omne, cum ad tantam commemorandam, atque habendam gratiam, tum ad tui splendoris didissimi nominis cultum, atque obseruantiam mihi relictum putem. Vale.

IVLIVS PERVSCVS, N. BOR-  
romeo S.R. Eccl. Cardinali.

18



QVOD ego tuo rogatu ab optimo, summoque Pontifice impetrare cupio maxime Illustres Cardinales Vitellius, Gonzaga, & Aragonia nuper ad te detulerunt. Oro igitur te, permagne Vir; ut in eam causam, & rem sic incumbas.

cumbas; ut ex tuo studio quàm magnum sint apud te pondus habituræ tam singularium uirorum commendationes; & celebratissima ipsius Pontificis humanitas, ac liberalitas eluceat.

IULIUS PERVSCVS FRANCIS

isco Gonzagæ S.R.Eccl.Card.

19

**I**N hoc tempore patrocini tui apud summum Pontificem, amplissimumque Borromeum magnopere indigeam; facile in eam spem ueni; ut tu, qui summa in beneficiorum copia, & in diuina tua uirtute mansuetudineq; potes cum omni regum specie, ac dignitate adæquari; mihi sis illos tua singulari commendatione propitios, ac beneficos præstaturus. Causam meam, remque omnem Carolus Zambeccarius testis me hercule tui altitudinis animi locupletissimus ad te nudius tertius detulit. Oro igitur te, Vir summe, atque obtestor, ut eiusmodi procurationem, meq; totum tuo præsertim splēdidissimo nomini perquam addictum tibi tuendum suscipias; tantamque curā & diligentiam in me illis commendandum conferas; ut & tua eximia erga Zambeccarios uoluntas & commendationis auctoritas perspicipi possit.

IULIUS

IVLIVS PERVSCVS LAINI OR  
dinis Iesuiti Generali.

20  
**V**IDES iam, spectatissime Laines, omnium  
 malorum, exitiorum, calamitatum, qui-  
 bus per hosce annos uexata res Christia-  
 na publica est, fontem, & originem ex praua con-  
 suetudine, & tractandi populos, & creandi potis-  
 simum sacerdotes manasse. Nam ij, qui nominan-  
 di facultatem habent, corruptos quosque sacerdo-  
 tes moribus ad Dei sacra exercenda adiungunt; &  
 ij præterea, ad quos delectus, & summa negotiorum  
 sedis apostolica refertur, nullo studio, nulla exerci-  
 tatione prudentiæ, nulla uero pietate suscipiunt tute-  
 las, & procuraciones populorum, mandantes tali-  
 bus prouinciarum administrationes rectoribus, qui  
 non homines reuocare in meliora studia, non rusti-  
 cas gentes, & simplices, aut egestate, aut inscitia  
 paratos decipi ab insidiatorum manibus, & circun-  
 scriptionibus custodire nituntur. Sed omissa cura,  
 & diligentia illis consulendi ad priuatas potius  
 opes, & ad hunc externum splendorem labores om-  
 nes, & consilia omnia conuertunt. Vides rursum,  
 & nosti propter hanc ipsam consuetudinem, & mo-  
 rem, qui fertur in dies in deterius, orbis terræ po-  
 pulos, & prouincias iam permultas ab istius san-  
 ctæ sedis nomine, ac fide defecisse, quas utinam, ne

cætera

cateræ sequantur, non cogèremur admodum perimiscere, nisi forte adhibeatur maturè aliquid noui remedij, efficacisq̃ue medicinæ tum seligendis populorum moderatoribus, tum corrigendis potissimum, atque creādis de integro sacerdotibus. Quod quidem si alias unquam nobis, huius maxime tam prudentis, tam uigilantis tempestate Pontificis optandum, & sperandum est; Sed ego, qui nonnullos annos sustinui huiusmodi, quam adhuc sustineo tractandorum populorum, & iudicij exercendi prouinciam, tametsi satis multis aliorum generum criminibus premar, studui tamen usquequaque ab hoc non æque cogitandi de hominibus meæ fidei concreditis delicto, & labe inexprabiili cauere: in qua quidem uoluntate, ingenua q̃ue mente fortiter sic atque integrè persistam, ut homines facile intelligant, nihil posse ad mearum tutelam gentium accedere, præter insignem illam animarum curam, quæ prorsus ex alieno pendet munere, & arbitrio: ad quam mihi, ut præstò sis tu nunc: tuam, & tui, similium operam, atque auctoritatem aduoco, qua sine quid præsules, & custodes ecclesiarum? quid Principes, & eorum gentium moderatores niti boni queunt in tam præsertim turbato, ac pene exinanito Reip. uniuersæ statu? qui enim rito tractabimus gubernacula profani imperij, non constituta prius spiritali maiestate? Ioannes Baptista unus ex nostra Peruscorum familia tuo iam diu sacro isti

cro isti ordini perquam addictus & consecratus di-  
uertens huc obiter ad nos proxime transactis men-  
sibus non recusauit meo impulsu, meoque rogatu  
ascendere in cōcionem, inuitareq; sua pia uehemen-  
tiq; oratione omnes ad ueram dignoscendam fidē,  
ad ueterem omittendā uitam, & ad adeundam re-  
promissam æternæ fœlicitatis hæreditatem. Is in  
sacrarum literarum expositione haud mediocriter  
se peritum præstitit; in dicendo non minus copio-  
sum, quàm disertum, in admonendo nec remissum,  
& perquam gratum, ac grauem. Is, quæ a nostris  
latinis prodita sunt, præclarè tenet: Non ignorat  
cuncta diuorum, & sapientissimorum patrum mo-  
numenta: Ad hæc apparuit in eo ita magnum, ita  
incredibile animarum studium; ut nulla re potue-  
rit leniri tanta molestia, quanta fuerant hi ab illo  
affecti Romam nimis properante, nisi spe maxima  
eis à me ostentata tuæ prudentiæ, tuæque illius  
fruendæ Christianæ humanitatis, quam tu esse re-  
tinendam omni animi impetu sòles assidue in tuis  
sacris concionibus iniicere uniuersis te audientibus.  
Qua de re nunc mihi paululum ad te scribendi, à  
teque etiam id petendi oneris fuit delegatum: quod  
ego pro mei officij munere à me non reijcere, neque  
aspernari; & tu pro tui maiorem in modum præ-  
stare debes; ut permittas nimirum hominem frugi,  
hominem planè ab omni re diuina paratissimum  
reuertere quàm primum allectum, atque excitatum  
horum



horum populorum studia ad Christianas utilitates, atque ad Catholicum amorem: uelisque nunc idem opem ferre tam necessario tempore, qui nuper spem uideris dedisse. Itaque non contendam te hortari pluribus ad hoc fungendum munus; ne uerbis uidear uelle augere officium meum: praesertim cum tua sit maximè omnium propensa ad Christianam salutem uoluntas; sed tamen facere non possum; quin te orem etiam, atque etiam cum ex summis horum precibus, tum ex suorum Principum uerbis: ut populos Christianam ueritatem appetentes ita omnibus tuis officijs tueare, ita omni charitate amplectaris: si tanti Christianos populos facis, quanti & omnes sperant, & existimant: nec ego dubito, & sentio: ut nemo ueniat in dubium, te usum in praesentia eo humanitatis, & prudentiae genere, quod ex intima arte, intimoque ex animo depromptum sit. Vale.

IV LIVS PERVSCVS N.

Episcopo Policastrì.

21

**I**OANNES Franciscus unus, & fidelis omnium ex tuorum sacerdotum grege mi rificas apud me tibi gratias egit: cum dixerim, omnia te fuisse mihi, & liberalissimè, & humanissimè pollicitum. Hunc ego sanè hominem nonnullis antea rationibus adductus diligebam:

nunc



is mihi, ut maiorem in modū sit gratus, & charus; ob id maxime efficitur; quod ab eodē causa mihi est data, qua cœperim uel te talē uirū, talemq; præsidiē cognoscere, uel illā in te humanitatem, ac liberalitatem experiri, qua sine homines honoribus minus augentur, quāque uolunt etiam summi uiri, & nobiles seuera tanquam lege libenter astringi. Quorum hoc tu quoque uirtutis genere, & officij par, & similis non poteris ulli iam esse secundus. Itaque cum initiū meæ in te obseruantia ab huiusmodi homine, & à tua libera uoluntate profectū sit; te oro, atque obsecro; ut quam nuper apud me de tua liberalitate, & humanitate spem magnam uerbis concitasti, hanc non solum re ipsa, & usu, sed maturitate iam, quæ pars beneficij potior est, egregie confirmes; quò & me sacerdoti huic in patriam uindicando, neq; uerbosiozem, quā par est, neque ingratum admodum præstare, & tantam animi tui magnitudinem summis laudibus ad astra palàm ubique locorum extollere possim. Vale.

## IVLIVS PERVSCVS MARCO

Antonio Columnę Archi-  
episcopo Tarantino.



INCREDIBILE est, vir spectatissime,  
quā ualdè me afflixerit tuus subitus ab-

D P'rb

Urbe discessus, & festinatio ad istum sacrum conuentum perueniendi: tum quod sat periculosum, & infestum iter puluerulenta, & æstiosa uia confeceris; tum quod me ipse, qui iam pluribus certæ, & constantis in te meæ, tuosque maiores obseruantia signis habere cognitos animi mei sensus debes, nolueris negotio aliquo in tua familia dignum ducere: Sed tamen in huiusmodi molestiis non medio eris illa occurrebat cōsolatio, quod te optimum, ac nobilissimum medicum in tam magnis, & prope desperatis Reip. morbis, quibus ea hoc tempore tentatur adhibitum uideam, & id, quod mihi iam diu fuerat in optatis, ut certe operam tibi, & studium meum nauarem, non una duntaxat, neque exigua meæ in te optimæ uoluntatis significatione fuerit declaratum. Hoc igitur nomine, quid mihi tecum nunc per literas agendum sit, nō uideo, nisi te magnopere horter pro meo in te perpetuo studio, ueterique in tuam præclarissimam familiam obseruantia, ut non solum afflictō Christiano gregi, cui omnia summa, omnes diurnas, nocturnasque uigilias tuas debes, sed ualitudini etiam tuæ, si omnes tuos ualere his diligentissime seruias; utque præterea de mea in te uoluntate sic iudices, me, si meam operam in tuis rebus experiri uolueris, omni labore, industria, ingenio, quantulum in me cunque fuerit, singularique officio, ac fide rei, famæ, saluti, dignitatiq̃ tuæ præstō futurum. Vale.

## IVLIVS PERVSCVS MATTEO

Priulo Episcopo S. P. D.

**N**ON obliuio mea in te obseruantia, neque inhumanitas quidem ulla me ab eo scribendi munere, quo tecum uel absente, uel mei amantissimo agere debui, retardauit: sed quod eas esse curas, & cogitationes tuas in hoc tempore, atque in istis locis sum arbitratus, ut magis tu consolatione sustentandus, quam literis interpellandus uidearis: tamen cum in primis cupiam nihil a me unquam fieri quin mea in te officia constent, dabo operā in posterum, ut te, quem mihi unice ob singularem tuam prudentiam, & humanitatem diligendum, atque obseruandum duxi, non tam iusta, & idonea excusatione expleam, quam literarum assiduitate consoler. Vale.

## IVLIVS PERVSCVS MARCO

Antonio Columnæ Sanctæ R. E. Car.

**Q**UAM te sic tuorum familiarium studiosum, sic te animo ad homines iuuandos incitatus cognouerim; ut facultas, qua possis iuuare, non humanitas, neque uoluntas desideranda sit tua; Igitur persuasissimum mihi est, te nec posse in mea causæ obliuionem uenire, nec


I V L I I P E R V S C I E P I S T .

esse in tuis proximis cum amplissimo Borromeo sermonibus, mei memoriã tenui pietate, ac studio usurpaturũ: sed quãdo nõ erit à tua dignitate, ac beneficentia alienum ( Vir præclarissime ) agere de integro de meis rationibus, non lentè quidem, aut remissè cum eodem Borromeo, atque etiam cum Vitellio, te oro, atque obsecro; ut quàm primum opportunitas detur, testatum apud utriusque eorum animum relinquas, quicquid officij, beneficij, & honoris in me ipsi contulerint, te id existimaturum eos in te ipsum, atque in rem tuam contulisse: ego uero, quæ ab illis tuo rogatu impetrabo, omnia mihi à te tua sedulitate summaque humanitate tributa putabo. Vale.

I V L I V S P E R V S C V S P A V L O

Odescalco pro Auditore Cameræ Apostolicæ Locumtenenti.

25

 C R I P T V M mihi est à meis; te, postea quàm ipse ab Vrbe disceſſerim, nulla fuisse insolentia, nulla immanitate meorum fratrum, quos unus tam diũ mirifica animi equitate sustineo uexatores ætatis meæ uel ab officio, uel à pietate in mea causa deterritum. Quod quidem perspicio non esse alienum à præclaro illo iudicio, quod semper feci de tua uirtute, deque optima tua in bonos omnes

omnes uoluntate, quæ me ad te summè obseruandum iam, atque colendum pridem cohortata est. Quapropter maximas in primis Deo gratias debeo, qui à te talem causam agier, talemq; conuersionem distrahi uoluit; quæ expeditissimum illud iudiciũ desiderabat, uiri nempe peraccurati, præsidis integerrimi, & iudicis uerissimi. Non obdudam iam te pluribus distentum præsertim quotidianis occupationibus. Tantum à te summis precibus contendam; ut me tandem dignum ducas, qui id in causa mea factum primis meorum literis percipiam, quod & tu optimi iuris propugnator nunquam non soles, & ego nunc hoc munus gerens in alienis causis etiam, atque etiam facere studeo. Vale.

I V L I I   P E R V S C I  
P A T R I C I I   R O M A N I  
E P I S T O L A R V M

*Liber Tertius.*

I V L I V S   P E R V S C V S ,   N .   B O R -  
romeo Sanctæ Rom. Eccl. Card.

26



**E** T S I mihi ad te crebro confu-  
genti, crebroq; a te multis, &  
claris uiris de me rogantibus opẽ  
petenti tua adhuc desideran-  
da sunt beneficia, tamen ex  
Pompeij Columnæ uiri præstan-  
tissimi sermone, atque hortatu, qui mehercule te-  
stis est tuorum ornamentorum locupletissimus, non  
potui mihi non summè persuadere; quin tuum no-  
men, ac studium de integrò implorans sim aliquan-  
do tantæ humanitatis, tantæq; liberalitatis, quan-  
tam de te ipse assidue prædicat, præclarum speci-  
men ex eis officiis capturus, quibus me nunc com-  
plecti potes; præsertim cum nihil à tuo munere, à  
tuis præstantissimis moribus, tuaque amplitudine,  
quæ magno potissimum pietatis præsidio firmanda  
est, disiunctum poscam: nihilque tam altum, atque  
magnifi-


*magnificum quod non mea tenuitas ferat, suscipiā;  
 & ūs ipsis præterea de rebus, de quibus te nunc ro-  
 go, maximi, & grauiſſimi etiam homines cum ro-  
 gare tum rogari ſolent: Sed quando aduentat iam  
 dies creandorum hic magistratuum, in quibus non  
 unusquisque probandus est ex ſuffragiis potius,  
 noſtroque ex perturbato urbano more, quàm uel  
 ex Pontificis imperio, uel tuo ex electiſſimo iudi-  
 cio; arbitratus ſum hoc tēpore nec tibi promptius,  
 ac paratius ad tuam in me exercendam liberalita-  
 tem, nec mihi honorificentius quicquam, atque cō-  
 modius ad eam fruendam euenire poſſe; quàm ſi &  
 commendatus à te diligenter ſpectatiſſimo omnium  
 uiro, cuius permagni ſemper duxi uerborum ponde-  
 ra, & comprobatus tua, tuique optimi, ac ſanctiſ-  
 ſimi Auunculi auctoritate, & ſentētia in illum or-  
 dinem hac prima renunciatione legar, quem ue-  
 ſtræ nobilitatis ſplendor, ueſtri altitudo animi, &  
 mea maturitas ætatis requirit. Ad hoc ſi te, ſiue  
 Pontificem ipſum non officiū, non tanta mea fi-  
 des, mea que ulla merita, Chriſtiana tamen chari-  
 ritas, difficilis uitæ conditio, in qua uerſor ob grā-  
 dem filiorum numerum, & ea demum, quæ à uobis  
 præſtanda eſt mihi Chriſtiano homini ueſtræ probi-  
 tati concredito, cura, & ſollicitudo debet ſtimula-  
 re. Non iam quæro, Vir Summe, per uos me hiſce  
 honorum inſignibus ornari: ſed inclinantem erigi,  
 conſantiſſimum in fide erga uos confirmari, nec nō*



domesticas meas difficultates , quas nullo modo uic-  
tare possum uestris interdum beneficijs , pusillaque  
illarum opum sustentari , quas uobis ex florenti  
principatu ad subsidium impotentium , ad tutelam  
miserorum parandas putastis . Hoc ego ab æquis-  
simo Pontifice , attentoque Pastore , hoc à te ima-  
gine uirtutis , clementiæ , ac liberalitatis suæ peto  
nunc , & contendo summis precibus . In hoc præci-  
puè tuam mihi operam , gratiam , & auctoritatem  
aduoco . Vale.

IVLIVS PERVSCVS N. BOR-  
romeo Sanctæ Rom. Eccl. Car.

27

 VAM sit sui , & suorum maiorum simi-  
lis Archiepiscopus Columnæ pietate , stu-  
dioque in omnes , ac animi magnitu-  
dine ; quàm etiam parem uerbis uitam agat ; uel  
ex hoc facile intelligi potest : Optaram superio-  
ribus diebus me auctoritatis , & patrocini , tui  
apud summum Pontificem magnopere indigen-  
tem à tali uiro tibi commendari ; quoniam  
diligentiorum , atque ardentiorum eo in te  
obseruando , colendoque inueni neminem :  
qui simul ac neque uitandas , neque effu-  
giendas petitiones , meaque uitæ rationem  
accepit , non recusauit ; quin me sibi fo-  
uendum

uendum, ac tuendum susciperet: omniaque mihi de te tuaque liberalitate ita prolixè recepit, & ultrò pro sua, qua excellit bonitate, propensa-que benè de humano genere merendi uoluntate pollicitus est; ut cum ex tuis uerbis tandem collegerit, non id pendere tam tuo, quàm ex Pontificis arbitrio, quod pro me petierat, ac laborarat; meque propterea non esse fructum ex sua commendatione ullum hoc tempore percepturum; uoluerit re, atque usu comprobari, se mihi nihil de tot præstantissimis tuis ornamentis, quæ ipse assiduis in cælum laudibus effert, frustra recepisse. Quo nomine tanta is me animi aegritudine, quanta fueram affectus ex iniquo, & singulari in me fato, mirifico munere leuauit. Redegeram enim nudius quartus pecunias ex suis uenditis frumentis, quæ mihi ad eius domesticarum rerum usum erant conuertendæ; ducentos aureos nummos ex ea summa detrabi, mihique uniuersos remitti, & dono dari iussit. Quod quidem in me liberalitatis genus incredibile, ac propè diuinum; ut non possum non suspicere, non uehementer admirari; sic neque de illo non sapè, non palàm commemorare; præsertim cum qui uix parare ea, quæ sibi ipsi ad cultum, & uictum suppeditent, qui uix nunc exire alieno ære potest, quod nō libi dire, nō delicijs, nō superuacaneis apparatus: sed religiōis rei; Christianæ publicæ reparandæ studio

contra-


contraxit; is propulsare ab industrijs, & laboran-  
 tibus hominibus calamitatem; sustentare is ex suis  
 angustijs tenuitatem illorum studeat, & contem-  
 dat. Præclarum quippe uirtutis specimen, certis-  
 sima sunt hæc Christianæ probitatis argumenta,  
 nec non solida, atque insignia perpetuæ in te tanti  
 uiri obseruantia, ac beneuolentiæ indicia qui quasi  
 æmulus, & comprobator laudum tuarum adductos  
 in spem, & expectationem tui præsidij non deferat,  
 labentes, opemque petentes excipiat corruiere non  
 sinat. Hæc cura, & cogitatio, Pater Amplissime,  
 facit principes uiros omni honore, & amplitudine  
 superiores: is summus est Christiani nominis splen-  
 dor, summa est dignitas, ueraque amplitudo, quæ  
 alienæ salutis procuracionem sequitur: non ea, quæ  
 ab hominibus nostri seculi uoluptatibus, exquisito  
 corporis, & cubiculorum culto, in primisque be-  
 ne plenis, ac refertis nummarijs thecis penditur:  
 nō quæ oculos fulgore purpuræ permouet. sed quid  
 nunc hæc ad te, miraberis: Non eo spectat mea  
 oratio; ut uel aliundè petenda tibi esse uirtutis exē-  
 pla, cui domi præclara, atque illustriora proposita  
 sunt, uel te meipsius charitate ad tuam in me exer-  
 cendam humanitatem, & liberalitatem putem sti-  
 mulandum, atque excitandum. Non enim me la-  
 tet eum te esse, qui subieris istius onera Senatorij  
 muneris, probata sanctissimo tuo auunculo graui-  
 tate, industria, uitæ innocentia, æquitate animi,  
 & mode-

& moderatione tui; ut diurnas, nocturnasque uigilias, & labores tuos omnes ad spem diuini honoris, cælestiumque commodorum dirigas; ut nec fides porro tua, nec diligentia, nec pietas illa, quæ non in uerbis solum, sed in factis multò magis, & operibus requiritur, ab ullo desideranda sit: Sed quando sic habeo persuasum, te studiosum ualde actionum illius, & contentionum, illumque præterea in tuo ære iam esse; arbitratus sum non posse tibi iucundiores nuntium deferri; quàm, ut facta hominis tibi perquam addicti tuis optatis respondeant. Itaque hoc mihi sumpsi primum; ut certior facerem te de singulari uirtute, deque optima eius in Christianum genus uoluntate; deinde, ut tibi gratuler ex animo, qui tantam tuam clarissimam familiæ accessionem feceris, & gratias, quas possum non agerem solum, sed referrem; cum causam illi tam opportuni in me beneficii dederis. Relatas namque, ac redditas à mea tenuitate tu, qui uir es summus, & magnitudine animi præcellens, existimabis; cum intelligas neque iniectam mihi de tua humanitate spem, extenuatam, neque me ulla re esse deterritum; quin te patronum unum, atque intercessorem apud benignissimum Pontificem adoptem, te appellem, tuum auxilium iterum, ac sæpius implorem. Vale.

## IULIVS PERVSCVS PAVLO

Spinello Suo. S. P. D.

28

UPERIORIBVS diebus cū <sup>in athenis</sup> laborassem, plures ad uos misi literas, atque ad te potissimum, qui me latinis uerbis per literas salutaueris: Verum cum nullas iam à uobis tam diu acceperim, in illam opinionem facile coniectura ducebar, neq; meas ad uos admodū crebras, neq; uestras ad me fortasse raras fuisse fideliter perlatas. Quod cuiusmodi sit in aliud tempus differā. Id tantum ego optime curabo; ut omnis mea inscribendo diligentia, atq; industria. quoad licuerit, uel per locorū interualla, uel per tabellarios uel per molestissimos, atque ærumnosos, quibus hic præmor labores, cumulate in posterum præstetur. Tibi interea sic persuadeas uelim, me nūquā fuisse tam agresti ergā uos, immanique animo, inque meam præcipue Hortensiam, cuius persæpe desiderio æstuo; ut quempiam ad uos aduentantem prætermiserim, cui literas non dederim; nec potuisse præterea maius mihi in præsentia, scribendi ocium comparare; præsertim cum iam alteris meis tuæ sitis putem illi epistolæ factum, in qua non solum singulare quoddam erga me beneuolentiæ studium, ac periucundum fidelitatis tuæ indicium erga res nostras tibi conceditas; sed te etiam incredibili quasi cupidi-

si cupiditate ardere perspexeram; ut ad eos liberarium artium cursus animum intendas, ad quos, quando ex ipsis uberiores fructum, insignioremq; laudem, quam ex medica tua facultate adipisceris, tantopere semper, ac peramāter hortatus sum. Perge itaq; mi Paule, & enitere, ut spes mea de tua fide, deque hac illustriori uirtute in dies fiat erectior; utque magnum ex tua opera, & obsequio mihi absenti, ac patri tuo languenti commodum, atque ornamentum accedat. Ego, quando sic faueo tibi, ut Mario meo, quem ipse habeas commendatū oro, quando sic in tuis laudibus acquiesco, ut illis me quoque existimem ornari, te hortabor denuo, & sæpius admonebo, ut tantam opportunitatem, in qua es, instare, ac urgere iterum, atque iterū, non desistas. Vale.

IVLIVS PERVSCVS, ANGELO  
Lascaro. S. P. D.

29

**V**IGINTI iam sunt anni, cum amicitia, & consuetudo inter nos intercedit; quorum superiores propè octo assidua fuimus beneuolentia, & familiaritate unā coniuncti, reliquos uerò duodecim postremos, nescio si, uel temporum uarietate, uel fato fortasse in me iniquo nullis fuerit à te amicitia ipsa aut beneuolentiæ, aut amoris officijs culta, sed quorumcunque potius amici-



IVLII PERVSCI EPIST.

amicitiæ iurium obliuione uisus es tu amicitiam exercuisse, quæ, ut scis, habui mihi totū in medullis hærentem. Quod quantum impertierit mihi uacuo quidem ab huiusmodi culpa, doloris, & mæstitiæ Deus apprimè nouerit, qui animorum est inspektor. Nunc uerò dum illam in opinionem facile inducebar, te iam ab illiusmodi errato ad pristinam nostram coniunctionem fuisse reuocatū: te inquam, uideo deterioribus amicitiam ducere conditionibus. me enim tam diu hic in angustijs uersatum, molestissimisque assidue huiusce iurisdictionis occupationibus distentum, longo iam metu longaq; Turcarum obsidione circumuentum, & corpore præterea non satis commode ualentem nullo tuorū uerborum nuncio adhuc salutasti, nullis tuis consolari literis, nullo benignitatis, aut miserationis genere prosequi absentem conatus es. Quapropter, ò Lascare, si cogitare in me humanius, atque amabilius, quàm superioribus temporibus uolueris: si me dignum tua olim instituta amicitia, si me quandoque amicorum misericordia, si deponendam denique tibi hanc in me animi asperitatem æquum esse duxeris, suscipe quæso hoc tantulum in te oneris, ut ego, qui te antea, supra amicos omnes amauissemper, & colui, neque tui, neque tuarum literarum desiderio tam misere, tam diu ardeam. Vale.



IVLIVS PERVSCVS MARCO  
Cornelio S. P. D.

30

**I**AM est insignis, & spectata Cardinalis  
tui amplissimi uirtus, tam excellens eius  
erga suos familiares studium, ut homi-  
nes non minus in eorum, qui secum propinquitatis,  
& affinitatis uinculo sunt coniuncti, quam in sui  
ipsius amorem impulerit: tam magnum denique is  
observantiæ onus mihi imposuit, cum me sua grã-  
tia, suoque patrocínio fouendum, ac tuendum su-  
sceperit, ut nulla magis fortunæ contumelia fuisse  
me oppressum sentiam, quàm quod flagrans cupi-  
ditate incredibili, ut uitam, ac fortunas meas om-  
nes pro eius splendidissimo nomine effundam, hu-  
ius tarditatem occasionis etiam nunc expectem.  
Quapropter non debes, Marce ornatissime, ullam  
in admirationem adduci, si te nunc orcm, atque  
obsecrem, ut me quoque unum post hac in tuorum  
domesticorum numerum ascribas, inque tuam fami-  
liaritatem recipias: cupientem quidem illam quoti-  
dianis officijs colere: Quod cum feceris, neque de-  
flectes ipse de tanta humanitate Cardinalis, deq;  
eius contentione, & cõsilijs, non desistam ego illud  
te in presentia pro mea fide, mea que ueteri in ue-  
stram familiam observantia per literas monere; ad  
quod tamen satis per te incitatus, atque idoneus  
uideris;

IVLII PERVSCI EPIST.

videris; ut te adolescentem iam magnæ indolis, optimæ spei, tantæ eruditionis, tantæque eloquentiæ, quantam semper sum arbitratus potuisse ex clarissima illius officina exire, cuius te in disciplinam parens tuus prudentissimus credidit, & commendavit, dignum cum Cardinalis hominis propè diuinitum nostro singulorum de te iudicio, atque expectatione præstes; uelisque tandem pro tui generis, animique præstantia, eò morum, & doctrinæ conniti, quò pauci, aut nemo potius nondum peruenire, sed nec aspirare quidem potuere. Vale.

IVLIVS PERVSCVS GVIDO  
Ascanio Sfortiæ Sanctæ Ro. Eccl. Car.

31  
**N**ON sum ueritus mittere ad te huiusmodi pauculos fructus mei uenatus nuper in hac, qua nunc fungor iurisdictione captos: Namque uiri præcellentes magnitudine animi tui similes, qua esse in suis augendis, atque ornandis hominibus humanitate, & liberalitate contendunt, eandem etiam solent in accipiendis eorū munusculis egregiè, atque hilarè præstare: Quod quando ego à te in præsentia magis spero, quàm opto, illud tantum Te orare non desilam summis precibus, ut mei absentis, meæque in te tantæ fidei, perpetuæque obseruantie memoriam serues. Vale.

IVLIVS

IULIVS PERVSCVS RAINV  
tio Farnesio Sanctæ Romanæ Eccl. Car.


32

**M**AXIME angerer, & sollicitus essem  
(Pater amplissime) quod ex eo tempo-  
re, quo me ad Urbem recepi ex iu-  
risdictione, qua nuperungebar, nihil adhuc eo-  
rum à me officiorum in te profectum sit, quæ  
tibi, & tuæ uirtutis insignibus debentur; nisi  
& tua summa prudentia admonerer, te mini-  
mè omnium ignorare, quàm parum sibi tem-  
poris attentus quisque pater familias possit  
ad officiorum cultum comparare, & mei ani-  
mi conscientia sustentarer, cum neque obli-  
uio nostræ in te ueteris obseruantia, neque  
inhumanitas, aut negligentia quidem ulla  
tardauerit animum meum. Quam ob rem  
non uideo, quid ipse nunc debeam explere  
officium meum ullo, aut uerborum ambitu,  
aut excusationis genere; præsertim quan-  
do, & mihi cum optimo, ac benigno Princi-  
pe, & tibi cum homine potissimum eo agen-  
dum est, qui uel tuam, uel tuæ totius præclarissi-  
mæ familiæ gloriam, ac decus mente, & cogitatio-  
ne assidua complectitur. Tantum igitur à te peto,  
quod mihi pro tua omnium sermone celebratissima  
humanitate petendum est; ut quam persæpe  
obscure  
E imitaris

imitaris maximorum principum consuetudinem in tuis ornandis, atque augendis familiaribus, quibus ampla datur facultas te assiduitate officiorum prosequendi, eandem uelis in amplexandis, ac fouendis ijs retinere, qui assidua etiam, & incredibili ardent cupiditate, ut pro te, tuoque splendidissimo nomine uitam simul cum fortunis omnibus effundant: ducasque nullum esse officium, nullumque tam singulare studium, quod possit cum hoc tui percupido, atque obseruantissimo animo meo conferri. Non enim Deus ipse, unde tu soles tuorum factorum petere exempla, magis grata, magisque decora hostia, quam paratis, & flagrantibus animis placatur. Vale.

IV LIVS PERVSCVS SEBASTIANO Vantio Pro Auditore Camerae.

33

UPERIORIBVS temporibus, cum tibi rei iudicaria facultas data esset, tuam ego, & mea uxoris fratres omnibus in rebus nostris, quae tua gratia, & auctoritate egerunt, beneuolentiam erga nos, & humanitatem egregie experti sumus: nullum enim a nobis ex tuo illo munere, quod eo tempore sustinebas, passus es, iustissimi, ac beneuolentissimi hominis officium desiderari: sed tamen hoc recente merito, & studio, quo tibi Sertorium in perpetuum deuinxisti, dando

stii, dando de eo apud amplissimum Cardinalem  
 Perusinum præclarum tui iudicii testimonium, ita  
 nos una omnes ad incredibilem tui colendi, & ob-  
 servandi cupiditatem excitasti, ut nihil tam nobis  
 enitendum omnibus nostris facultatibus in poste-  
 rum arbitremur; quam ne te huius de illo iudicii,  
 & tuæ erga nos amicæ voluntatis inquam pœni-  
 teat. Curasti sanè probè, & peramanter; ut huius  
 modi iuuenis opera, fides, & eruditio possit pul-  
 chrè e lucere in causis, & negotiis tam eximij uiri,  
 & Cardinalis, qui ad amplexandas uirtutes uisus  
 est nullo non tempore, à natura apprimè constitu-  
 tus, quemque ego iam diu uel propter singularem  
 eius prudentiam, animique præstantiam, uel pro-  
 pter commemorandum sui patris nomen, qui me  
 tunc assidua familiaritate implicatum tenebat, co-  
 lo, & obseruo. Perge igitur, humanissime Vanti,  
 fauere ingenio, fauere industriæ iuuenis gratissi-  
 mi, non indiferti, & porrò expleturi omnem desi-  
 derij nostri expectationem. Suscipe curam minimè  
 alienam tua uirtute, tuaque probitate. ijs namq;  
 studijs, in quibus Christianis uiris admodum elabo-  
 randum est, dignum laborum præmium, uitam im-  
 mortalem consequeris. Vale.

IVLIVS PERVSCVS, IACOBO  
Decimio Hangiensi.

34


**T**ERTIVM iam diem tuas nōnullas accepi literas, quas quidem non sine magna cura, non sine mediocri mœrore perlegi; cum mihi argumenti non nihil dederint, ut ad te pro mei officij munere literas eodem ipso, quo tu ad me sermone, scriptas mitterem; cumque illud quoque ducas futurum de nostro Crescentiano negotio, quod de Caietano. Sed amabò te (mi Iacobe) quid ego rebus ijs omnibus, quæ uel ad prudentiam, uel ad eruditionem spectant, orbis plane, & urbanis assidue distentus occupationibus de beo tibi longe multorum hominum uirtute, & ingenio præstantissimo latinis uerbis obstrepere? satis equidem tuis elegantissimis literis respondebo, cum limatulas, atque elaboratas tuæ orationis sententias, cum flosculos, & concinnitatem tuorum uerborum, cum accuratum denique, ac disertum dicendi genus, tuique ingenij lumina ualdè, & sæpe carpam, atque delibam. Quid porrò mœrere? non ne amico uidebor officium, & pietatē præstitisse; si ullam hætenus temporis partem non destiterim contendere omni mea cura, industria, cogitatione, studio



ne, studio; ut eas, quibus nunc uideris affectus, & afflictus difficultates, subleuarem. Itaque siue perdoctæ tuæ epistolæ uberioribus literis, ac luculento sermone minus adhuc responderim, siue desiderio; quo ipse ardes, nequiuierim satis ex utriusque nostrorum sententia facere; quæso nè me inertia, nè me lentæ uoluntatis crimine accersas; sed id omne potissimum cum inscitia planè scribendi meæ, crassæque mineruæ, tum horum temporum iniquitati, attribuas. Vale, & tuum interea nomen, atque doctrinam non desistam apud nostros homines, cum facultas dabitur meo testimonio, meoque iudicio, quantulumcunque sit, comprobare. Vale.

IVLIUS PERVSCVS MARCEL-  
lo Pallono. S. P. D.

35

 M fructum nostræ necessitudinis, qui ex usu & communicatione sermonum internos percipi uberrimus solet, animo, & memoria persequor; ita magnum mihi tui relictum desiderium sentio, ut quando à cogitatione, & dolore me nequeam auocare, tantulum huic temporis epistolæ non habuerim, quo tu a me cumulatius, ac sigillatim, ut optaram, de tanta mearum literarum tarditate, deque



meo statu certior fieres. Itaque tantum illud nunc habeo, me hic fungi sat honorifico, & illustri munere; adeo tamen negotioso, adeoque meis impari viribus, ut propter uel molestos, ac arummosos, quibus premor assidue in iurisdictione labores, uel longam Turcharum obsidionem, qua nondum liberati uidemur, noctes plures, ac dies perincommode ualuerim. Qua de re, mi Pallone, si me post hac aut plenior, atque uberior ad scribendum, aut animo, & corpore ualentior uolueris esse; fac imprimis nullum pratermittas mei absentis iuuandi, & leuandi locum: fac deinde intelligam eadem futurum te erga meas res domesticas, & uoluntate, & beneuolentia, qua semper fuisti: quam quidem, si alia unquam in re, in hac ipsa maxime flagito; ut mihi de nostris rebus urbanis aliquid tuis literis significes. In quo quam gratum mihi sis facturus tum absenti, tum sollicito non conabor tibi exponere; cum tu id per te satis cognoscas. Vale, & amplissimo Bellayo, quam primum tibi facultas dabitur, multam a me salutem dicas oro & obsecro.

IVLIUS PERVSCVS IVLIO

Herculano. S. P. D.

36



ON est, (mi Herculane) huius oneris, quo nunc premor, singulas causas mearum literarum cum tarditatis, tum breuitatis

uitatis ad singulos amicos per singulas literas deferre. Nam neque munus, quo fungor tam negotiosum, neque horum locorum intervalla id ferunt, neque mihi, tametsi amicorum cupidissimo licuit ad hoc per impiam Turcharum classem animum ad literas scribendas applicare; cum ipsi ad nocendum populis hisce meis præsentes vires etiã nunc habere uideantur. Qua de re si pluribus amicos in præsentia uerbis non expleam, quaeso unda omnes, atque enixius obsecro, ut meam ipsi uicem in hac re sustinentes, ad oblatam iam rationem se referant. Vale.

IULIVS PERVSCVS IOANNI  
Antonio Clario.

NON obliuione amicitiae nostrae, quàm mihi perpetuò seruandam proposui, serius ad te do literas, ac Romæ fueram pollicitus; sed cùm tam molestissimo, ac negotioso fungar munere, meisque longè dispari humeris; ut ex aliorum uoluntate meae uniuersae pendeant planè actiones; nequeo mihi aliquam partem temporis ad meorum amicissimorum commodum, & consolationem comparare; nec id quidem propter arduam dumtaxat, quam suslineo iuris reddendi prouinciam; sed quòd labore admodum corporis, diligentiaque incredibili assidue contendendo; ut hos meae curae, & fidei commissos popu-

IVLII PERVSCI EPIST.

los ab impijs Turcharum manibus aliquando ex-  
 peditos reddam. Quare ( mi Clari ) faciat qua-  
 so meæ tarditati medicinam tua prudentia , tuus  
 amor, tuaque optima uoluntas. Vale, meq; scias  
 in desiderio esse aliquid iam audien di, & de te,  
 & de rebus urbanis & de Herculano, ac de  
 Pallono in primis, & de Casareo no-  
 stro: cui quando ad tam celebra-  
 tum uirum aspirare meæ  
 non audent literæ,  
 plurimam dic  
 meo no-  
 mine ex his ipsis literis  
 salutem.

37  
I V L I I P E R V S C I  
P A T R I C I I R O M A N I  
E P I S T O L A R V M

*Liber Quartus.*

I V L I V S P E R V S C V S R A I N V -  
tio Farnesio Sanctæ Rom. Eccl. Card.




38  
O N fert (Pater Amplissime)  
aut præmissa tibi nostrarum di-  
strabendarum controuersiarum  
potestas, & auctoritas, aut per  
petua tua in hominibus tuendis  
consuetudo, tuaque magna exi-  
stimatio: ut mihi iam amplius per te domestica, &  
intestina crudelitate sit laborandum, præsertim  
cum ego, si ulli ex tot sapientissimis tuis collegis  
causa mea commissæ foret, ad te potissimum, qui  
de omnibus gentibus optimè mereris, confugissem;  
ut cum mihi per quàm propitium redderes.  
Itaque non possum non de integro tuam fidem,  
& conscientiam implorare; in qua una acquiesco,  
non te uehementer rogare; ut iam de meis mi-  
seris rationibus decernendum cures: uelisque  
tam mihi, immò potius mihi præstare pie-  
tatem

tatem, meisque liberis, quibus nihil est egentius, quam meorum cuius fratrum; quos nulla horum lacryma, nulla adhuc obsequia, aut officia; nulla demum misericordia potuit mouere. Certè negociosam, & molestam prouinciam suscepisti; dignam tamen tua humanitate, dignam Christiano studio: porro neq; disiunctum negocium à uestro Senatorio munere Pōtifex Maximus tibi detulit. Vale.

IVLIVS PERVSCVS HOSTILIO HECTORCO S. P. D.

39

 Deas literas, quas ego ex tuo mandato proxime misi diligentissime scriptas ad Taliacozzi Prætorem, permultæ etiam pro eo nec uulgares quidem additæ sunt commendationes meæ, tum apud nonnullos intimos Marci Antonij Columnæ familiares, qui itidem in eius eisdem locis funguntur diuersis iurisdictionibus, tum apud præstantissimam mulierem Orintiam Pompeij Columnæ uxorem; quæ cum iter factura Taliacozzio ad alia loca, uoluerit hic sub meis pauculis tectis familiariter recipi; nõ recusauit suscipere ex meis multis precibus huiusmodi propugnationem rei; quæ quidem studia, & officia mea possunt spè tibi afferre tui Angeli recuperandæ salutis; præsertim cum nihil tam insignè appareat nostris temporibus, quam clementia, & liberalitas ipsius Marci Antonij.

ci Antonij. Vale mi Hostili, teque oro, ut nusquam cesses maximam mihi tuarum rerum fidem habere. Vale.

IVLIVS PERVSCVS HOSTI-  
lio Hectoreo S. P. D.

40



*I*. eam inter nos arbitraris constitutam iam esse amicitiae necessitudinem, quam & uetustus noster amor postulat, & ardens mea tuorum studiorum cupiditas meretur; æquum ducas non solum illam sancta, & mutua esse à nobis uoluntate tuendam; sed utrumque nostrum debere alterius ope, & consilio in his, quæ usus affert quotidianus, ita uti, ut eiusdem amicitiae officia non uerbis tantum, sed factis etiam, ac rebus ipsis usurpemus. Cum igitur proximè transactis mensibus facturus es huc ab Urbe digressum magnis itineribus; nihil à te maiore studio, ardentioreque animo contendere, quàm, ut debita Christo, amicitiaeque charitate, ac fide meum amplecti conareris filiolum: tuoque illum amori, & uirtuti concreditum labi admodum in puerilibus non finire; nec non optimis moribus, disciplinaque, & eruditione, qua tu multis bonarum artium professoribus facile præstas, apprimè instituendum curares. Id mihi te non prætermisurum pro tua summa humanitate etiam atque etiam recepisti, literasque

IVLII PERVSCI EPIST.

rasq; interdū hac de re missurū non recusasti. Horū alterum si quidem adhuc acciderit, nescio, alterum minus accidisse scio; cū nullas porrò à te literas de re ulla habuerim, quæ me aut certiores facerent, te iam in pio huiusmodi officio esse, aut in spem non nullam præcipuè adducerent, tuam iam diū à me exoptatam navitatem, in qua multa spes, multa mei absentis innititur fides, non defuturam puerulo. Quo circa si senseris potuisse hætenus mihi à te uel amici, uel Christiani hominis munus præstari; fac me obsecro non esse in tam longo huius tuæ percipiendæ uoluntatis desiderio; nec patiari illam ad me consolationem ex aliorū literis peruenire, quam ego longè maiorem ex tuis mihi periucundis capere possum. Vale.

IVLIVS PERVSCVS NICOLAO,  
Ioanni Paulo, & Octauio suis fratribus.

41

**M**ULTA me nunc ad uos cupientem exarare hæc ipsa planè cum impediunt, tum dehortantur: Primum impedit me non mediocris lassitudo, qua ita quidem laboro propter ardentissimas pluias, quæ me aliquantulum fregerunt, & itinera deuia, quibus nos profecti sumus Neapolim in profunda nocte; ut neque mens, neque corpus, neque calamus ipse satis esse in officio queat: deinde illud quoque dehortatur me potissi-



potissimum, quòd cum ipse huc peruenierim duodecimo Cal. Decemb. tertia, & uigesima eius diei hora, nullum mihi ad uos tam pauculo tempore potuit de noua ciuitate scribendi argumentum suppeditare; atque eo maxime, quòd id temporis totum, quo uti ad arbitrium meum potui, nec in his reddendis literis, quas mecum attuleram, nec in his salutandis magnatibus mihi satis fuit. Qua propter non debetis ullam in admirationem adduci; si nunc breui ad uos scribam; quibus, & si meas quasunque res commendatissimas esse sciam; nequeo tamen eò usque calamum sustinere; quin uobis omnibus ego iam amori indulgens nostros puerulos, & suauissimam Hortensiam unicè commendem; quorum aspectu cum caream in praesentia, & pungit me summo perè, & doleo mirificè. In his, quaeso uos fratres atque obsecro nitamini omni cura, omni fraterna fide, & charitate; ut aestuàs tādē omniū uestrū desiderio, possim uestris erga illos studijs, & officijs letari. Valete fratres, & à me salutē nostris omnibus reddite.

IULIUS PERVSCVS QVIBVS-  
dam suis affinibus. S. P. D.



42  
EQUANDO me putastis uel absente m uel praesentem sine uestra opera, & sine uestris literis, mea

IVLII PERVSCI EPIST.

ris, mea primum spe Deo dicata, mea que deinde Hortensia ualente, non potuisse uiuere? O miseri, qui cum uestras res, & rationes neque iudicio, neque presidio iuuastis unquam, audetis me libere dicendi facultatis arguere; non iniqua excogitantem, commodis amicorum permaxime studentem, uera semper cum magna uniuscuiusque charitate, non ficta, non inania predicantem, honesta demum, atque etiam uiro digna nauare proprijs nervis contententem. Colligite iam uos ipsos in insigni macula, turpissimaque ignominia notati homines: Cohibete teterrimas cogitationes istas, & ueteros uestros mores nouis consilijs, & accuratioribus commentationibus. frustra enim nituntur ij, qui obtusis auribus criminatione, precipites in me feruntur, qui me in hominum inuidiam uocant, qui que meum nomen peruerse diminuere student. Nam & Deus ipse, qui mentium bene sentientium inspector est, recti animi mei contentionibus nullo non tempore fauebit; & Hortensia quidem ipsa uestri nunc mihi muneris uicem prestans tantam imprudentiam, tantam immoderatam uestram inhumanitatem sua in mel absentis res nauitate uincet. Valete.

IVLIVS PERVSCVS ALEXAN-  
dro Farnesio Sanct. Rom. Eccl.  
Cardinali.

43.

**E**TSI id accidit, quod mihi maxime fuit  
optatum, ut & episcopus noster tuo, tui  
que præclarissimi fratris Ranuti studio,  
atque opera in pristinam dignitatem restitueretur,  
& Ranutius ipse fuerit nobis non inuitis de rerum  
familiarium controuersis arbiter à summo Ponti-  
fice datus, tamen hoc tempore ita magno, ita incre-  
dibili uersor in mœrore propter uel illius opinio-  
nem, quæ in dies fertur in deterius, uel Cardina-  
lis tui perlongam iam inferenda sententia delibe-  
rationem, ut medico mihi ad salutem diligente, ac  
nobilissimo utendum sit. Quapropter accedo nunc  
curandus ad te, Farnesi spectatissime, qui præser-  
tim consuesisti agris mederi, iacentes excitare, &  
petentes medicinam sanare. In tuam fidem, & pie-  
tatem confugio, quam non es passus ab ullo unquã  
ex Christiano ordine desiderari: altera in consilijs  
præstandis optima, & mira: altera in hominibus  
iuuandis summa, & constanti omnium sermone ce-  
lebratissima est. equidem de fratris tui tarditate  
querimoniam prorsus non habeo. eius enim tanta  
est ornamentorum præstantia, ut quasi æmulus ip-  
se, & comprobator laudum tuarum emineat nunc  
in tot sa-

IVLII PERVSCI EPIST.

in tot sapientissimorum patrum consilijs; sed quæ  
 ror nimirum cum fortuna hoc nomine; tùm quòd  
 qui antea sperassem, quæ uestra est humanitas, &  
 beneficentia, meam tenuitatē ex magnificētissimis,  
 infinitisq; uestris sumptibus sustētari, ea mihi gra  
 tia in præsentia fuit minus tributa; quæ poterat  
 hoc quidem tempore, & me æquissimi uoti compotē  
 efficere, & illum iustitiæ, animorumque consensio  
 nis studiosissimum, quemadmodum semper fuit, ostē  
 rare; tùm quòd idem aut grauissimis occupationi  
 bus distentus, aut molestia potiùs Peruscorum le  
 nitatis affectus uoluerit rebus non dum cumulatē  
 auditis negocium sibi, ac suo excelso iudicio concre  
 ditum, summaque manu explicandum lento admo  
 dum homini, & ociosè gerenti dare. Quo circa (Pa  
 ter Amplissime) cum uos duo sitis, qui uominis, ac  
 nobilitatis splendore illustratis Sanctum Aposto  
 licum Senatum, qui porrigere omnibus, ac ten  
 dere lumen ingenij, & consilij uestri nunquam  
 defistitis, cumque demum sitis, in quibus ea in  
 sunt omnia, quæ in maximis, ac optimis uiris po  
 stulanda sunt; non me hominem uestræ præsertim  
 clarissimæ familiæ perquam additum à suo portu,  
 suoque profugio, uestra prolixa, beneficaque ab  
 sterreat, neque excludat natura; sed ita occurrat  
 diu iam domestica crudelitate laboranti; ut magis  
 prædicanda, quam optanda regia Farnesiorum pro  
 bitas sit. Causa mea non modicū per se instructa  
 est; cum

est; cum tot iam dictis de ea sententijs omnes ad unum iudices assensi sint; cumque præterea satis multos annos ipse in bonis extiterim. Testium pol, quos habeo tam honestæ, tam miserandæ causæ locupletissimos, neminem huc adduco, omnes omnino missos facio: sed solam cum tui Ranuti fidem, & conscientiam, in qua plurimum acquiesco, tum tuam illam in ei me commendando sedulitatem, & misericordiam imploro, quæ te cunctarum rerum potestate, & dominatu dignissimum non solum gloria, sed sempiterna augebit beatitudine. Vale.

## IVLIVS PERVSCVS ALOISIO

Conelio Sanctæ Rom. Eccl. Card.

44

**V**IS iucundissimis, atque humanissimis, immò etiam salutaribus literis Quinto Idus Aprilis ex Vrbe datis adhuc non respondi (Pater Amplissime) quoniam ego laborans tunc infirmissima ualetudine in lectulo nec corpore satis, nec mente cōsistebam. Nunc autem cum Dei in primis cōcessu melius mihi sit, non sum arbitratus quicquam magis ad me in præsentia spectare, qui te tam diu colo, & obseruo; quam corrigere iam aliquo literarum genere iustam hanc meam tarditatem, nec supersedere amplius officio rescribendi; præsertim cum per illam incredibilem uoluptatem,

F qua ex

qua ex tuis literis fui affectus, refertis quidem humanitatis, amoris, & suauitatis, sentiam mihi quasi in immensum crescere in dies singulos inco-  
lunitatem. Quid enim mihi in illis iucundius, ama-  
bilius, aut tua dignius dignitate accidere potuit :  
quàm intelligere te tantum uirum, & Cardinalem in  
studio esse, ac desiderio non nihil de mei tam tenuis,  
ac certe fidelis, & tibi perquam addicti hominis  
statu pernosceri, teque munusculum nostrum ad  
usum tibi domesticum missum, ita grato, liberali-  
que animo accepisse; ut eius exilitas minimè tegan-  
da sit nobis idonea, uel temporum, uel locorum ex-  
cusatione. In tuis literis non modò benefici patro-  
ni, ac domini uoluntas, & studium; sed optimi pa-  
rentis cura quædam expressa uidetur. Quæ qui-  
dem omnia solida sunt, & perspicua tui magnitu-  
dinis animi, & Christiana probitatis indicia. Quæ-  
ris igitur (Vir spectatissime) quid me causa potis-  
simum in hæc loca compulerit; quæ nunc sit uita no-  
stra; quæue nostri status conditio, & quo in ge-  
nere occupationem uerfer. Certè non repetam al-  
tius initio; neque si ngula persequar: tum quòd ue-  
reor ne grauissimis tuis occupationibus intempe-  
stius interueniam, tum quòd spe maxima ducor,  
posse me tecum primo tempore, quàm plura huius-  
modi familiariter percurrere. Breui tamen sic acci-  
pito. ego ad has regiones speciosis causis libenter  
consolaui: & quam nunc sustineo iudicij exercen-  
di pro-



di prouinciam non inani consilio suscepi, & professus sum. Primum quidem, ut oculos ab istis urbanis miseris planè auerterem, quas cum etiam auri-  
bus inuitus percipiam, non tam animi dolore, ac molestijs unà cum nostris ciuibus tabesco; deinde ut odium nonnullorum in me inique structum qui aspirare ad Pontificis aures facilius poterant, mol-  
lirem absentia mea, & mitigarem. ego hic sat honorifico fungor munere, sed paulo fortasse plus nego-  
cioso, ac molesto, quàm uel Christiani sensus, uel domesticæ meæ occupationes ferunt. non quòd mihi iam prouincialibus molestijs assueto causæ, & con-  
trouersie distrahenda negotiū faceßāt; à quibus nul-  
lus mihi dies modò in hoc, modò in altero oppido forū agēti uacuus est; sed quādo uideo miseras has  
gentes uexatas, exinanitas, & oppressas assidui-  
tate onerum, atque acerbitate uectigalium, & tri-  
butorum; à quibus eas nulla pecunia, nulla indu-  
stria potest unquàm uindicare, nequeo me ipse in  
tam ignobiles, ac propè impias curas mergere; ut  
talium, me prorsus imperante pecuniarum summu-  
la austero illo more, qui à quacunque principatus  
ratione disiunctus est, cogantur. Ita demum in hoc  
munere meos omnes neruos quotidie contendo; ita  
miserorum, ac laborantium salutem, & princi-  
pum harum gentium decus, & commodum specto;  
ut ab alteris nihil unquàm laboris, aut pietatis;  
ab alteris nihil industriæ, nihil officij desideran-



# IVLII PERVSCI EPIST.

dum sit mei. Habes iam magna ex parte causas, & rationes ab quas desierim hoc tempore Urbem colere: quod genus à me his in locis uitæ degatur; & eo tandem in studio meas consumi horas, quod certè non est alienum, uel à tuo rectissimo sensu, ac desiderio, uel ab ea fide, & uigilantia, quam pro mei officij munere, proque mei tenuitate ingenij principibus ipsis, & populis meæ fidei concreditis præstare debeo. Tu interea ne uelis ab illa mente, consilioque deduci: ut nullo unquam, aut locorum interuallo, aut molestissimo munere sim uenturus in obliuionem meam in te perpetuam obseruantiam. Vale.

IVLIUS PERVSCVS N. ARCHIEPISCOPO. S. P. D.

45

**A**D eam beneuolentiam, & obseruantiam, qua te ob plura tuæ uirtutis, & industriæ insignia prosequi debeo, magnus accedit cumulus ex illa omnium sermone celebrata Cornelij amplissimi humanitate, qua me ita ad omnem cupiditatem, & studium eius colendi, ac uenerandi nominis incitatum sentio; ut unumquemque ueteri, atque illustri Corneliorum familiæ additum uirum maxime mihi diligendum, atque obseruandum ducam; sed accidit medius fidius, & contra uoluntatem meam, & præter institutum; ut ex quo me ad Urbem contuli ex iurisditi-

iurisdictione, qua fungebar, nullo tecum officiorum genere egerim. Quo circa non mediocriter mihi uerendum esset; ne aut negligentia, aut inhumanitatis nomine possem accersiri nisi tua summa prudentia recte admonerer, te maxime omnium scire; quam parum temporis attentus quisque pater familias ualeat ad officiorum cultum comparare. Qua propter non explebo nunc officium meum ullo aut uerborum ambitu, aut excusationis genere, cum & tibi non cum ueri criminis reo, & mihi cum benigno mea, si qua fuisset in me, negligentia interprete, agendum sit. Sed illud te ad extremum oro, atque hortor; ut tam libenter mea in te incredibilis beneuolentia, obseruantiaque memoriam apud te conseruatam uelis, quam constanter ipse animo teneo, nullum a te relinqui locum in isto sacro conuentu uel tuenda, uel etiam augenda Rei Christiana uexata publica. Vale.

IULIUS PERVSCVS CAMIL-  
lo Episcopo Fratri. S. P. D.

46

**N**UNC certè intelligeres, Frater, si tuis in rebus interesse; quid Iulius niti uiribus, quid consilio prouidere, quid studio planè, ac precibus ualere posset apud nonnullos egregios, maximeq; illustres uiros; quorum gratia, & auctoritate uidetur Dux iste Florètiæ præstantissimus moueri. Quod quando mihi non licet

F 3 uel per

uel per tuam in me parum propensam fidem, & uoluntatem, uel per molestissimas, quibus assidue in iurisdictione distineor occupationes; hortabor his te quam paucis quamque; etiam fidelissimis, et admonebo uerbis pro Christiana, & fraterna illa, quam in me nunquam exercuisti; charitate, ut non cesses nimirum in procuratione tua reparanda dignitatis; nec ullum relinquant locum tibi comparandi apud summum Pontificem idoneum, & grauissimum intercessorem, qui tuae causae praesto sit; qui non recuset ex tua potius insequentis, quam antea et uita exemplo suscipere in se tuarum rerum propugnationem: qui non lente, non remisere, non suspensa manu, sed strenue, & aperto corde, teque, & tuarum uniuersas difficultatum rationes Pontifici ipsi commendet. sed haec mehercule uercor paratioris animi sint negocia, quam tui. Non enim tanta cura, tantoque necessario opere supersedendum esset: dediscenda tibi sunt pusilla, ac ueteres cogitationes tuae. Refer itaque animum ad grauiora, atque ad ea potissimum, quae & digno uiro, & tua dignitate digna sunt. Contende quae so in hac causa omnes tuos nervos; ne te homines nostri, quorum in uoculas tam diu incidisti, hoc etiam cessationis crimine, & inertia accusent. Vale, meque scias, in desiderio esse tuae nouissimae ad Pontificem perlegendae orationis, quam si ad me transcriptam miseris; iam mihi uidebor collegisse ex hoc ipso primitias tuorum beneficiorum.

## IVLIVS PERVSCVS ANTONIO Mariæ Saluiato Episcopo.

47

**N**ON obliuione ueteris in te mea obseruantia, non superbia, neque inhumanitate superioribus diebus Romæ cum te nia incedentem uiderim, nullo tecum officiorum genere egi; sed quòd ipse, qui tunc mihi nullam uacuum horam ad officiorum cultum comparare poteram propter assiduas, & molestissimas iurisdictionis, quæ eo tempore fungebar, occupationes, constitueram ut primum tam negciosum munus absoluissem, ad Urbemque reuertissem, me studiosè ad tuas ædes conferre, ut & uidere te, ac uisere tam longo interuallo, & tibi potissimum de tua deque tui tanta patruui uiri clarissimi, hominisque sapientissimi accessione prolixius, atque cumulatius gratulari possem: quem quidem non modo huius excellens Pontificis iudicium, insignisque illius in Remp. tutandam nauitas, sed aliorum hercle Principatum tempora ad hanc dignissimam sua uirtute, & meritis dignitatem efferre debebant. Nunc uerò quando huc ab illiusmodi exercendi iudicii munere reuersus offenderim te hinc ad publicum conuentum profectum, mihi que hoc nomine fuerit planè ereptum, quod omnibus uotis optabam, uariè me meo reditu affici sentio. Nam & doleo animo uehementer, quòd eius uiri caream iucundissimo conspe

IVLII PERVSCI EPIST.

*Et*, cuius ego natura comitatis, & beneficentiae  
 fruendae iam diu flagrabam desiderio; & lator miri  
 fice quod tam recens dignitas in bona tua aetate sic  
 maturè, sic tempestivè contigerit usui afflicto chri-  
 stiano gregi. Qua quidem in disceptatione doloris,  
 & laetitiae cum sim, rationibus utrinque perpensis:  
 tādē aequius multò esse duxi, animum ad firmum,  
 & fundatum gaudium, quàm ad tristitiam ullam  
 referre; praesertim cum tu ea sis indole, animique  
 praestantia; ut non minori cura, & studio absentes  
 amicos prosequaris; ac praesentes, incommodaque  
 tuae absentiae, quibus commoveri unumquemque ti-  
 bi addictum intelliges, plurimorum compensatio-  
 ne commodorum lenire studeas, cumque ea prae-  
 terea, quae voce coram tecum eram acturus, possint  
 aliqua ex parte per literas exponi. Si redigerem ti-  
 bi in memoriam (spectatissime Praeses) initia pe-  
 rennis, ac propè incredibilis meorum maiorum in tuā  
 familiam observantiae, quae semper animo à me po-  
 tius retenta, quàm officijs, & assiduitate consuetu-  
 dinis fuit culta propter nostram vitae disunctionē,  
 ac negotiorum dissimilitudinem; relinquerem for-  
 tasse testatius apud animum tuū, quàm bonis addu-  
 ctus rationibus, quàm veteri astrictus vinculo ala-  
 cer nunc, & laetus veniam ad te gratulatum sed cū  
 putem tibi ea esse non minus nota, quàm pluri-  
 mis, cumque non ea sint curae, & occupationes tuae  
 hoc tempore, atque in istis locis; ut literis interpel-  
 landus

landus sis; Breui igitur gratulabor in presentia non inani erectus letitia tum tibi de tuorum primitijs ornamentorum, & tuæ laudi, quòd ita te instituas, atque appares, ut honore isto, quo nuper affectus es, & spe etiam, quam de te summæ uirtutis, ac benignitatis eximiam præbes, magnum in te præsidium simul, & decus ætas admodum languens nostra uideatur esse habitura, tum ueteri, atque illustri familiæ tuæ, quam uideo nihil ab eis muneribus, quæ semper in ea plura, & maxima floruerunt, deflectere; tum Pontifici maximo, qui suo ex certo, euigilatoque iudicio non est passus tam necessario tempore uestram singularem fidem, & uirtutem à nostro reparando, uel prope ruenti nomine desiderari; tum uexatæ denique Rei Christianæ publicæ, quæ si nusquā alias, hac præsertim calamitosissima tempestate talibus uiris, talibus fautoribus augeri debuit, qui nos magno suæ uirtutis præsidio, summo etiā studio, ac pietate erga Catholicam religionem, cum ab insidiosorum hominum temeritate uindicatos, tum à periculis, quæ mihi multa, & graua uidentur impendere, tutissimos reddant. Vale.

IULIVS PERVSCVS FRATRIBUS. S. P. D.

48



ESTRA me in primis parum propensa erga res meas uoluntas, uestra deinde pristina de me inique cogitandi ratio non con-



IVLII PERVSCI EPIST.


non consuetudo quidem mea, non negligentia ulla, neq; molestissima, quibus in iurisdictione assidue distineor occupationes, à scribēdi munere deterrerūt. Nihil enim magis à uestris sensibus alienum uideo, quàm cum auditis ipsi quòd uiuam: sed quæ potest esse tam grauis lassitudo, tamq̃ue insignis occupatio, aut tam honesta causa, quæ debeat fratris officium, ac fidem impedire? Quid porrò mihi tam gratum, atque expectatum absenti? quam his præsertim in locis eorum tandem salutari literis, quorum & uerbis, & rebus adhuc mirandum in modum oppressus iaceo. Sumus omninò fratres, una omnes in culpa: sed tamen longè dispari. ego sic in leui, ut sola conscientia possit me quacunque culpa præclare liberare. In uobis uniuersæ insunt culpæ uel Christianæ pietatis neglectæ, uel porrò fraternæ coniunctionis nullo unquàm officiorum genere cultæ. sed nè incidam in turpium stomachosam nostrorum facinorum commemorationem, quæ non modo in oculos, uerùm etiam in uoculas hominum incurrunt, utar hoc duntaxat argumento, quo sæpe numero soleo, uosq̃ue hortabor præcipuè cum ad corrigendam iam ueterem, atque impiam animorum uestrorum uoluntatem, tum ad præstandum mihi, & filiolis pusillum eius memoriæ, pietatis, ac fidei, quàm pro fraterno iure debetis; ut & Deus ipse, cuius uobis grauis ira iam diu uidetur constituta, & parata; benignius in posterum cum inexpiabili-



piabilibus uestris erratis agat, & ego, bonique omnes intelligant aliquando uos de tam misera, detestabiliq̃ue opinione deflectere. Sexto Iudus Maij.

IVLIVS PERVSCVS LEONAR-  
do Columbino Iuris Ciuilis & Pontifi-  
cii prudentissimo.

**P**ERSVASISSIMVM mihi semper fuit, esse te eiusmodi uel moderatōe animi, uel magnitudine ingenij, uel singulari, etiam in iure Ciuili, ac Pontificio scientia, ut nihil tuo iudicio perspicacius, nihil denique te copiosius reperiri posse intelligam. Quaquidē de te opinione impulsus, uenio nunc te rogatum, ut statuas iam, & iudices in quem nostrum conferenda sit tam diuturna intermissionis amicitiae culpa: in te nē, qui huc ad tuos scriptitans nunquam de me in tuis literis mentionem feceris, an in me potius qui ex eo tempore, quo undē cœnauimus apud episcopum Gaditanen. proprium Romae domicilium nō habuerim. si me tantae culpae reum tuo iudicio facis ne cunctare diutius in cursu aut dicendae, aut mittendae ad me tua manu subscriptae, & obsignatae sententiae, ut non coniectura iam, & commentatione solum, sed certo tuo iudicatu, ueritateq̃ue ipsa ducar ad nefarium facinus cognoscendum: si uerò ingenuitate animi, & conscientia tui non poteris ef-  
fugere.



IVLII PERVSCI EPIST.

fugere; quin te ipse hoc crimine condemnes; non est cur calamum ob hanc unam causam sustineas, te quæ a scribendi munere abducas. Tibi enim illud polliceri, & confirmare audeo, me fore non minus benignum tuarum rationum interpretem, quàm fueris tu cum despiciens benevolentissimi ex animo amici, tum immemor admodum meæ in te ueteris obseruantia: Sed uereor, quin summis loci istius occupationibus distentus, in quo audio tuorum studiorum insignia pulchrè eminere, non possis, neu potius Velis ad hominis tam pusilli, ut ego sum, negocia descendere, neque dignum me interdum ducere, quem habeas tuorum exoptatissimorum scriptorum participem. Quod quando ita eueniat, nec iam amplius mihi ambigendum sit de tua in me tam exigue propensa uoluntate, alterum iudicem, qui se integrum, & seuerum huic causæ prabeat, non sumam, & te de inculta amicitia, diuturnoque silentio minus contendam accusare, sed mecum ipse reputabo, te ualde repugnanti animo desciuisse ab illa humanitate quæ tuas uirtutes ceteras magnificè augere, atque ornare solebat. Vale.

IVLIUS PERVSCVS FRATRI-  
bus S. P. D.

50



ERCVNCTANTI mihi ex meis literis, quid sit, cur illæ ad uos hesternæ die non properassent: quarulæ ita responderunt

derunt, omnino si quæris, hære, nihil tam nobis molestum, quam cum sumant nos in manus fratres tui. explodimur enim nullo non tempore è domo eorum non clamore solum, sed conuicio. aiunt enim nos uel stomachosiores, uel intempestiuas admodum esse, ad quod illud etiam addunt, quod nouissime ad uos nocte concubia aduentantes non potuerunt sub pauculo tecti occlusis hostij repagulis à uestris literis excipi: quibus quando nostra mihi uisæ sunt ita irata; ut cupiant quasi descendere ad temerarium discrimen, maxima spe sum, uos, qua sumus inter nos fraterna coniunctione minime passuros, me præsertim denunciante, uestras pugnaces, nervosas, & consumatissimas literas cum nostris gracilioribus, atque ieiunis in congressum uenire. Ioculare namque duxi ut hæ, quæ uersantur in lubrico, audeant explorata potituris uictoria certamen indicare.

IVLII PERVSCI  
PATRICII ROMANI  
EPISTOLARVM

*Liber Quintus.*

IVLIVS PERVSCVS ALEXAN-  
dro Sfortiæ Episcopo Parmen.

51



**Q**UONIAM te nulla neque pri-  
uati, neque publici muneris pro-  
curatio à beneficijs præstandis  
abducit, non potui nunc non ad  
te opera, & animo istis in locis  
mirificè districtum familiariter,  
ut mea perquàm uetusta in uestram clarissimam  
familiam obseruantia postulat, scribere, si quid es-  
set rei præsertim, quod me ad tuam singularem hu-  
manitatem implorandam inuitaret: cuius quidem  
declarandæ si paululum tibi ocij ex grauissimis istis  
Christianæ reparandæ fidei curis comparare potue-  
ris; tanta, & tam præclara dabitur hoc tempore fa-  
cultas, ut commodiore loco, patientioreq; uia per-  
uenire ad eam in me exercendam non posses. Ap-  
petit enim dies creandorum hic magistratuum, in  
quibus multorum ore circumfertur, neminem pro-  
batum

batum iri ex suffragijs , aut ex perturbato nostro urbano more , sed uno ex Pontificis imperio , tuique ex electissimo fratris iudicio , ac uerbis , ad quē huiusmodi omnia nunquā non solent referri . Qua de re nihil iam uideo de uestra remissum potestate : uestra sententia magnum apud hunc principem habet pōdus : in uestra manu est producere homines uobis addictissimos ad tales honores , atq; eos potissimū , qui sedem omnium rerum , & fortunarum suarum in domicilio gloriæ , atque imperij nostri collocarunt . Quo in numero si reponendus sum , cum sex , & uiginti ab hinc annos longē alia conditione , ac plures ex ijs nixerim , qui uel recente , uel nulla etiam familiaritate uobis copulati uestra gratia , uestris assiduē studijs honestantur ; non erit mehercule alienum à tua beneficentia , & pietate agere proximis tuis literis non lentē quidem , aut remissē cum gloriosissimo Cardinali de meis rationibus , ut quod ego à fortuna tam diu damni accepi , unius nunc tui studium , & prudentia resarciat : nec non curare pro tua summa fide , proque tui mira ingenij solertia , me hac prima renunciatione in illum ordinem legendum , quem uestri altitudo animi , uestræ nobilitatis splendor , uestrorum studiorum famæ celebritas , & mea denique maturitas ætatis requirit . Ad quod si te non officium , neque mea in e meritā , Christiana tamen charitas , & insignis illa , quam succipere de iuuandis hominibus nunquā desinis


IVLII PERVSCI EPIST.

finis, cura, & sollicitudo debet stimulare, præsertim  
quãdo ego, neq; ambitione ulla, neq; alia leui causa  
me labi sino. miserrimæ namq; sunt hoc die in Vrbe  
honorum contentiones: sed cū eas sit propria, & pe-  
rennis uestra gloria; ut in summa beneficiorum co-  
pia, & in diuina uestrum amborum uirtute, ac man-  
suetudine possitis facile cū omni Regum specie, ac  
dignitate adæquari, grauitè pro eo, ac debeo, mo-  
lestèq; feram; uos charos patriæ, longinquis re-  
gibus gratiosos, & florentes denique uerissi-  
mis uirtutum insignibus hanc iam immortalita-  
tis uiam sapienter ingressos de uestrarum actio-  
nū cursu mea causa despectere. Proinde (Vir sum-  
me) sitantis initijs hæ tantæ sunt excitatæ lau-  
des, hoc quoque præsidio, quamuis exiguo, uestra  
firmanda est amplitudo; ut nullum quantumuis  
mediocrem, aut tenuis fortunæ hominem à suo por-  
tu; suoq; profugio uestra prolixa, beneficaq; ab-  
sterreat, atque excludat natura. mihiq; tam con-  
stantis fidei, tam ueteris obseruantie uinculo pro-  
pè inenodabili uobis cōiuncto in tam iustis precibus  
ita occurrat: ut non illarum me fecisse iacturam ali-  
quando audeam putare. Quo circa contende, &  
enitere omnibus euigilati tui consilij neruis, ut ali-  
quod iam, te Duce, & quasi signifero nostræ cau-  
sæ appareat in nos uestre domesticæ humanitatis,  
ac liberalitatis uestigiū; utq; Cardinalis ipse, quem  
graue tanquam numen supra mortalitatem om-  
nem meo-

nem colui semper, & suspexi, uincat interdum suis officijs cogitationes meas. Vale.

IVLIVS PERVSCVS ALEXAN-  
dro Sfortiæ Episcopo Parmensi.

52

 *V*M ex tuis ad me humanissimè scriptis literis facile cognouerim, te sic diligenter intimeque res meas fratri tuo amplissimo commendasse; ut mihi tuæ in me futuræ beneuolentiæ indicium, indicijque testimonium impartieris; non potui mihi non summè persuadere; quin omnia ea sim abs te nunc adeptus, quæ ab optimo, maximeque insigni uiro expectantur. Non enim unquam ullum quantum uis præstans beneficium cum hac in me tui animi egregia significatione, ac uoluntate contulisses; quam quidem, ut pro tua constantissima fide, singularique etiam liberalitate non conserues solum, sed augeas in dies oro te summis precibus, atque obtestor: ego uero, quoniam meæ tenuitati nulla præstita est facultas tuo in me respondendi merito, dabo operam, ut mihi satis ipsi, & hominibus uniuersis in perpetuum faciam ad tantam prædicandam certè, atque habendam gratiam, quantam uel capere animus meus, uel referre tibi pro me Deus immortalis potest. Tu igitur (Alexander spectatissime) qui iam non nihil de me

G

iuuan.



iuuādo curæ, ac sollicitudinis suscepisti; persequere  
interca omnes uias quibus putabis, posse te mihi  
faciliorem aditū ad uestram domesticam fruendā  
liberalitatem comparare; Perge ita me tueri, cum  
res, tempusque postulauerit, ita ijs omnibus accura  
tē commendare, quorum mihi auctoritate, & opera  
utendum est, ut & nullo patrono possim esse muni  
tior quā te; & Cardinalis ipse, qui aut per tua  
rum tarditatem literarum, aut per molestissimas  
eius occupationes, aut per summi fortasse Pontifi  
cis imperium, nequiuit hac tempestate tibi de me  
roganti obsequi; cognoscat deinceps ex tuo in me  
studio non tam meam erga illum uetustam, atque in  
credibilem obseruantiam, quā tuam erga me hu  
manitatem, & beneficentiam fore sibi grauem con  
stitutam, ac paratam aduersariam.

IVLIUS PERVCVS ALEXAN  
dro Sfortiæ Episcopo Parmensi,

53



**V**M diligenter mecum reputarim, qui  
bus artibus, ac disciplinis fueris à puero  
instructus, quæ tuæ semper fuerit pru  
dencia, quæ uirtus, grāuitas, & quæ tui altitu  
do animi, non hoc mihi sumere ausus sum, ut te de  
immatura morte amplissimi Cardinalis optimi fra  
tris tui per literas cōsolarer: præsertim quòd amis  
so tam singulari uiro, orbata tam insigni lumine tua  
familia,

familia, erepto tibi tali fratre, tot eximijs ornamentis prædito ingenij, uirtutis, prudentiæ, ac integritatis, cum te, ut audio, rebus in omnibus præstes uoce, uultu animique firmitate, ut mirentur cuncti, qui nam telum illud cruentum à fortuna ualide in tuum pectus intentum eduxeris, spectentque per plures ex hac potissimum constantia inuictum animum tuum. Quapropter omittam omnia quæ populi communia sunt, & quorumlibet hominum, in quibus uulgares, & quotidiana animi imbecillitates insunt: nec eis rationibus, quas ipse alijs ad consolandum afferre debes, conabor te præclaras natum ad res agendum; non ad plorandum, ab impendenti molestia abducere. Tantum autem pro mea uerusta in uestram clarissimam familiam obseruantia te orabo, atque hortabor, primum ne putes in maximo illi uiro, quem adhuc nostra uniuersa ciuitas uelut communem, & suam, non ut propriam uestri generis calamitatem luget, quicquam triste, aut acerbum euenisse: cum tot relictis præstantissimis fratribus, teque in primis imagine uirtutis, & auctoritatis suæ, migrauerit è fluctibus ad tutissimas cœli regiones; deinde, ut sic illa eadem tua uirtute, qua sciisti te ipsum, sustentes itidem tuos omnes: Sic te Guidi Ascanij præclarorum insignium cōsortem exhibeas, ut quicquid in illo amissum desiderare possemus, id nobis à te omne uberrimè restitutum uideamus; postremo, ut sta-

## IULII PERVSCI EPIST.


tuas ex tam acerbo incommodo altiora tibi hoc tempore iacienda fundamenta dignitatis tuæ; ducasque nihil tantum esse, nec tam amplum, ac tam præstans, quod tu de tua familia cogitare non debeas; quam nuper florentem, summoque honore in fratris tui amplitudine ornatū æquissimus et clemētiss. Pōtifex non ignarus quidem omnem tibi gratiam, & dignitatem iure optimo deberi, maturè in pristinum decus restituet. Non enim te ab ea rerum administratione, quæ tua digna uirtute, & sapientia est, potest is diutius prohibere, si tamen hoc temporis potius esse beneficium nollet, quàm iam suū. Cum igitur (Alexander Spectatissime) tota rerum meliorum spes in tui unius prudentia, studio, & consilio reposita sit; cumque te illas tandē ad cogitationes, illamque ad animi firmitatem contuleris, quam & nominis tui celebritas, & rerum tuarum ratio, & uestræ familiæ splendor poscit; Reliquum est, ut tuenda sit tibi diligentissimè imbecillitas uoletudinis tuæ, de qua mirum in modum solliciti eramus; & firmior, cum te commodè per hyemis uim committere itineri possis, contendas Romam tuam petere; ut ciues, & familiares tuos reuistas, plerosque eorum labentes excipias, fractos, ac dissipatos nonnullos ad unum compellas, multos diffidentes confirmes, manseros in fide, & officio erga uos amplectaris, nexatos, & afflictos erigas, perditos, & profligatos

figatos à lachrimis, & mærore tuo oxoptatissimo aduentu recrees; nec non domum tuam inanem hoc tam lauto supellestilis genere honestes, atque instruas. Quod si te ad hæc imparatum homines minus offenderint, non solum præclaras ipse ac perpetuò commemorabiles in Dei hominumque conspectu exequias, fratri tuo duxeris; sed tanta certè ex tua uirtute, atque industria, cum tibi uni, tuæque afflictæ domui, tum tuis omnibus familiaribus, post tantas tenebras, tantumque occasum, lætissimi illucescent dies.

## IVLIUS PERVSCVS ALOISIO

Cornelio Sanctæ Rom. Eccl. Car.

54

 I ea inest uis (Pater Amplissime) in tuis omnibus commendationibus, si ea quoque salubritas in tuis muneribus, qualem ego nuper in mearum rerum difficultatibus expertus sum, permulti erunt profectò, qui nihil aliud agent, nihil curabunt; nisi ut ad te, atque ad tua tam singularia bona possint aspirare. Nam & commendati à te tuis studiis facile uoti compotes efficiuntur, & mala etiam affecti uale tudine tuorum munerum largitate in meliorem sæpe restituuntur. Non ne tuus Thomas homo mebercule officij plenus, tuorumque

IVLII PERVSCI EPIST.

familiarium studiosissimus meam sic accuratè iudici controuersiam tuis uerbis commendatam reliquit: ut iudex ipse, apud quem tua pro me commendatio proxima fuit Pontificis mandato, liberè in causa sententià dixerit, & uxor porrò mea quæ nò dum stomacho, & capite confirmata uidebatur, ita tui primarij panis consolatione erecta est, ut & se bellè habere, nec satis grauius suum ferre partum sperat. Incumbe igitur (spectatissime Corneli) cum in hæc studia, quæ propria sunt amplissimi tui ordinis istius, tum ad eorum hominum salutem, qui se iam tuam fidem, & clientelam contulerunt.

IVLIUS PERVSCVS PIO IIII

Pont. Max.

55



**ADMIRABILI** tua sapientia (Pater Sancte) summoque illo studio, quod afflicto Christiano generi continuè nauas, præclarè admoneor, omnes esse in te Gloriosi principis partes, cuncta diuini, ac sanctissimi Pontificis munera. Quo nomine uerens ipse, qui tibi, & tuæ gloriæ uitam debeo, propter tua merita nuper in fratres, inque familiam meam uniuersam; nè quid occultæ, quasi caliginis offundatur splendissimis tuæ probitatis luminibus; non potui mihi non sumere, quin stratus nunc tibi ad pedes contendam sum-

dam summis precibus, ut uelis Romanam tuam, quam iam affectam, & prostratam extollis in dies tua præfenti uirtute, tuoque incredibili sumptu, his quoque firmare plusculis præsidijs: quorum illud est, tum quòd in creandis magistratibus non unusquisque ex sorte potius, atque ex suffragijs, quam tuo uel ex imperio, uel ex electissimo, excelsoque iudicio probetur. Sic enim abutimur immoderatè tanta licentia, tuaque facilitate, uel ad quæstum uel ad propinquorum cupiditatem, & obsequium; ut uni ij semper sine repulsa, singulis comitijs consules, ædilesque renunciuntur, quorum præpropria est prensatio, qui nulla unquam negocia, nulla unquam gerendæ potestatis munera obierunt; qui præterea immensis opibus affluunt: tum quòd idonei, atque exploratæ probitatis ciues, domesticis præsertim difficultatibus oppressi, aut aliquo benignitatis genere sustententur, aut aliquid habeant facultatis sic se in publicis commodis, & utilitatibus exercendi; ut nec de tanto tuo subsidio, quo cunctus Christianus orbis seruandus est, sit illis desperandum, nec tam florenti tua tempestate acerrima hominum ingenia parata nimirum ad iuuandum, socordia torpescant. Hæc quidem ( Pontifex Maxime ) quando non sunt disiuncta ab animi tui propensa uoluntate in bonos omnes; si ad cætera persanctè, glorioseque; à te gesta complecteris; de quibus unus etiam non cessò persape,



ac palam commemorare; neque Sanctitas sua de sui muneris maiestate, deque Pontificia consuetudine defleſſet, neque multi, qui ad operosa idonei sunt munera, cogentur iam ſeſe inuiti externis principibus uenditare: Sed tibi certo Principi, & proprio Domino, tibi certo Pontifici, attentoque Paſtori operam nauabunt, atque is accedet ex tam commemoranda liberalitate, & ſapientia cumulus ad ſolidam illam, & ueram tuorum meritorum gloriam, quæ ſtatuet tibi æterna inſignia, ut nihil poſthac futurum ſit tantum, nihil tam fauſtum, atque præclarum, quod poſſit præſens ætas in ſumo tuo principatu expetere.

IULIUS PERVSCVS GVILLELMO Sirleto Sanctæ Rom. Eccl. Cardinali.

56



**T**Amen ſe omnibus probat Pontifex Maximus in principatu (Pater Ampliſſime) ut neque aures eius ab ullo unquam abhorreant; neque benignitatem ullus unquam fruſtra appelleret, & tanta demum liberalitas, quæ in illo eſt omni literarum præconio celebranda, ſumat per quemcunque ſuum nomen, ac ſtudium implorantem plus, plusque in dies incrementum: ſic ſe præbet in ſua poteſtate, ut alia cum præſenti minime conferenda ſit poteſtas. Sed ego, cuius uita, uitaque



uitaëque difficilis ratio non tibi, non tuo ignota est Borromeo, fato quidem in his omnibus propè uideor singulari, longèque dispari conditione, ac permulti, quorum inopia, & egestas nunquàm domo, nunquàm cubiculo exclusa est tam commemorandi, ac planè diuini Pontificis, amplectentis nimirum assidue animo & cogitatione totius Christiani populi salutem. Nam simul ac te uidi proximis diebus sic incommoda tentari ualetudine, ut tuam exercere humanitatem ad arbitrium tuum minus posses, plures ex Pontificis familiaribus adi, nonnullos ex propinquis exorauì, quò mihi facilius ad illum aditus pateret, & in eo denique pertentando, quid non ausum reliqui, quas fores non pulsauì: nemo aperit, clamantem nemo exaudit, erigit nemo inclinantem, sitientem bonitatis, & munificentiae suae, medicinam, opemque petentem omnes deserunt, sanat nemo, corruere omnes sinunt. Quod si mihi aut per meam tenuitatem, aut per maximas, & grauissimas curas, à quibus nunc praesertim conflato immanissimi hostis tumultu nullus dies nulla hora sibi uacua est, licitum fuisset uenire in suum conspectum, aperireque coram sanctissimis pedibus tum meas domesticas, tum publicas populi huius difficultates; non solum illius commouissem beneficentiam, eaque fortasse iam

sciam fruerer; sed reliquisset praterea testatum apud ipsum, quid magna ex parte nostrorū ciuium animi, quid antiquissimi ciues, quorum res gesta luceſcunt, quid nati, & industrij, quid almae ſedis, & Pontificiae gloriæ studioſiſſimi homines ſentiant de perturbato noſtro urbano more in creandis hic magiſtratibus. Qua propter quicquid uerbis agere coram ſecum plenius haud potui, literis breuiter ſum perſequutus: earum exemplum à te percurrentem mitto: non ut, quæ in me non ſunt ingenij, doctrinæque bona uideas; ſed quando aucto ſubleuari meas calamitates à Pontifice tuis imprimis uerbis, tuis illis etiam ſtudijs, de quibus incredibilis eſt hominum opinio, non poterit non eſſe accuratior ex ipſis literis tua in me illi commendando diligentia. Itaque cum ſperem illas aliquo Chriſti numine, atque auxilio celeriter ad ipſius Pontificis manus peruenturas; oro te interea, atque obſecro, tuam in bene de humano genere merendo animi propenſionem obteſtans; ut commodam iam uelis occaſionem ad aucupandam benigniſſimi Principis gratiam, & liberalitatem in me inuando nanciſci; naſteque ita occurrere; ut & calamitoſi fortuna magis, quàm culpa homines, quibus in labore perferendo nec industria, nec uoluntas deeſt, poſſint hac tui Senatorij muneris tempeſtate ad ſpem ſanctæ, priſtinæque benignitatis erigi: et ſempiternus praterea meorum omnium de tuis iuſtis, ac pijs, non dicam

*dicam officijs, sed pro meritis sermo sit futurus.*

## IVLIVS PERVSCVS VITELLO

tio Vitellio Sanctæ Rom. Eccl.

Cardin. S. P. D.

57

**S**i permaximas, & grauiſſimas tuas occupationesliceret mihi (Pater amplissi me) uel uerbis coram, uel literis nunc tecum plenius agere, fortasse neque mea in te incredibilis obseruantia, neque mei animi cursus, & sensus tibi esset ignotus; ex quibus facile colligeres, quam flagrarim desiderio, ut istius Questorij muneris decus, & dignitas tibi potissimum sustinenda esset: cuius uirtus, ingenium, & mirificus magnarum rerum usus in tot sapientissimorum patrum consilijs maxime eminet quantoque opere deinceps meruerim, quod tua erga me iuuandum benignitas parum propensa fuerit superioribus diebus, cum crearentur hic magistratus: in quibus quidem si unusquisque ex Pontificis excelso iudicio potius, quam ex suffragijs probaretur; non uni ij semper sine repulsa, singulis comitijs, quorū præpropera est prensatio, qui nulla unquam gerendæ potestatis munera obierunt, qui præterea immensis opibus affluunt; sed idonei quoque indigentes ciues nonnunquam Consules, Aedilesque renunciarentur. Quare cum mihi minus multa scribenda sunt ad te, duo illæ

erunt

## IVLII PERVSCI EPIST.

erunt ( *Vir Summe* ) quæ te nominatim supplex  
uenio rogatum : primum, ut uelis tibi persuasissi-  
mum esse, nihil in tanta tua potestate gloriosius,  
nihil hominum auribus, Christianisque studiis di-  
gnius efficere, atque edere posse, quam si probis, &  
industrijs hominibus ad operosa idoneis munera,  
quos præsertim angustia rei familiaris præmit, ma-  
gistratus persæpe te autore, teque rogante commit-  
tantur; deinde, ut quibus officiis, quæque animi tui  
altitudine permultos optimis artibus, doctrinaque  
excultos in perpetuum tibi deuinxisti, ea ipse com-  
plectare etiam, ac foveas honestè uitam in egestate  
degentes, illi æternum tuorum meritorum præconiū  
literis mandabunt: horum uerò p̃ys apud Deū pre-  
cibus certior tibi, ac facilior ad beatas, latissimas-  
que regiones patebit aditus.

## IVLIVS PERVSCVS FEDERI- co Cornelio Episcopo S. P. D.

58



**P**ro isthuc ad sacrum concilium aduentis  
nuper mihi à præstantissimo Zambecario  
nunciato non maiore equidem sum animi  
lætitia elatus, quam gratia, & beneficio affectus;  
præsertim cum tanti uiri literis, cui omnia singula-  
ria studia debeo, id planè significetur, quod mihi  
omnium fuit cum optatissimum, tum maxime spera-  
tum, te, quem mihi non minus, quam fratrem tuum  
amplif-

amplissimum unicè diligēdum, atque colendum duxi, bona, & integra ualitudine esse: nec non fore tuam prudentiam, integritatem, & minimè uulgarem uirtutem multo præsidio, multoque emolumento afflicto Christiano gregi. Maximas igitur ago humanissimo Zambecario gratias, qui de tuis uerissimis, ac iustissimis laudibus prædicās causam mihi uel diu ab Vrbe absenti, uel tui, ac tuæ clarissimæ familiæ obseruantissimo, tanti nec opinati quidem gaudiū præbuit, quiq̃ me hoc recente merito, & nouo propè liberalitatis genere uoluit augeri: Tibi uerò, qui tam forti, ac sapienti animo in religione uindicanda sis, & Christianæ potissimum rei languenti publicæ mirandum in modum gratulor: quæ talem præsidem, talemq̃ fautorem nacta est, in quo magna sunt uirtutis, & industriæ ornamenta. Ego (Vir Spectatissime) sic tua probitate, tuæq̃ propensa in catholicum nomen uoluntate, sic tuis denique factis sum incensus, ut nihil unquàm in amore, atque obseruantia mea sit futurum ardentius. Perge itaque conferre ista, quæ tibi à Deo data sunt ingenij, doctrinæ, ac sapientiæ munera, cum ad propulsandum insidiosorum impetum, tum ad defendendum, atque augendum sanctum Apostolicum Senatum. Pugna fortiter cum perfidis hostibus, in quorum disciplina,

IVLII PERVSCI EPIST.

plina, & moribus nulla est ad insolentem uictoriam  
uia: sint tuis nocturnis, diurnisque uigilijs, & la-  
boribus, quos ad spem diuini honoris, cælestium-  
que commodorum debēs dirigere, sint tuo illustri  
exemplo munitiores ceteri tui collegæ ad sanctum  
initum certamen. Suscipe inquam, causam, &  
curam minimè Christiana constantia, & for-  
titudine alienam; ÷s namque studijs, in  
quibus tui similibus magnopere ela-  
borandum est, dignum laborum  
præmium, uitam immor-  
talem conseque-  
ris. Vale.



I V L I I   P E R V S C I  
P A T R I C I I   R O M A N I  
E P I S T O L A R Y M

*Liber Sextus.*

I V L I V S   P E R V S C V S   N.   A M V -  
lio Sanctæ Rom. Eccl. Car.

59



*I antiquorum regum, & clarorum imperatorum res domi, belloque gestæ colligendæ sunt; uel multorum Pontificum rectissimæ uitæ instituta capiendæ; facile intelligemus permagni interesse ad summorum Principum decus, atque ad firmitatem imperij, fieri quoque potestatem tenuibus hominibus uel ad eorum aures aspirandi, uel per literas tentatis rebus omnibus fidem, & obseruantiam ostendendi; & indigentes præterea ciues, in quibus præsertim nulla inest inertie, nulla improbitatis suspicio, non corruere, non planè deserui. Quod quidem, ut eximium ac non multæ molestiæ, nec multum consilij negocium, sic proprium Christianæ institutionis, sic Deo decora admodum, & grata hostia est. Hæc ego (Pater amplissime) non eo ad te; ut*

*aus*



aut aliunde petenda sint tibi tantæ uirtutis exempla, cuius prudentia, doctrina, & mirificus magnarum rerum usus elucet quasi splendidissimū sydus in tot sapientissimorum patrum consilijs; aut putem tãdem huiusmodi commemorationis genere flagrantia tua erga bonos omnes studia nunc ad me ipsum iuuandum allicere, atque excitare: qui si non meo tibi merito commendatus esse possum; accurate tamen tui Syrleti uiri quidem spectatissimi cõmendationes, quas diligenter obseruare soles, & tua in primis omnium sermone celebrata humanitas debet iã posuisse me in maxima apud te gratia: Sed quando ea est Pontificis maximi sapientia, uirtus, integritas, ea animi altitudo, & uitæ innocentia, ut ex rebus à se persanctè gestis, ex moribus, atq; institutis immanes èt nationes illū suspiciant, admirentur; angor uehemēter, et sollicitus sum pro mea cõstanti, pro pensaq; in Sanctū Apostolicum Senatū uoluntate, quòd ad summū imperium, ad præstātissima eius ornamenta aliquid accedat eiusmodi propter nō dicam naturæ acerbitatē, sed incōmodā potius ualetudinē, uel grauissimas curas; ut cum exceptione laudetur. Quod si tantus, ac tam singularis Princeps non pateretur implorari frustra suum nomen, atque auxilium, persæpeq; fieri cum uerborum, tum scripturarum iacturam; non esset locus in florenti suo principatu augendi clarissimas uirtutes, & ueri, atque attenti Pontificis insignia: Habere-

mus profectò his studijs expleta, & cumulata, quæ catholicum Dei genus exoptat. Quare ( Vir Summe ) cum unus sis hac tempestate maximè omnium idoneus acie ingenij, magno et ingenuo animo, præclaroq; rectè monendi, & orandi consilio plurimum adferendum opis probis, & industrijs hominibus; non agam iam tecum hortatione solum, sed summis precibus; ut ista, quæ tibi à Deo egregia data sunt munera conferas ad perficienda optimi cogitata Pontificis, & ad suscipiendas sic partes, & officia pro eis, ut & dignus existas in oī uita excelso tā diuini Principis iudicio; et ex hac cura, huiusmodiq; patrocínio cognoscant præclarissimi tui collegæ uniuerſi, quàm ualdè, quàm libenter possit afflētā res Christiana publica in tua fide, inq; tua caritate, & uirtute acquiescere. Vale.

IVLIVS PERVSCVS GVILLEL-  
mo Sirleto Sanctæ Ro. Eccl. Card. 60

**H**OMINES qui extra culpam sunt debent omnia ferre cum libenter, tum moderatè: Verum tamen ipse cum uiderem superioribus diebus dari locum sermoni meorum obtreſſatorum abſte tali uiro: quo patrone exiſtimaueram omnem calumniam effugere; cumq; sentirem falſum in me crimen, quaſi uenenatum telum iaci, & ea demum turpitudine, à qua inſtituto, & natura ſemper fui alieniſſimus, uitam meam uiolari, quæ priſtina tua beneuo-

H      lentia

## IULII PERVSCI EPIST.

*lentia, tuoque praesidio tegenda erat; non potui non magna aegritudine confici; neque sic quidem animo ualui; quin dolori succumberem quin tam incommoda laborarem ualetudine, ut ea iam, iamque emerferim. Ais ad te delatum esse, me cum imminutione dignitatis tuae locutum, me ualde conquestum fuisse de tuis erga illos officiis, qui tuo nomini, tuo studio confidunt. Repeterem altius initia meae demonstrandae innocentiae; si iam uulgata admodum, & nota omnibus, ac tibi praesertim non esset mea cum uita, tum libere loquendi consuetudo; quam si qui peruersè ex summa male uolentia, & lucre non ex certo sensu interpretati sunt; & doleo non probari potius nostram ingenuitatem, quam illorum detestabilem temeritatem. & admiror in hoc, quòd tanta tua probitas, tantum licentiae, tantum audaciae dederit illi hominum generi, qui ab euangelica institutione uidentur planè desiscere corrigentes nimirum non tacita, et occulta diligentia, sed buccinarum cantu uitia hominum. Scio equidem mihi crimini dari, protulisse interdum in ueritatis lucem, quae sentio, libereque omnia cuiusmodi sint, dixisse: Sed causa certè miserrimorum temporum, et mira paucitas eorum hominum qui non inopes humanitatis sint, qui non inani specie clementiae idoneos honesta uitam in egestate degentes consolentur, dedit mihi persaepe facultatem ledendi nonnullos libere non iam licenter loquendo. De te uerò, deque tua eximia uirtute,*  
*quae*

quæ potuit fieri mentio à me nisi honorifica? nisi  
 magna cum laude? qui potui de te ipse nisi honorifi-  
 centissimè loqui? & te nisi honorificentissimè ap-  
 pellare? cum tuas diurnas, nocturnasque uigilias  
 omnes ad spem diuini honoris, cælestiumque com-  
 modorum semper contuleris: cum ad sacratissimum  
 istum locum non casu, non ambitione ulla, non gra-  
 tia, nec uis fortunæ, sed admirabili sapientia in re-  
 bus sacris, prudentia in profanis, singulari doctri-  
 na, eruditione, ac iustitia in utrisque: sed tempera-  
 tissimis moribus, ac Deo potissimum duce deductus  
 es. Ecquod tam nefarium, tamque inhumanum fa-  
 cinus in eum commisi, quem supra mortalitatem  
 omnem suspexi semper, et ut splendidissimum sydus  
 inter tetras nostri seculi nubes colui, ac prædicaui,  
 nisi criminis loco arbitraris esse; quod te pluris  
 unum, quam omnes tuos collegas fecerim; quod mul-  
 tos tibi non omnino indisertos commendauerim; me  
 totum tibi patefecerim; quod non plus à te, quam  
 homines perspiciunt te posse postulauerim, quod pa-  
 lam oēs meas curas, cogitationes, oēs meorum libe-  
 rorū spes in tuo isto senatorio munere, inq; tua hu-  
 manitate collocauerim: et quod tātus deniq; ardor  
 animum meum occupauerit desiderio te cum uiden-  
 di, cuius ex una, & propria uoluntate penderent,  
 quæ ad nostras sustentandas difficultates pertinent  
 ut nihil uel amore, uel obseruantia in te mea potue-  
 rit fieri profusus. Hæc sunt uulnera, Pater Am-  
 plissime, quæ non possum tractare absque gemitu.

IVLII PERVSCI EPIST.

quibus ita exanimatus sum; ut non alio mihi ad tantam leuandam molestiam, quam te optimo medico utendum sit: qui præsertim inducere animos iacentes, & afflictos in spem, cogitationemque meliorem soles. Quare siue suspicio sit ista tua, siue illorum opinio, qui conati sunt meam integritatem conuertere in culpam; te oro, atque obsecro, ut si forte me tibi hac pusilla defensione satis purgatum esse nolueris; satis me iam pendisse pænarum obiecti mihi criminis infirma mea ualitudine patiaris; & tibi præterea persuasissimum sit; nullam esse tam acerbam, tamque insignem iniuriam, quæ me etiam desertum ab officijs tuis possit à studio tui colendi, atque obseruandi abducere.

IVLIVS PERVSCVS MVTIO

Passamentio. S. P. D.

61

**A**D MONEOR, Muti Optime, tum ex sermone, tum ex consilio, quo sæpius curam, & angorem animi mei leuare solitus es; te minime omnium ignorare, quam graui, & exitiali exitu conclusi fuerint casus mei anno superiore, amissa matre, erepto mihi filiolo, amissis etiam sorte super creandis tunc Cardinalibus quingentis aureis nummis; & ademptis denique non absque imminutione dignitatis nostræ pecunijs loco mercedis constitutis optatissimo Cardinalatus tempore: in quo summam mihi tranquillitatem speraueram. Itaq; nunc ad earum rerum memoriam,

quæ

quæ nihil planè delectationis afferunt, non te reuocabo, negotijs districtum, & ab inani sermone alienum. Tantum; scias uelim, illum quoque accessisse cumulum ad tot molestias, & ærumnas, quibus premebar; quòd nocte hesternæ nihil huiusmodi cogitans, ualente tamen Hortensia, auctus fui puella cuius ortus, fateor mediusfidius, tam terruit me denuntiatione quasi futuræ difficultatis; ut & nullius unquam ex quatuor superioribus, & uerear præterea prudentum reprehensionem; non quòd ego minime insuetus fortunæ contumeliæ, aut in unius mulierculæ amplificatione commouear, aut meæ me pudeat conditionis, aut diuinæ porro sim oblitus bonitatis. Sed quando in summa uirorū magnorum copia, quibus creditæ sunt gentes, quibus ad subleuandos homines facultates suppetunt, mira paucitas eorum est, qui non inopes humanitatis sint, qui idoneos honestè uitam in egestate degentes non inani specie clementiæ consolentur; non deserant, corruiere non sinant; ex eo, quod accidit uniuersis, quid mihi itidem impendeat, suspicor. Quare cum non existimem Deum tam auersum esse a salute nostra, ut tantus Cardinalis, cuius in beneuolentia, salute, gloria, & amplitudine omnem curam, industriam, spem, & cogitationes omnes nostras fore sitas putauimus, uelit egentes nos patrocínio, atq; auctore ad nostras exponendas difficultates à se absterre, subiectos eius tutelæ à suo portu, suoq; profugio excludere, te unum delegi ex



IVLII PERVSCI EPIST.

cunctis, uel nostri amantissimis, uel talis patroni,  
ac domini existimationis studiosissimis, qui pro hu-  
manitate, qua semper affluxisti, ores illum ex meis  
uerbis, atq; obsecres, ut me summa quæq; de suis di-  
uinis laudibus commemorantem non ignarus iam,  
quo genere subsidij subleuandus sum sua ope, suis stu-  
dijs, suo splendidiſſimo nomine sustentet: nec non  
idoneam nanciscatur quàm mox occasionem, ad au-  
cupandam Pontificis gratiam, & beneficentiam in  
me, uicisq; liberis tuandis: nacta q; demum ita occur-  
rat, ut nec mihi, nec cæteris, qui suam secuti sunt  
fidem, utendum sit aliorum commendatione apud  
maximos Principes: & ipse deinceps Cardinalis,  
apud quem debet ualere ex maiorum imagine hu-  
manitas, & animi altitudo, possit merito ad pauco-  
rum numerum ascribi. Vale.

IVLIVS PERVCVS PETRO GVICIAR-  
dino Pro Auditore Camera Apostol. 62

**D**E C I M V M iam annū habui te inter eos,  
quos mihi fore magno praesidio, magno  
que ornamēto proposui: tantaq; te, ac tā  
incredibili beneuolentia, & obseruantia, ob tuas  
animi atq; ingenij uirtutes inde sum prosequutus:  
ut cum de integritate, & doctrina illorum uirorum  
qui hac perlustruosa ætate debent ad Sancti Apo-  
stolici Senatus gubernacula induci perſæpe sermo  
apud nonnullos amplissimos patres haberetur, cum  
quibus diuturna mihi est inita familiaritas: ita ego  
acri



acri studio, & prædicatione uel tuam summam supra cætera, quæ in te sunt pereximia in iure dicendo seueritatem, uel tuum excellens in explicandis sententijs iudicium extuli: ut nihil meo in te amore singulari; uoluntate significantius, atq; ardentius audiri, cognosciq; ab eis potuerit: nec quicquam propius ad mea optata accedere poterat, quam te in hunc esse adductum locum, in quo tantam tuam probitatem cum languens nostra Roma, tum difficilis mearum rerum conditio poseit, et desiderat. Qua de re tunc non tuo sanè gaudisus cōmodo, res etenim plena sollicitudinis est, & laboris admodum. sed communi omnium ciuium felicitati, mea potissimum utilitati, & nostri deniq; iustissimi Principis gloriæ, ac sapientiæ gratulatus sum: qui omnes euigilati sui consilij nos ad talem iudicem, talemq; Rectorem seligendū adhibuerit, quō nec peritior in eo sustinendo munere, nec iustior excogitari poterat: Sed accidit fato nescio, quo meo singulari: ut iam usura falsi gaudij uidear prope mihi frui: non quod ipse intelligam te non esse iudicem uerissimum, & doctorem sapientissimum: non enim minus scis, quam etiam uis unicuique ius suum tribuere, sed quando nunc æquitatis magister effectus, qui antea eras fauor, sis impiæ atque inauditiæ mei fratris cupiditatem ulterius in me ferri, iam auctum pergrandi filiorum numero non possum, qui tam optato tuo tempore oculos tanta feritate hominis, & sauitia sperabam relaxare, non magnopere angi, non sollicitus esse, præsertim cum

IVLII PERVSCI EPIST.

tu, cuius in vultu, ore, oculis, prudentia, pietate, doctrina, seueritate debebam acquiescere, eā causam, quæ nullius iudicis iudicio digna est, dignam tuo iudicio, dignam tuis auribus facias. Ego sic me ob hanc domesticam pestem fracto, & afflicto animo sentio: ut quibus uerbis tibi causam commendem, non quæ reperire, neq; porro intelligo cū nihil de tuo munere, nihil de tua dignitate detractum uelim, quo me quærelarum genere de tanta immanitate proiectū quidem ad Pontificis pedes, deceat uti, qui me his iam putat nefarijs liberatum controuersis. Tibi facile in memoriam redigere potes, quā diu sit, quod ille tum frater, tum maior natus, tum sacerdos, tum etiam Episcopus nullum reliquerit locum, & uexādi familiam nostram, & insidiandi laboribus, atque industrijs meis, & uiolādi præterea cuiuscunq; fratris existimationem. Quod quā insignis sit ad memoriam crudelitatis, ab ijs optime iudicabitur, quorum animi, & cogitationes à Christiana ueritate, & pietate non desciscunt. Causam habes in primis ueram, Guiciardine Optime, de qua tot apparentiam dictæ sententiæ, quibus ad unum omnes iudices assensi sunt, ut quintum, ac decimum ab hinc annum assidue in bonis extiterim; & millies demum easdē sententiās recognouerint, et cōprobarint in ore, atq; oculis oīum quatuor Pontifices nouissimi: quorum superior nunquā eius hoīs commentationes, atq; iniurias non rescindi, nunquā non irritas esse uoluit: aliter hoc maxime in eo admirari solebat, quod

neque

neque uerbis, neque auctoritate potuerit illum tanta animi aegritudine, tam turpi ignominia, tantoque supplicio leuare: Paulus uero IIII. tã prauis cordis inspector non solum illum animaduersionis metu continere studebat, sed cum animaduertere in hominem cœpisset, tanta eius feritate impulsus animaduersionem, & supplicium quo erat usus in eundem, nostrae nō obscurae familiae, mihiq̃ue potissimum uni remisit. Hic omnium nostri temporis prudentissimus Pontifex, cum bis in Cardinalatu curauerit illū in carcerem contrudendum, nullum adhuc tanti criminis uindicem, quàm perpetuum carcerem existimauit. Quare ad hoc ipsum diuina, & humana consentiunt iura: ut scilicet, integram causam mihi ad omnem posteritatem reserves, expeditissimāq̃ue pecuniam mihi adiudices. Habeo mebercule omnis ordinis, omnis classis, omnis fortunae homines, & Urbis denique uniuersae aures, oculosq̃ue testes tam honesta, tam pia, tam miseranda causae locupletissimos: quorum huc neminem adducens, omnesq̃ue omnino missos faciens solam aut animi tui conscientiam, quae tu pulchrè uideris sustentari, aut admirabilem tuam cum in legibus, tum in hominum etiam cordibus interpretadis scientiam imploro, atque appello. Vale.

IULIUS PERVSCVS FVLVIO COR-  
 niæ Sanctae Rom. Eccl. Card. 63

**T**ALEM te praestitisti (Pater Amplissime) in  
 Sertorio fratre uxoris meae augendo, atq̃ or-  
 nando

nādo, quales ferme si esset nōnulli uel ex maximis Principibus, uel ex tuis collegis, quibus nō deest facultas recreādi, et subleuandi homines: non iā rerū bonarum desperatio permultorum aīos occuparet: nīhil in rebus publicis accideret icōmodē: et melius profectō eiecta oī auaritiæ sorde, splēderet Catholici seculum. Tanta namque irrepsērunt pecuniæ studia in mentes eorum qui affluunt diuitiis, ut parui hodie sit probitas parui morum integritas, nullo loco numerentur praestantes disciplinae: ad quod illud etiam accedit, quod sic se ipsi curant, sibi vnus asidue student, ut infamiā pariant. Cognoui mediūfidiū ex ea liberalitate, qua nuper hominem cōplexus es, qua fide in tuos familiares, qua clementia esse soleas, quantum bonitatis effundas ipse in aliorum commoda & emolumenta, quanti apud te sit nauorum, & industriorum hominum ratio, & quā denique abhorreas ab eorum instituto, & consuetudine, qui suos praesertim peruetere familiares non premiis, non ullo subsidij genere: sed inani, & etæca spe, sed suppliciis potius eliciūt ad omnem cōficiendū uitæ cursū in labore corporis atq; in animi cōtentione. Quapropter latatus uehemēter sum non tam illum esse tuo iudicio, tuoque illustri testimonio decoratum, & egregia sua fide, ac diligentia prouocasse altitudinem animi tui, sed tantum accessisse ex hac beneficentia cumulum ad tuas eximias uirtutes: ut spe iā certa niti possimus, fore tibi informato planē ad uniuersæ rei Christianæ publicæ usū

uenturam à Pio V. Pontifice Max. tum regni, ac po-  
testatis, tum rerū sanctissimē à se gestarum heredi-  
tatem. Nactus est Sertorius, quod nulli hoc tempo-  
re, uel per pauci, uirum imprimis memorem, natum  
que ad alta, ad caelestia, tutorē fortunarum suarū,  
auctorem & ascriptorem dignitatis, patronum de-  
niq; ac dominum munificentissimum, cui maxime  
uni uideo deberi omnes liberalitatis laudem: cuius  
benignitas, & humanitas uincet cūctorum merita,  
exilet sēper superior. Habet Sertorius ipse institu-  
tus nimirum à suis tenerioribus annis ad praeclara,  
cur se ita paret, ita excolat: ut ad qualibet magna  
promerenda beneficia iudicetur idoneus. Habes, &  
tu (Vir summe) hominem, quem pulchrē nosti, cu-  
ius sensus egregiē tenes: cum tui cupidissimum, ac  
studiosissimum, tum ad imperium, & nutum tuū pa-  
ratissimum: qui quidem si ei contigerit, ut tibi possit  
quandoq; insigniorem operam, & studium nauare:  
neq; expectabit ipse occasionis tarditatem, & cur-  
ret certatim ad suum munus accurandum. Qua de  
re posthac, et tua in eū optima uoluntas non poterit  
non esse expressior, & ego, quando colui te semper,  
& suspexi, retinebo memoriā tui splendidissimi no-  
minis: idq; pro mei exilitate ingenij à silentio, &  
obliuione inferioris aetatis uindicabo.

IVLIUS PERVSCVS GVILLELMO

Sirleto Sanctae Rom. Eccl. Card. 64

**S**i Romā ipsa loqui posset; nō plenius ex ea acci-  
pere-

IVLII PERVSCI EPIST.

peretur (Pater amplissime) quomodo se se habeat  
nunc priuata incūdissimo tuo aspectu, quā ex iul-  
tu, et sermone multorū ciuium, quibus nō solum tua  
summa uirtus, et prudētia. sed tua singularia in bo-  
num quēq; studia iā diu nota fuere. Ita quidem nos  
afflixit oēs tuus hinc discessus; ut neque tu conie-  
ctura assequi, neq; literis ipse completi possem, &  
commutatum prope uideatur cum mœrore magnum  
illud gaudium, quo iam exiliuit Res Christiana pu-  
blica ex tuæ sibi cum optata, tum peropportuna di-  
gnitatis amplificatione. Verū enim uero hæc ipsa  
solicitudo, atq; hoc tantum, & commune incommo-  
dum facile eius rei compēsatione lenietur; quod spe  
maxima sumus, tam fore salutarem tuum ad istos  
populos, quibus præfēctus es, accessum, egētissimos  
quidem tuæ medicinæ; ut breui ab eorum curationi-  
bus uacās, possis te primo tempore ad nos recipere.  
Quod ut faustè, absolutè, ac te in primis valēte eue-  
niat, Deum Op. Max. & ego, & liberi vniuersi mei  
summis precibus oramus. Vale.

IVLIUS PERVSCVS VITELLIC-  
tio Vitelio S. Ro. Eccl. Cardinali. 65

**P**ROXIMIS superioribus temporibus, cum  
omnia tunc ex libera Pontificis volūtatē  
& arbitrio penderent; hoc mihi aspersit  
nonnihil molestiæ (Pater Amplissime) tum quod  
iunoni, qui plus gratia, & auctoritate pollerēt, quiq;  
immensis opibus affluerent publicis rebus, publicis  
mune-



muneribus potirentur : tum quòd tu , quem suspecti  
semper , & colui nunquã in mei egentissimi hominis  
mentionem cum Pontifice incidere volueris : Nunc  
verò quando ipse clauum totius imperij tenes , pro-  
pterea , quòd res ad interregnum redit ; quãtum ani-  
mo maximum capere possum , dolore afficior : præser-  
tim cum neq; , perpetua mea in te obseruantia , neque  
nota tibi meæ vitæ conditio impulerit te isto Quæstio  
munere fungentem ad benè de me meisq; liberis  
merendum , neq; , vlla demum tot præstantissimorum  
virorum cõmendatio potuerit tam esse apud te accu-  
rata , vt dignus iudicaretur , quẽ tuo studio , tuaq; , beni-  
gnitate iuuares. Quapropter non dubitarunt in præ-  
sentia hæc litera penetrare in augustiorem istum us-  
que locum : vnde omnis veræ probitatis , veræque  
pietatis vis debet emanare : ex quibus planè cogno-  
sces , me non agere tecum hortatione solum , sed sum-  
mis precibus , vt stratos , & afflictos homines peten-  
tes à te opem , & medicinam egregijs tuis facultati-  
bus subleues , corruere nõ sinas. Noli pati , permagne  
Vir , frustra implorari tuum nomen , atque auxiliũ.  
Noli committere , vt tam crebris precibus mihi sub-  
sidium , & salus sit impetranda , ne à laude maximi  
tui animi conuertatur interdum homines ad opinio-  
nem seuitiæ ; & tibi ipsi sempiterni tẽporis gloriam  
eripias. Laudantur nimirum nostra tempestate re-  
ctissima , egregiaq; , tua facinora. Laudabuntur ma-  
iorem in modum , si certè pro alienis cõmodis , & vti-  
litatibus multas curas , multas actiones susceperis.

Potes

IVLII PERVSCI EPIST.

Potes nē obliuisci, & non sentire, qui sis, quo floreas  
honore, quā gloria, quibus fortunis, quibus ingenij,  
cōsiliij, gratiæ, ac bonorum omnium præsidys? Non  
video, quid magnum, quid porro insigne, atque præ  
clarum à tantis, ac talibus tuorum ornamentorum  
initijs non sit sperandum. Age iam manda quæso di  
ligenter, ac nominatim Musciano per syngrapham;  
vt ex hisce populi muneribus, quæ tibi etiā ad par  
tiendū pro arbitrato tuo reliqua fecisti, vnū is mihi  
deferat loco maximi beneficij: quod .n. mihi sorte ob  
uenit, vel rogatu potius Pompeij Columnæ, id tenuē  
admodum, atque exile est. Integrum adhuc tibi esse  
video, ea vti animi altitudine, ac liberalitate, qua  
me, mei que similes deditos tibi, ac tuæ volūtati, grā  
tiæ que prosequi debes: et quæ præterea à tuo studio  
tuæque ista Senatoria dignitate expectatur.

IVLIVS PERVSCVS PIO V.

Pontifici Maximo.

66

**V**T Christus colendæ pietatis auctor iussit  
languidū surgere, & ambulare, quod non  
erat ei vllus, à quo dmitteretur in pisci  
nam: sic tu, Pontifex Maxime, insistens in Salua  
toris vestigijs velis me oppressum permagno filiorū  
onere, & egētem adiutore ad meas exponendas dif  
ficultates tuis diuinis opibus subleuare: atq; in hac  
nunc tibi non ignota perdifficili meæ vitæ conditio  
ne ita tuum pium nomen, & numen ostendere, ut læ  
tandum mihi, non iam pœnitēdum sit, quod ad te im  
primis, quodque ad solam Sanctissimi Principis fi  
dem

dem, & liberalitatem confugerim, & ex privato quoque in nos beneficio liceat intelligi quanta futura sit cura, et studium de aliena propulsanda inopia te optimo Pontifice ad alta cælestiaq; delecto.

IVLIVS PERVSCVS NASSALEXANDRINO S. R. Eccle. Cardinali. 67

**Q**UAM te vnum hoc tempore Pontifex Maximus delegerit probata illi fide, bonitate, magnitudine animi, & moderatione tui, qui in primis pro tenuiorum hominum salute, & cōmodo multas curas, multas actiones suscipias: non debet te (Vir summe) à studio mei iuuandi ea res detertere; quòd nulla mihi tecum familiaritas, nullus vnquam vsus fuerit; neque debeo porrò ipse dubitare, quin opis mihi, ac patrocinij maximè indigēti benignè sis facturus. Quapropter non alliciā nunc pluribus verbis tua ad me subleuandum officia. Tantum te oro, & obsecro, vt quæ olim accepit amplissimus Reumanus à summo Pontifice mandata de meis liberis tuendis, ea tu pro humanitate, & beneficentia, qua viri optimi, & Senatores Christianæ Reip. fortissimi affluere debēt, sic velis persequi, et exhaurire, vt nunquā præsidium, nunquam nomen frustra videatur implorari tuum, et Pontifex ipse, qui propensus admodum est ad bene de nobis merendum, sit etiam tua opera, et cōmendatione propensior. Vale.

IVLIVS PERVSCVS ALFONSO IESUALDO S. R. Eccl. Cardinali. 68

**C**UM iam pridē renunciato te Cardinale, opti-

IVLII PERVSCI EPIST.

mo tua ineuntis ætatis tēpore, oīa præclara, oīa egregia sentire de mirifica tuæ probitatis, atq; ingenij indole: adductus quidē ad hoc ipsum uel multorū bonorū testimonio, uel sermone etiam tui Io. Francisci Sonantij viri mehercule ingenuis, atq; vberimis artibus ornatī: Tū verò illa tuorū morū, illa tuæ humanitatis suauitas, quā ego, & frater meus Episcopus Ciuilitatis cognouimus ex tuæ liberalissimæ erga nos voluntatis significatione: cum te ambo vnā honoris causa uiseremus: ita confirmauit meū pristinum de te iudicium, ut non solum præcipua te quadam obseruantia colēdum, quē antea cōmuni illo studio, quod tuo maximē illustri nomini, tuæq; amplitudini debetur, tantūmodo diligebam: sed dolendum mihi præterea duxerim, quòd nō eiusmodi fuerit meæ fortunæ conditio, ut idoneus essem, qui rebus, & cōmodis tuis seruire. Facile. n. intelligere potuisses, quanti apud me sint virorum talium, taliumq; Cardinalium ornamenta, & quā denique plena essent mea erga te officia cum amoris, tum fidei. Quapropter cum nullis queam te prosequi officijs absentem, nostriq; amantissimum, oro te, atq; obtestor, ut exiles, incultasque has literas uelis loco maximorum officiorum in manus sumere, teq; nobis talē in beneuolētia, benignitateq; præbere, qualem iam esse erga ceteros vniuersos videmus, & qualem tui generis nobilitas, animiq; præstantia, & Senatorium istud munus, quod tibi à Deo assignatum est, poscit, ac desiderat.

P I N I S.

## CHRISTIANAE REIPVBLI-

cæ Senatori Maximè Illustri Car-  
dinali Ecclesię. Iulius  
Peruscius.

**E**LV D proprium, ac perenne manet a-  
pud me de uirtute ; ut quod in cæteris us-  
diuturnaq; accidit consuetudine , ea me  
ad summè illos diligendos, qui ipsius compotes uir-  
tutis sunt, repentè alliciat. Quapropter cum admi-  
rabilis tuorum ornamentorum fama, cum singula-  
ris tua sit uirtus, et quod caput est probata multis,  
clarisq; rebus Pio Quinto Pontifici omnium sa-  
pientissimo, atque optimo, qui & Deo ipse, homini-  
busq; probatus est ; & non probat. nisi congruen-  
tes cum sua disciplina ; non possum non accendi mi-  
ro desiderio cum tui colendi, atque obseruadi ; tum  
tibi, ac Pontifici item ipsi & meo, & publico nomi-  
ne gratulandi de eximio beneficio, quo nuper is af-  
fecit Christianas nationes ex tanta, tamq; opportu-  
na deliberatione, quam habuit de te nunc ad Reip.  
gubernacula acciendo: Cui quidem per quàm atten-  
tò, nostraq; incolumitatis studiosissimo pastori si-  
minus satis nos futuri sumus ad referendam gra-  
tiam idonei ; ad agendam certè, atque habendam  
satis unà omnes faciemus. Auxit enim sanctum  
Apostolicum Senatum eo uiro, eoq; auctore publi-  
ci consilij, cuius similes quàmplures si olim superio-

res Pontifices asciuiſſent ſibi conſiliarios, & admi-  
niſtros; non inſultaſſent tot annos in noſtrorum ſa-  
cerdotum nomen perditum, ac proſtigati animi, ne-  
que adeſſent iam, atque impenderent horribiles il-  
la diſſidentium opinionum procellæ, quas non niſi  
flante diuinæ benignitatis aura deuitabimus; & ho-  
minum præterea in ſalute Romani imperij uigilan-  
tium præclara eſſet conditio. Grauem ſanè perſonā  
ſuſtinent teterrima noſtra tēpeſtate Cardinales ij,  
quibus pietas, & religio prima ſunt; qui et errātes  
animos præceptis diuinæ diſciplinæ in uiam redu-  
cere, & quæ uerbis ipſi, atque ſuaſionibus tradunt  
re ſtudent, ac moribus exprimere; qui populorum,  
ac gentium tranquillitati non ſolum per ſe, ſed per  
alios etiam uelint eſſe proſpectum; qui beneficen-  
tiam, abſque præmiorum ſpe exercent: æquitatem,  
atque imbecillitatem aduerſus mendacium, aduer-  
ſus iniuriam tuentur; non rerum flexibilium falla-  
ciſſima ſpecie decipiuntur; nihil omnino agunt, ni-  
hil ſecum meditantur, in quo non certiſſima chari-  
tatis argumenta, non expreſſa Senatoriæ amplitu-  
dinis indicia eluceant. Verum enim uerò huiusmo-  
di curæ, huiusmodique cogitationes, quibus rerum  
omnium laudandarum inſpector Deus gaudet ſunt  
ſplendide admodum, planeque diuinæ: ſunt dignæ  
Cardinale, & Cardinale immortalis: ſunt florentes  
denique ſolida ea gloria, ueriſſimisque ijs laudi-  
bus, quæ nos cum illo cæleſtium animorum cœtu



coniungunt. Delata est tibi diuinitus omnium maxima, in qua te ostendas occasio euigilato nimirum illius Principis consilio, qui alia longè sequutus est in te honestādo, ac permulti ex superioribus: Dedit honorē non propinquitati, non familia, non gratiæ, non diuitijs: sed merito, sed uirtuti, sed Tibi ipsi, Ecclesia spectatissime, ut Ecclesia Ecclesiam reficias. Ingressus iam es in magnum, in frequentissimū ueluti Theatrum ingenij, atque industriæ tuæ. Habes ad optimam tuam erga bonum quemque uoluntatē declarandam certos, & constantes cursus, quorum uestigia non poteris iam tum inflectere, neque te quicquam ex eis reuocare; cum præsertim Pontificem tam exploratæ probitatis intueberis; uitam ipsius imitaberis; gratam sui excelsi, atque incorrupti iudicij memoriam, quo te dignum duxit, opera, labore, studijsque omnibus comprehendens: cum tuorum meritorum præmia à te uno quotidie sumes; & mercedem uirtuti statues esse uirtutis usum: quo unumquodque minus iucundum, unumquodque minus utile est ad memoriæ diuturnitatem: sed me, qui Tibi neque ulla priuata familiaritate coniunctus, neq; de facie, aut nomine prope sum notus, miraberis (antistes amplissime) quid causæ impulerit, ut à suscepto gratulandi munere, in quo debet omnium ordinum consensus uersari, fuerim ad hanc quasi hortandi rationem, qua tu minime indiges, delapsus. Tamen consideranti mihi


IVLII PERVSCI EPIST. LIB. VI.

cum animo meo tam turbatum orbis terræ statum,  
tam etiam angusto loco esse hoc tempore catholi-  
cam rem, debes ignoscere: suspicientique præstan-  
tes tui animi impetus ad Christi gloriam ita faue-  
re: ut & nullo præsidio, quàm te possim esse muni-  
tior ad palàm, atque apertè cum eis uiris agèdum,  
quorum nobis ope, atque auctoritate nitendum est  
ad spem tutius, atque augustè magis uiuendi: & ex  
tuis porrò cum Pontifice Maximo colloctionibus  
cognoscam interdum, quanti per te apud eundem  
ipsum Pontificem futura sint Ponderis eorum ho-  
minum uel uerba, uel literæ, quibus antiquior est  
ecclesiastica maiestatis, quàm propriæ salutis cu-  
ra. Vale, Deum Optimum Maximum orabimus:  
ut equare tuæ uitæ spatia cum ijs bona uelit, quæ  
summa, ac diuturna in te res Christiana publica  
desiderat.


FINIS.


















1. 1. -



18 5. —







